

# UMULANDU

## NKANINA BUKAPEPA

### BWA AMPANISHIWA PAMO



Natotela, Munyina Neville.

Kuti mwaikalako. Mukubalilapo, Ine ileelo naciba uwapamfiwa sana icakuti Nacifilwa nokumfwako uko abalwele bacilanjita. Kwaciba abantu bamo aba mafya ayankama aba cilafwaya uku bapepelako, abo Na cilinga ukukumanya. Lelo nomba bamo pa...umo pali ayo amabumba, Nde cetekela Billy atiile bafumine ku Canada, shibili nangu shitatu incende ishaibela. Nomba, bena balesa muno, na mwishiba, kabili bekala mu mayanda ayakalamba aya kutushishamo abeni namu mayanda ayanono aya kutushishamo abeni ukutwalilila inshita yonse. Kabili Ndaya noku bakumanya, ukubakumanya noku bapepelako bonse abesa ukufuma muncende monse monse uku shinguluka icalo, naku Asia, Europe na konse-konse. Ubushiku no bushiku, ilyo tuba pano, abantu balesa muno. Pali ukucila imyanda mutanda apatantikwe, abalelolela...ukulanshanya umo umo munkama, kabili cilemonekako icakosa. Lelo abantu abo abali abalwalisha nabo abali abapamfiwa abali noku pepelwa, emulandu, Ine ndesha uku bakumanya.

<sup>2</sup> Pamo, cisuma, epo Ine naciba mukati mulya nebumba lyaba cetekelwa, mukulanshanya ukunono nebumba lyaba cetekelwa bandi pano pa chalichi, twacikwata ukukumana pa nshita iinono iyapitapo. Kabili mu nshita ilya nacisendwa nalabikilwako pali ora nacitika, kabili kwaciba abantu bamo abacilafwaikwa ukuba pano pali kalya akashita no ku pepelwa ko. Nga bali pano, kuti Natemwa ukukwata ukubapepela pali kano akashita. Eico, nga kuti bacita ico, abo abantu abacilinga ukupepelwako, cisuma, nga kuti baisa kuno nomba ilyo kalisha wacinanda, uuli onse, alaisa no—no kutupela apakutampila ukwimba “Shing’anga ali mupepi, Yesu uwaluse.” Nomba bonse abo abafwile ukupepelwako, ngakuti bacita ico, nga baciba banga Nshi shibe. Kabili eimwe mwe ba bwananyina, Nde subila. Mweba bwananyina, Na licula apakalamba mumubili wandi. Yesu asendele mumubili Wakwe, amacushi, ukutila Ena engaba Ndubulwila uwalungama, pantu Ena uwaba Lesa apangile umbili ukuti Enga cula. Ale umfwa ubukali bwa macushi. Kabili emulandu Aishile noku panga icikonsolwelo. Kabili muli ici Ala shiike i Chalichi Cakwe ukutwalilila umulimo Wakwe.

<sup>3</sup> Kabili Na likwata—Na likwata umucinshi uukalamba ku milimo ya cipatala, ukubombelwa nefyaba ngefyo, abo—abo na matalanta Lesa abapela ukubomba imilimo imo ku mubili, ukubombela noku fumya ameno ayo ayaonaika, nefyaba ngefyo. Nda totela pali ico. Lelo kulesa inshita lintu ficila pakwishiba kwabo—kwabo, ta—ta beshiba nefyakucita. Mwamona? Kabili Nde tontonkanya, nomba, ifwe twalikwata insambu isha pwililika, ngefyo cingaba mucifyalilwa, nga cakuti ifwe twaile kuli shing’anga wapa lupwa, limbi shi—shing’anga umbi mucalo cesu, shing’anga umo umusuma uwakale uwakuti alasenda ilampi nokwenda ukupita mumpanga ubushiku, uku kufwaya, ukuti akundape. Kabili nga cakuti afilwa ukwishiba, ali nokuya kuli umbi uyo uwa mucilako panono. Ena kuti akutuma kuwa kanshiwa. Kabili nomba nga uwakanshiwa teshibe, Ndi—Ndi uwansansa ukuti natukwata umbi kabomba, Shing’anga mukalamba.

<sup>4</sup> Kabili Ena tafilwa, uyu Umo tafilwa, pantu Ena e Kabumba Umwine. Kabili Ali tupangila inshila. Nomba, nga cakuti mwaliba amaka ayali yonse aya bundapishi mukati kandi aya ku cicitu ico, Ine—Ine kuti naisa nokuchita ico. Ine—Ine kuti nabafye nensansa kuli ico. Lelo, nga maka yakundapa, Nsha kwata nangu yamo, takuli umuntu nangu umo uwakwata amaka ya bundapishi. Lelo ifwe twali lashikwa, mwamona, ukufuma kuli Kristu, ukupepelako abalwele, Uyo akale alibikamo amaka ya bundapishi. Mwamona? Kabili ifwe twisafye, ngefyo caba, mukulembapo itoni pali ico. “Kabili na conse ico waipusha Taata Mwishina Lyandi,” ako eka pepela ka kufumishapo indalama akabula ukulembwapo, “conse ico waipusha Taata mwi Shina Lyandi, Ine ndi nokucicita.” We bulayo we! Tetifye cifilikwe. Kabili Na lyafwilisha ba munyinane ne nkashi shandi, uku shinguluka icalo conse, tutilenimo ifi . . . nangula tutululenimo ifi pafyalembwa mwi Banki lyakwa Lesa, pa Mulopa wakwa Yesu Kristu. Kabili caliba icabombeka bwino ukucilapo. Ena lyonse alalipila mukupwililisha, kabili pantu ica kututula kale kale emocaba, mwamona imwe. “Ena—Ena—Ena alashi *lwe* pa membu shesu, mufipumo Fyakwe emo ifwe twaundapi *lwe*.” Mwamona, fyonse fyalipwa. Kabili tuli abansansa munshita iyi iya bushiku pa cicetekelo cenu.

<sup>5</sup> Ni nceletela Billy acilanjeba pali munyina umo afuma kulya ku Canada nangula ku ncende imbi. Kabili bushe ico cili icalungama? Niwe munyina uufumine ku Canada? Kabili—kabili nikwisa iwe ufumine, munyina? [Munyina atila, “Kukapindafye ka ku kuso ukwa Fort Wayne, mu Kendallville.”—Kale.] Kendallville, Indiana ukufuma ku Fort Wayne. Ine naupile mu Fort Wayne. Nde ibukisha bwino bwino. Nalikwete ukulongana ukwingi palya pa Rediger Tabernacle. Ndesubila nawishiba apo iyo incende ibelele. Kabili Nde ibukisha, ngo mwaiche umulumendo, ukwikala pa makasa yakwa Paul Rader, mu

Rediger Tabernacle, nga kasambilila umwaice kapyunga. Ena ali mwaume umukalamba, Munyina Paul eflyo ali, kabili eflyali na Munyina Rediger, abaume bacicetekelo. Imyeo yabo itushe munshita ino iyabushiku. Kabili nomba, fintu Ine nali umwaice umulumendo, Nde esha ukutwalililapo apo bena bashile, ico Yesu ashilile i Chalichi Cakwe ukufika na panshi.

<sup>6</sup> Nomba, ne cicetekelo conse ico Ine nkwete, Na laisa muku mipepelako. Kabili Nsha—Nsha isefye nefintu fya cicitecite. Ifwe tatufwaya ukucita ifintu muli uyo musango. Awe, ico tacili icalungama. Ifwe tuleisa, abacetekela ukutila twalapokelela ifintu ifyo twipwishe, mwamona, ukwishiba ukuti Lesa alilaya ico. Kabili twalaisa ne cakushininkisha mu mutima wesu ukuti Kristu alipangile ubulayo, kabili naimwe mweba bwananyina mwalyesha ukubika icicetekelo cenu pa cipailo, nokucita fyonse ifyo mwingacita, Naine nalaisa nokubika icicetekelo candi pamo necenu munshita ino iya bushiku. Mwamona?

<sup>7</sup> Kabili, nomba, ifwe natukwata icipailo cikalamba ico icatambalala ukupulanya imyulu, kabili napali cilya icipailo, epali Ilambo lyesu, u Mwana wakwa Lesa. Mwamona? Ni lilya Ilambo ililesuma umulopa. Lesa teti aloleshe pali cilya ukwabula uku Cipela umucinshi, mwamona, pantu Ico e Cebo Cakwe, “Uyu e Mwana Wandu uwa temwikwa, imwe mumfweni Ena.”

<sup>8</sup> Ine nalaipusha Munyina Neville, umukalamba wesu, ngakuti aisa pamo naine kuntanshi ilyo ifwe tuleya. Nde fwaya ulukuta lonse... Nga cakuti uyu ewali munonko, umulume wenu, umwana wenu umwaume, wiso? Ena ali wamuntu umbi, mwibukishe. Iseni, na buchishinka bwesu bonse ubo tukwete, tupalamine kuli Lesa nomba pamulandu wa aba ababwananyina.

Natukontamike imitwe yesu.

<sup>9</sup> Mwebakusenamina Taata mwebaba mu Muulu, tuleleta mu Kubapo Kwenu nomba ukupitila pa cipailo cakusenamina, nangu ifwe twaiminina ku cintamba icinono icambao, nga fintu cali, pano pe sonde, lelo icicetekelo cesu na cisumbulwa ukufika ku cipailo icilebilima kwi shilya, uko Yesu (uwaba umununko-uusuma Kalubula ku cinsu cakwa Lesa, Ilambo lya Mulopa ukufuma ku Kalbale) Uyo uwa cimfishe yonse amalwele, utushishi tonse utuleta amalwele, imfwa, kumbo, kabili ne nshinshi, kabili abukile nakabili no kwima ukuya ku Muulu, ukuya ikala ku kuboko ukwa kulyo Ukwakwa Mulopwe. Kabili naifwe, ukupitila mu cicetekelo, twaisa, natuisumbula fwebene pamulu palya mukusenamina kwakwa Lesa, ukulanda pano pa cipailo, kuli Kabumba mukalamba uwamu Myulu na pe sonde, “Tupokeleleni, Shikulu, lintu twapalama mwi Shina lyakwa Shikulu Yesu.”

<sup>10</sup> Pano pali aba bwananyina besu, na umo afumine pa mulu wa Fort Wayne, muno mu states, naumbi afumine ukutali ku

Canada ukufika kuno, ukwisa kuli ino nshita iikankala iya bucishinka. Cili pakati ka mfwa no mweo, Shikulu. Pano pali abaume babili, balifye imisepela, nemilimo iingi muli bena iisheleko uku Mi bombela, Shikulu, aba bulwi babili, abena Kristu aba Mi cetekela. Kabili umulwi naposa umufwi, kabili uyo umufwi wa sumu naulasa pamo pa ncende mu mibili yabo, kabili nababwela, ukubwelela ku cipatala ca kusenamina kwakwa Lesa, ku kuwikishanya, kwa bundapishi, ukutila benga palamina kuntanshi nakabili, ne nkwele iya sumbulwa pa mulu, ukuya ku bulwi. Bena nabesa mukwampana pamo na maka ya mapepo pamo naifwe, Shikulu. Kabili ukuti twingaya kumanya umulwani.

<sup>11</sup> Mwi Shina lyakwa Yesu Kristu, fikakuleni. Ifwe twamufulumuna mwi Shina lyakwa Yesu Kristu, lekeni fileya.

<sup>12</sup> Bena babulwi aba nkondo. Kabili, nga umubomfi Wenu, Ine naya kuntanshi nomba nokubika amaboko pali bena, ne cicetekelo, ukucetekela ukuti, “Ifi ifishibilo fili nokukonka abo bonse abacetekela,” Shikulu wesu eflyo asosele, Katungulula Umukalamba wesu uwabulwi, “nga cakuti babika amaboko yabo pa balwele, bena bali nokupola.”

<sup>13</sup> Ici Ine nacicitila mwi Shina lyakwa Yesu Kristu. Lekeni amaka yabulwele ayo ayakakile umubili wa kwa uyu munyina, yamukakule, mwi Shina lyakwa Yesu Kristu.

Amaka yabulwele ayo ayakakile umubili wa kwa uyu munyina, yamukakule na ena. Mwi Shina lyakwa Yesu Kristu, lekeni yena yafume nokuya.

<sup>14</sup> Mwe Lesa wa Maka yonse, Kabumba wa Myulu ne sonde, Kacita wa Mweo wa muyaya, kabili Kapela wa cabupe conse icisuma, leteni amapalo Yenu pali aba bonse ebo tupalile. Kabili ca lilembwa mu Malembo, ukutila, “Nga wasoso kuli ulu lupili, ‘Sela pano,’ witwishika mu mutima obe, lelo cetekela ukutila ifyo usosele fili no kucitika, kuti wakwata ifyo wasosa.” Nde cetekela ukuti amalwele yabo nayafuma mu mibili yabo. Nomba ico naxisoswa; nomba lekeni ico cicitwe. Amen.

<sup>15</sup> Mwi Shina lyakwa Shikulu Yesu Ni nsetekela ukuti muli abantungwa. Mwi Shina lyakwa Yesu Kristu Ni nsetekela imwe ukuba abantungwa. Amen.

Bushe ulukuta lucetekele cimo cine? [Ulukuta lwatila, “Amen.”—Kale.] Kanshi lekeni ico cicitwe.

<sup>16</sup> Nomba, bushe kuti kwabako bambi muno abengafwaya ukubebukishako mwi pepo, kuti mwaimyako ukuboko kwenu? Cisuma, lekeni tupalamine kuli Ena nomba ilyo mulebika amaboko yenu pali umo no munankwe konse uko. “Ifi fishibilo fikakonka abo abacetekela.”

<sup>17</sup> Mwe Lesa ba mushilo wa pulamo, ukupitila muku cetekela ifwe twamona Yesu, twa cetekela ukuti Ena ali pano. Ena

alolesha pa Cebo Cakwe. Kabili Ena atiile, “Apo ponse apo babili nangu ukucilapo balongene mwi Shina Lyandi, Ine ndaba pakati kabo.” Nomba, mwe Taata mwebaba mu Muulu, lekeni amaka yakwa Lesa Uwamaka yonse yakumye bonse aba bantu, Shikulu, ilyo bekatene amaboko yabo, ukushintilisha pali umo no munankwe. Ukulashika kwa kulekeleshako uko Mwa sosele kwi Chalichi, “Ifi ifishibilo fikaba konka abo aba cetekela. Nga babika amaboko yabo pabalwele, bena bali noku. . . bena bakapola.” Imwe mwalilaile ico, naifwe twalicetekela ico cine. Eico nomba cena cacitwa, kabili ifwe twa Mi lumbanya pali ico, mwi Shina lyakwa Yesu Kristu. Amenii.

<sup>18</sup> Kabili mwi Shina lyakwa Yesu Kristu lekeni amaka yakwa Lesa yasube utu ututambala twaku minwe utwa balwele na balekabila. Kabili ne lintu twalatumwa noku bikwa pabalwele, lekeni cifikilishiwe ukutila balaundapwa. Twa cibelenga muli Baibele ukuti bapokele ukufuma ku Washila Paulo, ututambala, ifya kufwala pacifuba; imipashi yakowela yafumine pabantu, kabili na malwele ba lyundepwe. Kabili, Taata, na twishiba ukuti tatuli u Washila Paulo, lelo twalishiba ukuti Imwe mucili Yesu. Kabili tulepepa ukutila Imwe mwalafikilisha ici ica kwipusha ku bukata Bwenu. Amenii.

<sup>19</sup> Nshi shibe nga cakuti kuli. . . ama tepu naya bikwapo, nangu iyo. Naya bikwapo? Nga teifyo, Ine kuti natemwa ukuti yabikwapo pali ino ine nshita. Nde cetekela ka aka kwashishako kali pa mulu. Nomba, Nde subila ukuti Ni mitendwisha munshita ino iya bushiku. Na latampako pakati ka ora nangu ama mineti amakumi yatatu na yasano ukwangufyanyako. Kabili Ine. . . Ili li sambililo lyaku Sunday sukulu, kabili Ine ukuti limbi ico kuti cacita icisuma nga kuti ba Mbi kila pali tepu ico icili pa mutima wandi. Kabili ifwe tulebombelapo ukuti twingaya mu—mu cipandwa icipya, ihema ilipya, fyonse ifipya.

<sup>20</sup> Kabili nomba Ine kuti natemwa twabelenga yamo Amalembo. Nga cakuti mwe bantu kuti mwatemwa ukubelenga pamo naine, Nde fwaya ukubelenga ukufuma muli Samwelo wa Cimo, chapitala 8, kabili tulefwaya ukutampila na versi 4 ukufika pa versi 10; elyo kabili, ukusunga inshita, versi 19 ukufika pa 20. Kabili Ni nkwata Amalembo ayengi pamapepala nefya kusontelelako ifi lembelwe palwa ifyo, icakuti mwebantu nga namukwata peni na pensulo, nangula ifintu fimbi, ipepala, ifyakuti mwingafwaya uku sontelelako kuli ifi nangula uku filemba, kuti mwakwata ifyo fintu, nangula, Mista Maguire akakwata pali—pali—pali tepu.

<sup>21</sup> Kabili Nde fwaya uyu tepu akume kuli ba kapyunga, ababwananyina bandi, bakapyunga abo aba shang’umfwikisha, saana saana aba bwananyina bamu ma chalichi ya mu filonganino. Kabili abengi bonse baba aba filonganino.

<sup>22</sup> Kabili nesambililo lyandi muno nshita yabushiku ni: *Umulandu Nkanina Bukapepa Bwa Ampanishiwa Pamo*. Kabili Na labelenga nomba ifya kutampilapo, nangula ukubelenga Ilembo, ukucilenga ico cibe ica shininkishiwa mu Malembo, Nde fwaya ukubelenga ukufuma muli Samwelo wa Cimo 8:4-10, elyo 19-20. Kwi bumba lyandi ililipo, Ni ncetekela ukuti lintu imwe mwalaya ku ng'anda mwala lemba aya Amalembo noku yabelenga abaposako amano. Kabili naku ba bwananyina abo aba kulakutika kuli tepu, Ni ncetekela ukuti tamwa kulashimya fye tepu ilyo cimo casoswa limbi ico imwe ta mwinga suminishako, lelo mukafwaya Lesa muli cena, mukamone nga cakuti ca mu Malembo. Nde tontonkanya ici cikumine fwebene na ku Mbila ya buno bushiku.

<sup>23</sup> Ni ncetekela ukuti ama chalichi yonse yalikwata abena Kristu muli yena, kabili Ine muku shininkisha nshi landila ububi abena Kristu. Lelo icalenga ukuti Nchite ico Na cita, noku sosa ifyo Na sosa, ni pa mulandu wakusubwa ukwa Mupashi wa Mushilo pa Cebo.

<sup>24</sup> Nomba natubelenge muli Samwelo wa Cimo, mu capitala yalenga 8, ukutampila pa versi 4, ukubikako, nokubelenga pa versi 10, mukubalilapo.

*Palya pene abakalamba bonse abakwa Israeli balongene capamo, no kwisa kuli Samwelo ku Ramah,*

*Nokulanda kuli ena, Mona, iwe naukota, nabana bove abaume tabale enda . . . tabale endela munshila: nomba tupangile ifwe imfumu iyakutupingula ifwe ngefyo ifyalo fyonse fyaba.*

*Lelo ico cintu tacasekeshe Samwelo, lintu basosele, Tupele ifwe imfumu iyaku tupingula. Na Samwelo apepele kuli SHIKULU.*

*Na SHIKULU atiile kilu Samwelo, Kutika kwi shiwi lyabantu muli fyonse ifyo balelanda kuli iwe: pantu tabakene iwe, lelo bena bakene ine, ukutila Ine nshifwile ukuteka pali bena.*

*Umwa bela imilimo yonse iyo babomba ukutula pabushiku ubo Ine nabafumishe mu Egipto ukufikafye napali buno bushiku, ubo bena bansulilapo ine, nokubombela tu lesa tumbi, ifyo fine efyo bena bacita na kuli iwe.*

*Nomba eico kutika kwi shiwi lyabo: nga kuti caba shani libe nauilishanya muli bu cishinka kuli bena, kabili balangishe imibele ya mfumu iyo iyili nokuteka pali bene.*

*Na Samwelo alandile yonse amashiwi ya kwa SHIKULU ku bantu abo abamwipwishe ena palwa mfumu.*

<sup>25</sup> Nomba versi 19 na 20 mu kusondolwela.

*Nangu cali ifyo abantu balikene uku nakila ishiwi  
lyakwa Samwelo; nokutila, Awe; lelo ifwe twalakwata  
imfumu pakati kesu;*

*Iyakuti ifwe pamo tube ngefyalo fyonse; no kuti  
imfumu yesu ingalatupingula ifwe, no kulaya...  
kuntanshi yesu, nokutulwila ubulwi bwesu.*

<sup>26</sup> Shikulu alundeko amapalo Yakwe ku kubelenga kwa Fyebo Fyakwe. Nomba, nga ibumba lya Sunday sukulu, Ine kuti natemwa ukulanda ukuti ifwe tulefwaya ukuba aba—aba kutikisha ngefyo twingacita ici ku Cebo.

<sup>27</sup> Kabili twalishiba ukuti—ukuti inshita shimo ifintu filalandwa, (na machalichi yamo), ifyo ifipunwisha umuntu umo uyo uwafundwa ifya pusanako kufyo bakwata...nefyo baleumfwa. Mu cakumwenako, umwaume anjebele ubushiku bumbi, uyo ni cibusa wandi uwikele na muno ili line, ena atiile, “Lintu iwe watiile, Munyina Branham, ngefyo Ine nakwata icicetekelo icikalamba muli iwe, nokucetekela, lintu watiile ukuti takwaba ‘takwaba imbo iya Muyayaya,’” atiile, “Ine naumfwile kwati ndefwaya ukupona ukufuma pa cipuna candi. Kabili Ine natiile, ‘Mucine fye uyu muntu nalufyanya.’” Kabili lyena natiile, “Iwe watuleka ifwe ukwiminina panshita ntali. Kabili iwe watiile, ‘Kwabafye umusango umo uwa Mweo wa Muyayaya, kabili uyo ufuma kuli Lesa.’” Kabili uyo euntu bonse tufwaya, mwamona.

<sup>28</sup> Kabili takwaba Ilembo iyo ilanda ukuti kwaliba imbo ya Muyayaya. Pantu, u Muyayaya tawakwata intendekelo, nangu wena ukukwata impela. Eico Baibele yalanda ukuti “imbo yapangilwe ciwa naba malaika bakwe,” eico yena tayaba iya Muyayaya. Kwaliko inshita lintu yena tayaliko, kabili kukaba inshita ilyo yena tayakabeko, nakabili. Lelo bena kuti bakandilwa mulya mwine, ukupitila mumulilo na mumingu, kabili ne filindi fyamulilo, panshita iitali, lelo mpelekesho ikapwa pantu imbo te ya Muyayaya. Kabili nga cakuti kwaliba imbo ya Muyayaya, iwe ngawalingile ukukwata u Mweo wa Muyayaya pakwikala mu mbo ya Muyayaya. Kabili nga yali ya Muyayaya, yena lyonse ninshi efyo yali, kabili iwe ninshi wali ku mbo kabili iwe ukabafye ku mbo. Mwamona, eico takwaba icintu camusango uyo.

<sup>29</sup> Eico, mwa mona, u *Muyayaya* waba “tawatala aukwata intendekelo nangu impela.” Kabili kwabafye umusango umo uwa Mweo wa Muyayaya, kabili uyo waba muli Lesa, lyafuma kwishina lya ci Greeki *Zoe*, icilepilibula “u Mweo wakwa Lesa Umwine.” Kabili ilyo ifwe twafyalwa cipya cipya ku Mupashi wakwa Lesa, ifwe tuba u Muyayaya pamo na Lesa, pantu tuba ulubali lwa Mweo Wakwe, ico ecitulenga ukuba abana abaume na bana abanakashi abakwa Lesa elyo twakwata u Mweo wa Muyayaya. Kabili no Mweo uyo uuli muli ifwe, Lesa akemya

umubili pamo no Mweo pa bushiku bwampela, lelo Mupashi wakwa Lesa uyo uwaba muli ifwe uukatwimya, pantu Mupashi wakwa Kristu uyo uwali muli Kristu, uyo uucincimusha imibili yesu kabili nokutwimya ifwe mukusumbulwa pamo, na Ena, mukwikala mu—mu—mu Bukata no kuteka pamo na Ena.

<sup>30</sup> Nomba ukwisa kwi sambililo, momba, Na lipita muli iyi myaka, neli ihema lyali minina. Nangula, Na lashikwe mu Missionary Baptisti church, na Dokota Roy E. Davis, mupepi ne myaka amakumi yata-tu-na-itatu ayapitapo, kuno ku Jeffersonville. Nomba Ine, ukutula apo, Nali mukabungwe pa nshita inono, ne myeshi iinono, mpaka kwaishile icintu cimo icishaba mu malembo ukufuma kwi chalichi, kabili Na mwebele ukuti Ine teti nkonke muli ico. Kabili ifyo eflyo Ine nali, kwena, nalipushiwe “uku cicita nga teifyo,” kabili Na likene. Ico ecali icintu ico Na cetekela, ukutila icicine e Cebo cakwa Lesa. Kabili Na landile ku muntu uyo u—uwali kafundisha mukalamba, “Ngakuti iwe wanangisha ukuti ici cili mu Cebo cakwa Lesa!”

“Lelo eflyo caba,” ena atiile, “uko ekusambilisha kwesu.”

Natiile, “Lelo Nde fwaya cifume mu Cebo, mwamona, i Cebo cakwa Lesa.”

<sup>31</sup> Kabili temulandu wakuti Ine nshaba mukabungwe eco Ine nkanina akabungwe, nipamulandu wakuti Ine ndatotela aba bwananyina, kuli abo Ndelandako ileelo, abo Ine nkwete ukwitwako, Nde tunganya, mupepi nafyonse ifilonganino, sana sana muli ifyo fyaba mu Mbila ya Pwililika, kabili namu yengi ama chalichi ayashala. Ine balinjita ukuti ninga yaba nabo mwisenge kabili noku ilunda pamo nabo, lelo Na ikala fye neka. Pantu, ulongolo ulo Ine nakwata, Ine teti mfwaye ukulubika lwena pebumba limo ilya bantu. Nde fwaya ukutwala ico Lesa ampela ine, ukupepelako abalwele, uku nonkelwamo na bonse abana bakwa Lesa mu tubungwe tonse. Ena tatala ndeshapo ukupepa, nangula *pali* umo pa mulandu bena baba *Mwakuti-namwakuti* Lesa apingula umutima wamuntu.

<sup>32</sup> Kabili nomba, mukubalilapo, umulandu ico Ine nshabela nabo kabili eco nalandela ububi pali ico, nici, mukubalilapo, ni pamulandu Nsha cetekela ukutila utubungwe twakwa mpana pamo utwa bena Kristu twaba mu Malembo. Ine nacetekela ukuti tacaba mumalembo. Kabili ico eco Na laesha, munshita ino iya bushiku, uku bombesha ukupitila muku senamina kwakwa Lesa, uku shininkisha kuli imwe ukuti tacaba mumalembo, cintu caibelako ukukwata akabungwe akali konse.

<sup>33</sup> Nomba, mukubalilapo, ifwe twita ico “bukapepa.” Ishiwi *bukapepa* lyaba “icifimbo,” icilepilibula ukufimba pali cimo. Nomba, Adamu alikwete bukapepa, lelo ena aipangile fye umwine, ukufuma kuma bula ya mukunyu, kabili tacabombe. Ena aipangile umwine isambilisho no kwesha ukupanga inshila yakubutukilamo, ukuti asange ipusukilo mu cintu ico ena acitile



umwine, na Lesa ali cikene, ukufuma pali Adamu naku mutande wakushalikishako uwa kabungwe. Takwatata akubako, kabili ukupitila muku senamina kwakwa Lesa ifwe twala cishininkisha ileelo ukupitila muli Baibele. Bukapepa cali cifimbo. Adamu aipangile umwine icifimbo ukufuma kuma bula ya mukunyu, acipangile ico, umwine, ukweshwa ukucita icintu cimo palwakwe umwine.

<sup>34</sup> Lelo Lesa afwaile imfwa, ukuba icikonsolwelo. Nomba, palibapo ubupusano ubukalamba pakati ka bukapepa ne pusukilo, mwamona, ipusukilo. Bukapepa cifimbo. Mwamona? Ipusukilo caba ku Fyalwa, icabupe cakwa Lesa, kabili teti umuntu onse nangu ibumba lya bantu lyonse likwate ici. Ni kuli cila umu umuntu uko Lesa aleta ici cabupe. Kabili nefi ifyabupe fya Mweo wa Muyayaya fyalashikwe na Lesa kuli cila muntu ilyo tatulati tukwate ne sonde, umwabela Amalembo. Baibele yasosa ukuti, mu Kusokolola, ukuti mulwishakristu uyo wali nokwisa pe sonde, ali nokubepa bonse abo abaikele pe sonde, abo amashina yabo tayalembelwe mwi Buuku lya Mwana wa mpanga ilya Mweo ilyo umufula we sonde taulalengwa. Mwamona? Lesa, ukupitila mukwishibila libela Kwakwe, amwene abo abali nokwisa nabo abashali nokwisa, Kristu aishile pano ukwisa panga inshila ya abo abali nokwisa. Mwamona, ukwishiba na bambi.

<sup>35</sup> Nga cakuti Ni Lesa, muli fyonse, Ena afwile aba uwa cilishapo uwakutwalilila. Kabili nga Ena wakutwalilila, teti Ena abe uwakutwalilila ukwabula ukuba uwamaka yonse. Ena teti abe uwamaka yonse ukwabula ukuba uwaku sangwapo inshita yonse. Ena teti abe uwakubapo lyonse ukwabula ukuba uwakuipanda amano umwine. Eico, imwe mwamona, fyonse ifyo efi Mulenga ukuba Lesa.

<sup>36</sup> Eico, Ena aishibe impela ukufuma ku kutendeka. Ena alishibe uyo uwali nokuba kabili na uushali nokuba, kabili Ena alishibe abengi abo abali nokuba, eico Ena atumine Kristu ukwisa panga icikonsolwelo ca abo abali nokwisa. Nomba, tapali nangu cimo ico ifwe twingakwata ukucita neco. Yesu atiile, “Bonse abo Taata ampela Ine,” nge, nshita iyapita, “bali nokwisa kuli Ine. Kabili takuli umuntu uwingesa kano Taata wandi Ena amuleta.” Mwamona? Nomba, mwamona, fyonse fyaba mukwishiba kwakwa Lesa.

<sup>37</sup> Imwe mutiila, “Munyina Branham, bushe Ine emo naba?” Ine nshishibe. Ine ndesubila Naliba mo. Ifwe tulaipangila ipusukilo lyesu no mwenso no kututuma. Nomba, i Chalichi cali mwenwa kalibela ukukumanya Lesa ukwabula itoni nangu ulukanshi. Nomba, ifwe tuli muli cilya i Chalichi, ifwe twalimwenwa kalibela pamo ne Chalichi cine. Nomba ibebeteni mwebene ukupitila mu Cebo, ninshi imwe kuti mwaimona intamfu iyo ifwe tufikilepo.

<sup>38</sup> Nomba, nomba, ubwina Kristu ubwa ampanishiwa pamo teti bupele kulya uku shininkishiwa. Iyo. Bamo pali bena batiile, “Iwe waisa pano no kulanda ukuti Yesu ni Kristu kabili mufwile uku batishiwa mu chalichi.” Ciwa nao alacita cimo cine. Ena alicetekela, palwakwe, ukuti Yesu ni Kristu, kabili alatutuma. Mwamona, ico cili icalungama.

<sup>39</sup> Lesa tatalile alandapo, apali ponse mu Malembo, ukuti kufwile kwaba utubungwe utuli tonse. Tamwabapo incende mu Baibele palwa ico. Adamu atampile cimo kabili califililwe.

<sup>40</sup> Kabili na Nimrod alyeseshe ukupanga akabungwe. Nga cakuti imwe nimwe bakeshiba belyashi lyakale, kabili mwalishiba nelyashi lya Babyloni, belengeni iyakwa Hislop *Two Babylons*, imwe mwalasanga ulubuuto ulukalamba. Icakuti, Nimrod, yu muntu walubembu, abulile Babyloni natonse utu machalichi tunono uto baleumfwana nato, nangu incende isha shingulwike, ico icapalanako na—na ino nshita-yakulekelesha iyakukana ubwina Kristu, kabili apangile icifulo cimo icikalamba nabonse abashala ba angele. . . bapele umucinshi kuli cena. Kabili mulya mwine ena akulile icamba icasansuka kabili aeseshe ukwampanya abantu pamo, lelo cena califilikwe. Cena califililwe. Ico califililwe.

<sup>41</sup> Korah, mu Mpendwa 16:1, nga cakuti kuti mwafwaya ukubelenga, Korah alyeseshe ukucita icintu cimo cine. Ena aletele abena Levi capamo, kabili ena aletele aba. . . bamo abalumbuka, abantu bapamulu, abantu abakalamba, abantu bamushilo, na ena na Datani baikatene capamo no kuti, “Tacili icalungama, umuntu umo ukulaesha ukuba uwatucila bonse ifwe.” Eico bena bapangile akabungwe no kutampa bonse capamo, kabili bonse baishile kuli Mose na Aaron, abo Lesa asalile ukubomba umulimo, no kubeba ukuti bena balibulile ifintu ifingi sana palwabo abene, batiile icilonganino conse mwali abamushilo, kabili bonse balikwete insambu sha. . . “Mu bwingi bwakupanda amano mwaliba ukucingililwa,” ifyo fine, bena balasosa. Ico tacaba kubena Kristu. Ico caba munkondo. Moneni, ubupusano ubukalamba.

<sup>42</sup> Iwe kuti wabula Ilembo, no kusosa ukuti, “Yuda aile noku ikulika umwine,” naiwe “waya no kucita cimo cine,” nga ulefwaya ukucita ifyo, lelo ico tacilelanga ukuti cintu calungama.

<sup>43</sup> Lesa asalile Mose kabili Lesa asalile Aaron, kabili yena eyali imbila ya bushiku bulya. Kabili te mulandu nefyo ulubali lumbi lwalemoneka ulusuma, cena cali ica pusanako ku kutontonkanya kwakwa Lesa. Kabili tufwile twaleka ukutontonkanya kwakwa Lesa kube ekutontonkanya kwesu. “Lekeni amano ayo ayali muli Kristu yabe muli imwe.” Kabili ne iyi Baibele ilangisha amano yakwa Kristu. Kabili ne Buuku lyonse ilya Kusokolola, ilitwa Ukonaulwa, lyaba lya Kusokolola Yesu Kristu. Kabili ifwe

kuti twamona umusango untu Ena asushishamo ici cintu conse, nomusango untu Ena acisendelamo ku lubali lumo, kabili ifwe twalaisafika kuli ico panuma yakashita akanono. Cisuma.

44 Korah, Ni ncetekela ali uwa cishinka mu micitile yakwe. Ni ncetekela ukuti ulya muntu tapilibwile—tapilibwile ukucita icalubana. Ni ncetekela cali kukana ishibafye ukwa uyu muntu ukwalengele akane ukumona ukuboko kwa kwa Lesa ukusela no kwishiba Amalemba, kabili uyu wine emulandu ena aciletefye ico muku kalulushanya.

45 Kabili cilifye mupepi na makumi pabula ama percenti ya bwafya bwa leelo, ubo ifwe tule esha ukwingishamo mubutantiko bwakwa Lesa, ukutontonkanya kwesu. Kabili ifwe tatufwile ukulatontonkanya, nakalya. Ena eutu tontonkanishako. Ifwe tufwilefye ukulekelako ukutontonkanya kwesu ku bufyayo Bwakwe. Mwaumfwa nomba?

46 Korah, na mapange yakwe ayasuma, aile alepitana ne sambilisho lyabufi, ukula eba aba ba munyina, nokula balangisha ukupitila muku kalulushanya, ukuti Lesa tapalilefye ena eka Mose, kasesema, inkombe, kabili ukumupaalafye ena eka, lelo, “Conse icilonganimo cali ica mushilo,” ena atile, “kabili nomba icilonganimo conse calikwata insambu shakucita *ici*, kabili conse icilonganimo calikwata insambu shakucita na *cilya*.” Kabili eico balikwete abantu abasuma, abena Levi. Nomba, ico busalo bwakwa Lesa, ubo ubwingetwa ileelo, “ba kapyunga,” Levi ali ni kapyunga wa mwi tempele. Bushe Mose tewa betile bena ukwisa kuli ico? Kabili, apa, ena taile mukubomba ico ukwa- . . . bula umucinshi. Ena abebele ukusenda ififutumwino, nokubikamo umulilo wa mushilo muli fyena, kabili nokubika ulubani pa mulu wafiko, kabili nokulasunsha ulu lubani lwamushilo, ico eco Lesa abebele. Kabili bena baishile capamo ukupanga ibumba lya baume ilya kutungulula ichalichi, apo Lesa aebele umuntu umo uku cita ico.

47 Kabili, lintu bena bacitile ico, Mose aponene pacinso cakwe pantu alishibe ukuti Lesa asubile ena ukubomba ulya mulimo. Kabili Lesa atile, “Leka bena balete ifyo ififutumwino kuno kuntashi lye hema.” Kabili ifyo fine ilyo bena balatampa ukusunsha ififutumwino fyabo ifyaisulamo umulilo, kabili no lubani lulepya, Lesa alandile kuli Mose na Aaron, “Patukeniko mwebene kuli bena! Fumeni pakati kabo!” Pantu, kuntashi Ena abetile “ababembu, abashacetekela.”

48 Kabili ulubembu kukana cetekela mu Cebo cakwa Lesa. Iwe uleba pantu tawa cetekela. Iwe ulabepa pantu tawa cetekela. Iwe ulacita ubucende pantu tawa cetekela. Nga cakuti iwe wali uwacetekela, iwe teti ucite ifya musango uyo. Kwabafye imingila ibili, ico kuti caba limbi icicetekelo nangu ukukana cetekela, iwe ula tungululwa kuli cimo nangu icinankwe.

49 Nomba, Lesa, muku tendeka, ali ni Cebo, kabili Ena alengelwe umubili kabili aikele pakati kesu. Ena ali ni Cebo, Ena ni Cebo! Kabili lintu Lesa aikala muli iwe, cena Cebo cakwa Lesa ecileikala muli imwe, apo iwe wingalanda icintu conse Ena alanda na “Ameni.” Uyo ni Lesa uwikele muli iwe.

50 Nomba ngakuti mwamona, aba abantu abakaele nefifutumwino mu maboko yabo, umulilo wa mushilo mu maboko yabo, Lesa aiswile umushili kabili noku bamina bonse, kabili abapatwile bonse ukufuma kuli Mose pantu Mose ali ipatwile umwine ukufuma kuli bena. Kabili Mose alisokele ulukuta ukuti, “Tamufwile ukula itumpika pamo ne bumba lya musango uyu. Fumeniko kuli bena!” Nomba, imwe mwalishiba Amalemo, belengeni ilembo ilyalenga 16, 17, 18, nangu, chapitala, kabili mwalasanga ico. “Ipatuleni imwe mwebene ukufuma kuli aba ababembu, abasha cetekela ababembu. Fumenipo pakati kabo, pantu bena balungeme kubonaushi, nafyonse ifyo bena bakwata.” Kabili lintu bena...umushili walepwike kabili waponene pamo nabo bantu abaikatilile uyu mulilo wa mushilo. Abantu abakaele ababepekwe no muntu.

51 Cimo cine ileelo! Kuli abengi abantu abakaele aba leponena mu citeyo ca ntambi, abaleikatilila i Cebo ca Mushilo mu maboko yabo, kabili no kumona ukuti bale shimikila ukufuma muli Cena. Ine namona ica langishiwa ukupita pa mpumi yakwa kapyunga nomba line, kapyunga wamu Methodisti, ali ni kapyunga wamu Methodisti mpaka nobushiku bwapa Mulungu ubwapitile. Kabili lintu ena aloleshe, Ine ndesubila cena cilepilibula ifingi kuli iwe, munyina, ukuba uwafuma.

52 Nomba, moneni, ukwikatilila ififutumwino, umulilo uleocha umununko uwanunka bwino kuli Lesa, kabili nayo amaboko nayekatilila ico, nomba baonawilwe nefifutumwino mu maboko yabo, pantu bena bale esha ukucita icintu nabucishinka, libe, balekana i Cebo cakwa Lesa, ukweshwa ukupanga akabungwe. Batile, “Iwe ulasenda sana ifntu ifingi wemwine. Niwe nani uwa kulanda ukuti walikwata conse i Cebo cakwa Lesa?”

53 Bena bafililwe ukumona ukuti Mose ewali—inkombe yailya ora. Mwamona, ena akwete EFYA SOSA SHIKULU. Tapalipo nangu umo pe sonde uwali nga ena. Ena alikwete i Mbila, na bantu bafililwe uku Cimona. Kabili Moses ali bwino bwinofye na EFYA SOSA SHIKULU. Icishinkafye. Cisuma.

54 Nomba ifwe tulesanga icintu cimo cine ileelo, abantu abasuma, abantu abakalamba, abantu abasuma abalesha ukushimikila i Cebo cakwa Lesa (mu maboko yabo) ukupitila mu ntambi shapanga-abantu. Bafumyamo fimo *apa*, kabili bafumyamo napanshi *apa*, kabili ukucipanga ukuti cena cibe *ifi*, kabili “ukwisa ilunda mu chalichi kabili no kucinja bu membala bwenu,” kabili nokufwa ku mupashi nacilya Cebo mumaboko yabo! Mwamona?

55 Bena bakene ukucetekela inkombe yakwa Lesa nangu i Mbila Yakwe iya bulya bushiku. Bena bafililwe ukukutuluka umulandu uyo Lesa umukalamba pamo ne bumba lyonse ilya bantu, kabili ukuti acibikile fye pa muntu umo.

56 Bantu banga abo Na ndile ileelo, “Finshi ifyo tuli nokucita, Munyina Branham? Ifwe natwishiba ukuti naulungika, lelo tuli nokucita finshi ifwe? Akabungwe kali no kututamfya ifwe, ifwe tatwakakwate icifulo cimbi tukayako.” Nde bomfwila ubulanda bena; lelo kuliko Icifulo. Iwe watila, “Cisuma, ifwe kuti twafwa ku nsala.”

57 Davidi atiile, “Inshita imo nali umwaice, kabili nomba Ine ninkula, kabili Ine nshatala mona umulungami uku lekeleshiwa, nangu ulubuto lwakwe ukulomba umukate.”

58 Ico cili bwino bwino fye pa bwiminishi ubwakuti bena bakene Yesu. Bena bali abapombwa nganshi mu filonganino fyabo, na bashi mapepo bamushilo nefikulwa fyabo ifya mushilo, nama chalichi yamushilo nama tempele ya mushilo, bena bafililwe ukumona Lesa mukati ke tempele lya mibili Wakwe. “Iwe, ukuba umuntu, ula ipanga wemwine Lesa.” Mwamona, bena baali abapombwa nganshi mulicena! Aba bantu baali abapombwa icakuti Datani pamo nabo bali abalungika. Nimrodi ali uwapombwa nganshi icakuti ena ali nokusangamo icintu cimo ico icali no kutwala abantu pamulu ukucila pa bukali bwakwa Lesa. Adamu alishininkishe ukuti nga cakuti ena afimba pa bwamba bwakwe Lesa tali noku cimona cena. Iwe teti ufimbe pali cena, Lesa eufwile afimba po. Mwamona? Mwamona? Ubutantiko bwa kwa Lesa ebufimba po, tebobе. Efyо caba muli iyo ine nshila, bena balafilwa ukumona Yesu mukati ke tempele Lyakwe, Lesa uwalangishiwe mu mubili.

59 Ileelo cena cila nenga ukumfwa ububi lintu Ine namona ukuti i Fyebo fya muli Baibele nafiputaulwa nganshi ne ntambi. Kabili abantu bamitima-yacishinka abo abeminina palya no kumfwa ico i Cebo, kabili nokwishiba ukuti Cena Ecine, lelo tabesha no kupangapo ukusela, pantu intambi shabo shi bafundisha bena ifya pusanako. Samfyeni impoto na mapani, elyo, mweba bwananyina, muleya kuntashi. Lelo kuli ifwe, nakuli ine na ba ng’anda yandi, ifwe twabula Kristu, i Cebo. Mwamona?

60 Natubule Yohane 3 panonofye, Nikodema, shikulu kabili kateka wa cilonganino cikalamba ica leitwa Sanhedrine. Bena baikatene ukwisa capamo, no kupanga intambi shabo. Ba—ba mo abamu ba Faliseo na bambi aba muba Saduke, kabili bena balikwete icilonganino cabo lilya, ne fya kupusana fyabo, kabili eico bena. . . Uyu muntu ali ni shikulu, kateka wa Sanhedrin ikalamba, umuntu wakusungusha mu kufundisha. Ena alishibe Amalemo, ena atontonkenye. Ena alishibe ico ukupitila mu ntambi shabo. Bushe Yesu tatile, “Imwe mwali cita, ukupitila

mu ntambi shenu, ukupanga Amafunde yakwa Lesa ayashi bomba”?

<sup>61</sup> Mwamona, pamulandu wa ntambi shabo! Cintu nshi ico? Ukubika ukupilibula kwabo abene pa Cebo, mucifulo caku cileka Cena ukuba ifyo fine, ifyo Cena calanda. Bena batila Cena tacipilibula *ifi*. Bushe imwe na mucimona, ilyo line eshiwi limo line lintu ciwa abomfeshe kuli Efa, pakutampa akabungwe kakubalilapo, mwamona. “Mucishinka cena nga cali muli *iyi* nshila. Lesa teti acite ico, na mwishiba.” Mwamona, ico cintu cimo cine. Ico cintu cimo cine naleelo.

<sup>62</sup> Nomba ifwe tulemona, uyu kateka aishile kuli Yesu. Icintu cakubalilapo, nomba, ena aishile muku fwaya u Mweo wa Muyayaya, ena aishile mukufwaya ipusukilo. Libe, umuntu uwamibele yakwe, kafundisha wamu Israeli, lelo shikulu wamu Israeli aisa ku Muntu uyo tatwakwatilapo nefya lembwa pali ena ukuti alilepo nangu ubushiku bumo ku sukulu. Umuntu umukulu ku myaka, shimapepo wa kale, uwamano, aisa ku muntu Umusepela. Abapamulu eflyo bena bali, umuntu umukankala aisa kuli Kalombalomba uyo ushakwete incende apa kulalika umutwe Wakwe, ku ku mwipusha Ena pa nshila ya kwipusukilo no Mweo. Mu kubalilapo, bena baku Sanhedrin, eflya sosele Nikodemus, bena bali mwenemo cimo muli Yesu ico abantu bambi aba mukabungwe kabo tabakwete. Bena balimwene ukuti mwalimo icintu cimo muli Ena, pantu ena alandile ukuti, “Rabbi, ifwe twalishiba Iwe...” “Ifwe,” eeh, bena bafililwe ukulanda ico, pantu bena ngali batamfishe ukubafumya. Mwamona? “Ifwe natwishiba ukuti Iwe niwe Kafundisha uwaisa ukufuma kuli Lesa, pantu tapali umuntu nangu umo uwinga cita ifi fintu ifyo Iwe ucita kano Lesa ali pamo nankwe. Ifwe natwishiba ukuti!” Oh, owe! Akabungwe!

<sup>63</sup> Nomba, ifwe twamona ukuti Yesu ewali ukulangisha kwakwa Lesa. Nomba, “Takuli umuntu nangu umo uwinga cita ifi fintu kano Lesa aba pamo nankwe.” Bena balishibe ukuti palipo icintu cimo ica puseneko muli ulya Muntu. Ena ewali u Lubuuto lwa bulya bushiku. Ena ewali Inte yakwa Lesa.

<sup>64</sup> Eico nao Korah amwene icintu cimo cine muli Mose. Bena tabakwete umuntu uwaba nga Mose muli bulya bushiku. Ena aali inte ya Mushilo iya kwa Lesa, iya muli bulya bushiku, ku maka yakwa Lesa. Korah ne bumba lyakwe bali cimwene muli Mose. Bena balikutulwike ukuti ico tacali ni Mose; Mose teti esule Bemba wa Kashika, Mose teti atume ifinkunka pe sonde. Ena aali ni Lesa muli Mose, kabili, pantu Lesa uwa iminineko Umwine palwakwe muli iyi inte nangu mu lubuuto lwa bulya bushiku, bena balifiliwe uku Lumona. Korah alefwaya ukupanga ibumba lyonse ilya bantu, ukuletamo icintu conse.

<sup>65</sup> Ubo ebusuma bwaba mu kabungwe, bwa kuletamo conse ica cabe-cabe icabako, no kucita cena “ubwina Kristu.” Ukutuma

umulumendo ku sukulu uushaishibapo nangu cimo palwa kwa Lesa nga ifyo Hottentot engeshiba pali bulya bushiku bwa busha mu Egypto, ukumutuma ena ukuya kulya kabili nokumupela amasambililo kabili noku mufunda ifyo ubongo bubomba, kabili noku mupela ena Ph.D., na doctor degree nangu bachelor ya art, nangu icintu cimo nangu cimbi icaba ngefyo. Kabili nokumutuma ena ukuya muku shimikila i Mbila nsuma, uyo ushatala nokuba uwapusuka, ico icikanya ukufyalwa kwa buna cisungu kabili noku bushiwa, ukumukanya ubundapishi bwa Mupashi wamushilo, uku mukanya Amaka yakwa Lesa, uku mukanya filya ifipope ifyo Yesu afwililepo, uku mukanya Marko 16 mukuba uwasubwa, ukumukanya “ifi fishibilo fika konka bonse abo bacetekela” lintu Yesu ewasosele Amashiwi Palwakwe umwine, ukukana Imilimo 2:38, ukukanya yonse ayashala Amalembo ayo ayasubwa. kabili nokweshu ukubula intambi sha bantu isho bena tabaishibapo nangu cimo, noku shintililapo pali ico. Kabili lintu wa beba Icine noku balangisha Icine, bena bala kwata insoni isha kufuma, pantu kabungwe kabo.

<sup>66</sup> Korah acitile icintu cimo cine. Ena alimwene Lesa muli Mose. Ena alimwene ukuti ali Mutumwa wakwa Lesa untu alebombelamo. Kabili Nikodemas amwene Lesa muli Kristu, “Takuli umuntu uwinga cita ifi fiintu kano Lesa aba nankwe.” Nikodemas kale ali mu kabungwe, aleesha ukuti afume. Korah ali panse, ukweshu ukwingishamo umo. Ubo ebupusano bwalipo. Nikodemas ale esha ukusanga ipusukilo, pakuti afumemo muli cilya cintu; ena ali mulicilya ukufuma ku bulumendo, ena alitendelwe kuli ico. Ena alefwaya ukupusuka. Lelo Korah ena ale esha ukumupangila i—icifulo umo ena ali nokuba umukalamo cinondo.

<sup>67</sup> Uyo emusango cibebelemo na bantu ileelo. Ubo ebwafya buli no bwina Kristu, ifwe natukwata ubwingi bwaku ipashanya kwa bufi. Kabili nabantu besu aba Pentecosti, eleleni iyi milandile, bena balibipa pali ico, ukupashanya kwa bumubili! Lekeni Lesa emye umuntu nokumupelapo ena icintu cimo, kabili nabonse mu calo bali nokweshu ukupashanya ulya muntu. Bushe imwe tamu leiluka ukuti muleipaya ibumba lyenu? Lintu muleteya umupila wakumakasa . . . “Kabili nokusenamina,” nga ifyo Paulo enga cibika, “natubutuke ulu lubilo nokutekanya.” umuntu uyo ukwete umupila, taleka ukuti wafuma mu maboko yakwe, alesha uku ucingilila wena. Lelo mu cifulo ca ico, pantu ena taba mukabungwe kenu, iwe kweshu ukumupokolola uyo ukufuma kuli ena. Umuntu umo uwashishita, ena kuti aphilwa, ena kuti aipununa pa maluba ayali muli mati, kabili nokweshu uku mupokolola ukufuma kuli ena. Ico nacilungama. Nomba, ukulandila mu mupashi, Ine ndepilibula. Njeleniko, Ine . . . Cisuma, ena kuti aipununa ku kantu akanono nga mu Milimo ya Batumwa 2:38, ena mucishinka ali nokupona. Nga ena aipununa muli Marko 16, musango nshi ali noku cicitilamo cena?

Mwamona? Huh. Niyalya yene amasambililo yakalamba ayakwa Kristu. Kabili necintu cilya cine ica landilwepo pa Cilonganino ca Nicaea, bacili ba leipununakofye kuli cena panuma ya myaka yonse iyi.

<sup>68</sup> Ukwesha, Korah aleesha ukupanga akabungwe, ukwingishamo muli kena. Kabili Nikodemas emo ali mukati, ale esha ukufumamo. Nikodemas ena ali cisumina, kabili alifumamo. Korah afwilile mukati kaciko, muku bomba kwakwe, ena afwilile mukati kakubomba kwakwe. Oh, owe!

<sup>69</sup> Akabungwe ako Nikodemas ali mo, aishibe ukuti Kristu atuminwe na Lesa, eflyo casoswa ifyo fine. Nikodemas, mu chapitala 3 apa, asosa ukuti, “Rabbi, ifwe twalishiba ukuti Nimwe Kafundisha mwatumwa ukufuma kuli Lesa, pantu takuli umuntu uwinga cita ifi fisungushusho ifyo Imwe mu cita kano Lesa aba nankwe.” Kabili ne bumba limo line, pa mulandu wa kabungwe, bamwitile Ena “Beelzebuli,” pamulandu wamaka Yakwe ayakufumya ukutamfya ifiwa, kabili no kusosa ukuti, “Ena abeleleka abantu besu ukupitila mwi Sambilisho Lyakwe.” Cili icintu cimo cine ileelo. Ukubeleleka cinshi?

<sup>70</sup> Yesu asosele ukuti, “Ine ncaifaye ico ico icisekesha Taata, Ine nsungafye i Fyebo fyakwa Lesa,” pantu Ena aali Cebo. Ena teti acite nangu cimo cimbi kano i Cebo.

<sup>71</sup> Eico, pamulandu wakabungwe kabo, pamulandu wanshila yabo, balikwata abantu bakakwa. Mu mitima yabo bena balicishibe ico, lelo akabungwe kabo teti babalekele ukusunga ico. Nomba, pakupanga inshila yakufuminamo, pa kusunga abantu ukukana fuma mu kabungwe (“abantu bonse balamufwaya Ena”), pa kusunga abantu ukukana fuma mu kabungwe no kulakonka Icine cakwa Lesa (ico Ena aba Icine “Ine ndi Cine, u Lubuuto”), ukuba sunga bena ukukana konka Ico, bena batiile ukuti Ena alebepa abantu. Tontonkanyeni pali ico! U muntu, uwakuti na mu mutima wakwe alishibe ukuti Ena ni Lesa, ukuti Lesa ali muli Ena (“takuli umuntu uwingalanda ifi fintu, nangu ukucita ifi fintu, kano Lesa aba pamo nankwe”), ukwishiba ukuti no kusosa ukuti no kulanda ukuti, kabili nomba nokupilibuka ukushinguluka nokumwita Ena “Beelzebuli, kabili kabeleleka wa bantu,” abantu babo, “ukupitila Mwi Sambilisho Lyakwe.” Oh, owe!

<sup>72</sup> Nikodemas alishibe Ena ukuti ni Kasesema. Nomba, uyo ali umo mu kabungwe uyo uwa temenwe Lesa apakalamba no kutina Lesa apakalamba, kabili no kwishibikwa na mu Cipangano Cakale ukuti uyu Muntu alikwete ifya lekabilwa kabili ali shininkishiwe kabili no kushininkishiwa, Kasesema uwatumwa ukufuma kuli Lesa. Uyu muntu, Ine ndino kumu cindika ena nga aishile mu nshita yabushiku, ena afikile kulya. Ena nacilapo ukuba bwino pa bengi ba kafundisha wesu ileelo, bena teti bese nakalya. Nikodemas muku shalikisha alifikile.



Eico, mwi mususha ena, iwe nga tawafika na nomba. Nikodemas alishibe ukuti Ena ni Kasesema, eico ena aletina Lesa. Ena teti aleke ulya Muntu ukuti afume pali ena, ulu u Lubuuto lwa bulya bushiku bulya. Te mulandu nefyo Cena cali ica pusana, no musango akabungwe kakwe kalandilemo ukuti Cena cali ica pusana, ena alimwene Lesa ukushininkisha ulya Muntu kabili ena alishibe ukuti Ena ali ni Kasesema. Kabili nga cakuti Aali ni Kasesema, i Cebo cakwa Lesa ciisa kuli kasesema, kabili Ena alishibe ico Ena alelandapo. Mwamona? Eico ena alile kuli Yesu, ena alefwaya ukwishiba ifyo enga sanga ipusukilo. Nga cakuti uyu Muntu ali Kasesema, i Cebo cakwa Lesa cali pamo na Ena, kabili na Ena kuti aishiba inshila ye pusukilo.

<sup>73</sup> Lelo ico Nikodemas asambilile eco na bantu abengi ileelo, aba mufilonganino muli buno bushiku, bafwile ba sambililako. Fintu Nikodemas akabile ukwishiba, eflyo na bantu ileelo balekabila ukuti ba ishiba, kuli ifi filonganino. Ena alicililepo pali Kasesema. Ena aishile kuli Ena mukwisa sanga, ukumweba Ena ukumweba inshila ya Mweo, kabili Yesu Umwine palwakwe e Mweo. Ena uyo ukwete u Mwana nakwata u Mweo. Eico ena taca lekabilwa, taca fwaikwe ukwisa mukwisha ukusambilila ukufundwa, ena taca fwaikwe ukwisa no kupokelela uyu Muntu. Eflyo cili ici munshita ino iya bushiku! Ilibwe lya pa Cifutu Ilikalamba na likanwa nakabili. Bushe Ilibwe lya pa Cifutu Ilikalamba nicinshi? Cena e Cebo, ifyo fine. Kristu, Ena e Cebo.

<sup>74</sup> Ena ali sambililepo icintu cimo. Ena atontokenye, “Cisuma, nomba, uyu Muntu ni Kasesema, Ena ni Kasesema fye.”

<sup>75</sup> Eico, imwe mwacimona, Yesu ta aswike ilipusho lyakwe, Ena amu kalipilefye pa bupofu bwakwe. Ukucilapo pali Kasesema, Ene aali i Cebo kabili u Lubuuto lubengeshima ulwa Cebo! Ena aali ni Lesa a lebengeshima ukupitila mu cibombelo, uku shininkisha ukuti aali ni Lesa mu Muntu. Ena aali Cebo. Yohane Wacimo, chapita 1... Yohane Washila, chapitala 1, ukucila, ile landa, “Ku kutendeka kwali Cebo, na Cebo aali pamo na Lesa, kabili na Cebo aali ni Lesa. Kabili ne Cebo capangilwe umubili, nokwikala pakati kesu.” Kabili pano epaali i Cebo cakwa Lesa cile bengeshima ukupitila muli uyu umunono mu mushinku uwamubili wanaka uwa Muntu uyu, kabili Ca pofwishe akabungwe. Lelo Ena aishile mukusenda cila umo na umo. Uwacila pali Kasesema, Ena aali i Cebo! Ena Mweo. Iyo... Ena tali nokufunda imwe palwa Mweo uuli nokwisa, Ena ewali ulya Mweo Palwakwe! Ena aali u Mweo. Ena aali u Lubuuto. Ena aali u Mweo. Ena Umweo wa Muyayaya, wali muli Ena, kabili Ena epela e Kapela wa Mweo wa Muyayaya. “Ena uyo uukwete u Mwana akwete Mweo.” Eico iwe naukwata... iwe teti ukwate i Cebo icilefunda palwa Ena, iwe ufwile wakwata Ena.

<sup>76</sup> Imwe muletila, “Oh, abantu balekala noku sambilila iyo Baibele na mashiwi yonse aya mu ci Greeki, kabili nefyo yalondololwa, kabili namatoni, kabili nafimbipo.” Kabili ta

baishibapo nangu cimo palwa kwa Lesa babafye ukwabula! Mwamona? Iyo! Ena uyu uwa—ena uyu uwa mi—mi—mi monekele, ena uyo nakwata ubutantiko? Ni ena uyo wakwata u Mwana, uwakwata Ena, uyu Muntu. Ena e Umo uwa kwata u Mweo.

<sup>77</sup> Nikodemas alishibe ukuti Ena aalishibe pa Mweo, lelo ena taishibe ukuti Ena e Mweo wa Muyayaya. Ifyo efyali u Muntu uyo untu ena alelandako, iyo Inkombe, ulu Lubuuto lwa bushiku bulya, ulu u Lubuuto lwe sonde. “Ulo Lubuuto ulubengeshima mu mfifi, ne mfifi taya lukutulwike Lwena iyo. Ena alituminwe ku Bantu Bakwe kabili na Bantu Bakwe taba Mupokelele.” Mulandu nshi? Mulandu nshi? Pantu bena bali abaampana icine cine, ababikwa-pamo ne mpoto shakuwaamya nama pani, kabili ne ntambi, icakuti bena balifiliwe ukumona i Cebo ukupangwa umubili.

<sup>78</sup> Cena calibwekelepo. Cena calibwekelapa kabili. Ilyashi lyakale lila ibwekeshapo iline imiku iingi. Ee, ena alishibe ukuti Ena alikwete—Ena alishibe palwa Mweo, lelo Nikodemas taishibe ati Ena e Mweo. Ifyo efyo cili ileelo. Eico abantu abengi belesha ukupanga Yesu, oh, Kafundisha mukalamba, bena balesha nokulanda ukuti Ena aali Kasesema. Lelo lintu waesha ukulanda ukuti Ena ni Lesa, ico ninshi ca cilamo. Mwamona? Lelo Ena aali ni Lesa, kabili Ena ni Lesa, kabili Ena lyonse Ena akulaba Lesa. Epela. Ico nacilungama.

<sup>79</sup> Moneni, Ta ebele Nikodemas, nomba, lintu aishile kuli Ena, Ta landile ukuti, “Nomba, Nikodemas, Ine ni nkukwatila umucinshi uukalamba, ukutila niwe ka—ka—ka fundisha wamu Israeli. Na lakweba ici, ulefwaya u Mweo wa Muyayaya, limbi iwe ulekabila ukuwamya bwino amasambililo yobe. Iwe taulanda bwino amashiwi yobe.” Ifya bulamo amano. Limbi, “Nangula, limbi iwe ulekabila uku kwata icifulo icikalamba mwi ofishi lya mu cilonganino cenu, pakukwata u Mweo wa Muyayaya.”

<sup>80</sup> Ico eco abengi baleesha ukucita ileelo, uh-huh, ofishi ikalamba, bena balefwaya ukufuma pali ba—ba kakumba ukufika pali shimapepo mukalamba wa calo, nangu—nangu ukufika pali bu bishopu nangu icintu cimo icaba ngefyo. Ico icishakwata nangu cimo icakucita na Lesa tapali nefyo caba.

<sup>81</sup> Lolesheni ico Ena ku muntu waba filya. Ena amukalipile, ulya pakukana ishiba inshita ena aleikalilamo, “Ule pilibula uku Njeba ukuti uli kafundisha wamu Israeli kabili teti ukutuluke ifi fintu, lintu,” Ena atile “umuntu afwile afyalwa cipya cipya?”

<sup>82</sup> “Mulandunshi,” ena atile, “ine ne muntu umukalamba, kuti naingila shani munda muli mayo?”

<sup>83</sup> Ena atile, “Kabili iwe uli bishopu, cardinal, shimapepo wa calo conse mu chalichi caba Pentecosti,” Nangu umuntu umbi,

“umuntu umo umukalamba mu kabungwe, kabili tawaishiba na Malembo?”

“Oh, ifwe natukwata Mose.”

<sup>84</sup> “Nga cakuti iwe walimwishibe Mose, nga nawishiba Ine, pantu ena eumo uwalandile palwa Ine.” Mwamona? Lelo temwabela intambi shabo, akabo—akabo akabungwe, ico cali ica pusana. Lelo Mose alandile palwa Ena, kabili Ena uwali ulya Umo Mose alandilepo, kabili libe bena taba cishibe ico. Mulandunshi? Abene bali ikakile apakalamba pakwingila muntambi shabo, bena taba cishibe noku cishiba ico.

<sup>85</sup> Kabili aba bwananyina bandi abo ababelenga, abo abalekopa pali iyi tepu, mwishimya yena nomba. Loleleniko panono, natuloleshe ici cintu palya pene pa cinso. Na limitemwa, imwe muli ba kacema. Kabili Ine nshile esha ukuba uwaishiba-fyena-fyonse. Nga cakuti Nde panga ico ica kwishiba, ninshi nomba imwe shimyeni tepu kabili mpepeleniko. Nde eshafye ukuleta icintu cimo kuli imwe icili Icine. Mwileka ico cimupitilile.

<sup>86</sup> Nomba, Na licindika umutande wabantu, nefyaba ngefyo, lelo imwe mwapanga utu utubungwe. . . Lolesheni paba Faliseo, abashakwete nangu cimo icakucita naba Saduke, pantu aba Saduke taba cetekele mu—mu nangu ba mailaika nangu—nangu umupashi, nangu ukubushiwa, nangu icintu conse, kabili aba Faliseo bena bakwete fyonse fibili, kabili bali nobulwi bwaumo no munankwe. Nomba ba Oneness bacetekela icintu cimo, ba Trinity bacetekela cimbi, kabili naba Methodisti cimbi, kabili naba Presyterian cimbi, kabili iwe ngawashila utumishilwa tunono. Kabili cinshi iwe wakwata? Uku patukanya bu munyina. Mu caba ngefyo, twalasanga ico cifulo muli Baibele panono fye, ifyo cena cili, kabili nefyo Lesa alelanda pafyo cena cili.

<sup>87</sup> Nomba, iyo, Ena tamwebele uku waminisha. Ena ale mukalipilafye pakukana ishiba icintu icituntulu. “Iwe niwe umukalamba wamu Israeli, kabili ta waishiba ifi fintu? Nga Na likweba ifya mwisonde, kabili wafilwa ukukutuluka ici. . .” Tontokanya! “Umukalamba, icifulo icikalamba mu chalichi ca Orthodox, bishopu, cardinal, kabili iwe teti ukutuluke utuntu utunono utwa mibele ya cifyaliwa uto Nde kweba, ni mumusango nshi wala umfwilamo ifintu fya mupashi ukufuma ku Muulu?”

<sup>88</sup> Lelo uushaishiba umushila umukote uyo ushaishibe no kulemba ishina lyakwe, alikutulwike Ico, mwamona, kabili abikilwe ukuba umutwe wa chalichi mu Yerusalemu, Petelo. Mwamona? Oh, “Bonse abo Taata ampela Ine, bena bali no kwisa.” Mwamona? Bala cimona Ico. Bala cicetekela Ico. Balabomba pali Ico, ukwishiba ukuti tapali nangu cimo ici nga bekatilila.

<sup>89</sup> Pamofye ngo mulimi. Cena tacili ica yana ukulanda fye mipulwe, lelo ku pangafye ica kulondolola. Ba tila umulimi abikile na nkoko, kabili tabakwete amani ayalinga, ena abikile ilini ilya cibata pe nsamba lya nkonko. Lintu akabata akanono katotelwe, kena kali aka kusungusha sana ako inkonko tasha mwene po. Kena kalikwete icinso ica kupapusha icitali, kabili kailekena kalelila cibata cibata mucifulo cakulila nge nkonko, kabili—kabili ne nkoko shonse no kulasalawila mu lukungu lwa citele. Kabili cena tefyo ca lelya, bwino bwino fye. Eico ubushiku bumu nankoko mukalamba amutugulwile panse kunuma ya citele, ukuti engekata ifipanso, kabili kunuma ya culu kwali u—u mumana. Kabili no mwela watampile ukupupa ukufuma pa mumana, kabili ena anunshishe amenshi. Cena caba fye ici fyalilwa cakwe. Nankoko atile, “Co, co, co co, bwela kuno!”

<sup>90</sup> Cena catile, “Kwa, kwa, kwa,” nokuya bwangu mumenshi. Mulandunshi? Cena cali cibata, mukubalilapo. Temulandu no musango nankonko alililemo, cena cali fye cibata.

<sup>91</sup> Kabili ifyo fine caba cena ku muntu uyo wamwenwa libela ku Mweo wa Muyayaya. Lintu ena amona u Lubuuto lwakwa Lesa, tapalipo utubungwe mwisonde ukumwita ukubwelela muli twena. Iyo. Mulandunshi? Yena emibele yakwe. Ena limbi kuti aleya nabo panshita ntali, kabili no kulalya ifiko fyabo kabili ne fyakwangala, Lelo ena aya pa cifulo cintu asangapo ifya pusanako, eico ena alishiba. “I mpanga Shandi shumfwa Ishiwi Lyandi,” Yesu eflyo asosele, “umweni teti shimukonke.” Bena kuti limbi balekonka icintu cimbi ica pusanako, lelo mukati kabo muli icintu cimbi iceni. Leka bena bomfwe Icine panshita imo, kabili balolesheni. “Bonse abo Taata ampela Ine bali nokwisa.”

<sup>92</sup> Ee, Ena amukalipile pakukana ishiba. “Iwe niwe umukalamba wamu Israeli, kabili tawaishiba ifi fintu? Ufwile wafyalwa cipya cipya!” Nomba, umuntu wa cifyalilwa, Nde fwaya mu . . . imwe mumone icintu cimo pano, “Ufwile wafyalwa cipya cipya.”

<sup>93</sup> Nomba, ubwikashi bwa cifyalilwa, nga ifwe twakwata ubwikashi bwa cifyalilwa, pa kuba abakalabana muli ubu bwikashi bwa cifyalilwa, mu fintu fya cifyalilwa, tufwile twakwata ukufyalwa kwa cifyalilwa. Bena tabafumishiwa fye ukufuma mu cimuti kumo uko, mwamona, ukumikambatula munshila. Bena balyeseshe ico, lelo ico tacabombele. Cena cifwile ukuba ukufyalwa ukuntuntulu, ukufyalwa kwa cifyalilwa, ukumipuputula pakuti mwakwata amano yasano, ukwenda, ukulanda, ukumona, ukusonda, ukununsha, ukumfwa, ukwenda uka, nafimbi po, pantu iwe nomba uli muntu nse, kabili iwe—uli uwa nakila kuli fyonse ifintu pantu fyena fyendela mubwikashi bwa cifyalilwa.

<sup>94</sup> Kabili, mukufyalwa kwamusango uyu, inshita shimo shimo ifwe tulaba aba mano saana mu mano yamu calo nangu muficitika mu calo, ukuba ba Kateeka kabili—kabili bakasambilila bakalamba, kabali abakanshiwa ba kalungisha kabili ba scientisti, kabili na fimbi po. Kabili lyonse mwalishiba ukufumafye ku kutendeka, bena bali ni bamwana Kaini abo abakwete uyo musango wamano; te bamwana Seti, bena bali abafuuka ba kacema wa mpanga. Lelo abana bakwa Seti bali abantu babu Lesa. Lelo ba mwana Kaini bali lyonse aba bucenjeshi, uku isumbula, ifya bu scienci, bushing’anga kabili abantu abakalamba. Ico nacilungama. Baibele efyo yalanda ifyo, na mwishiba, Cena cifunda ico. Kabili abakupepa nganshi, lelo balifwile pampela. Ifwe tulaba abamano mukuya kusukulu, no ku pokelela uku tungililwa mu masambililo, kabili na fimbipo, ifwe tulaba abamano nganshi, aba bucenjeshi, kabili ne nshita shimo shimo kuti twalandisha ukucila umuntu uwaisulamo-Mupashi. Bushe Yesu talandile ukuti, “Abana ba mwisonde bali bamano saana ukucila abana bamu Bufumu”? Cituntulu, pantu bena, ukupitila mu kucenjela kwabo kuti bena ba—ba landa kabili uku cenjelesha kabili nokulanda bwino ukucilapo, kabili nokubula Amalembo no kuyapilibula Yena uku Yapanga ukulanda ifintu Yena tayalandile.

<sup>95</sup> “Oh, Ico tacipilibula bwino bwino ico.” Lintu umuntu alanda ico, fumapo pali ena. Lesa alolesha pa Cebo Cakwe, na mwishiba, Baibele ilalanda. Yena yalembwa fye mu musango Yena ifwile ukubelamo. Mwamona? Nomba, Yena yalembwa mu musango waifyo kuku bepa, nangu kukulenga aba mano uku ipununa pali Cena. Cena calya nguka, emulandu wine bena baipunwinapo pali Cena. Mwamona? Cisuma.

<sup>96</sup> Yonse ayo mano ne fintu bena be ngabika pamo, libe, lelo fyonse fyafuma . . . uku ukufyalwa kwafuma panshi, pano calo. Kwena kwafuma pe sonde, kabili kwena kulakana u Mupashi wakwa Lesa. Ukufyalwa kwa kubalilapo, pa kutulenga ukuba abakalabana pano, kutulenga abantu abafwa, umulandu walubembu lwacitike mwibala, ukupanga umuntu ukwisa pa calo ukupitila mu mwanakashi. Kabili umuntu uyo uwafyalwa ku mwanakashi wanshiku ishinono, lelo umuntu uyu wafyalwa kuli Kristu ena wa Muyayaya. Yobo atiile “Umuntu uyo uwafyalwa ku mwanakashi wanshiku ishinono kabili aisulamo amacushi.” Moneni, lelo umuntu uyo uwafyalwa kuli Kristu, ena afwile afyalwa ku Muulu. Nomba, lelo umuntu uyo uwafyalwa pe sonde, aba uwa mano kabili kuti acilapo napa bucenjeshi.

<sup>97</sup> Lolesheni ifyo ciwa ali incenjeshi, ena abepa onse shimapepo uwisa pesonde. Ena mucituntulu alacita. Ena alipepele, ena kabili acili alecita ico. Ee, mucituntulu alecita. Ena ni ncenjeshi, lelo ena asangile uwa kucimfyana nankwe, uyo ubushiku bumo, Uwa mucimfishe ena. Kabili ne cintufye ico tufwile ukucita ku shintilila kuli Ena, Ena alimucimfya kale. Mwamona?

<sup>98</sup> Lelo ena afuma panshi, kabili ici, aya amano ayo umuntu alundapo ku kushinkisha no kulangisha fyonse ifintu ifi umulandu umuntu afwile acitila *ici* kabili umuntu acita na *cilya*, cena cintu capusana kabili bulwani (ku mano yamubili) kuli Lesa. A Malembo eflyo yasosa. Cisuma. Te mulandu nefyo ubucenjeshi bwingaba, bena kuti bacipilibula ico uku cishingulusha. Nde fwaya umo anangishe apo Lesa akwete akabungwe nangu ukweba kamo, lelo icasushishe ico pano mu Baibele. Temulandu no bucenjeshi bena bengesha ukuba, cena cili icapusana! Ifyo amano ye ngeminina nokukucimfya mufitala iwe, kabili nokukulenga iwe ukumfwa *kalya* akonono nokukweba palwa ico, lelo cena nacipusana na Malembo.

<sup>99</sup> Umuntu umo atile kuli ine, “Munyina Branham, palipo icintu cimo Ine nakwata ukulola kuli iwe.” Atile, “Iwe uli wakwa Yesu Epela.”

Ine natile, “Ine nshaba ifyo. Ine nshili wamu kabungwe nangu kamo.”

<sup>100</sup> Umo presbyter uwikala ku calo kumbi atumine, bulya bushiku bumbi, kabili atile, “Umo alinjebele ati uli wakwa Yesu Epela, Munyina Branham.”

Ine natile, “Ico cili icapusanako. Ico cintu calubana.”

<sup>101</sup> Atile, “Ba njebele ati iwe wacetekela mukutemwa ukwakuya ponse ponse, ukuti abaume bafwile basha abakashi babo no kuyafwaya. . .” Nomba, mwamona, ubo bufi bwa kwa ciwa. Na mwishiba ico.

<sup>102</sup> Ine natile, “Ine mukupwililika nshifwaya ifintu ifishaba mumalembo! Ine nacetekela muli bumushilo na mu cawamishiwa. Ine nacetekela ukuti umwaume alakakilwa ku mukashi wakwe ilyo bonse bali no mweo.” Iwe taufwile ukumusenda ukwabula ukupepa mukubalilapo.

<sup>103</sup> Kabili Yesu Epela, ba Yesu Epela ibumba, tapali nangu cimo ukulola kuli bena, bena babafye abasuma nge bumba lyonse, kuli ine. Lelo ba batisha mu cilubo, bena babatisha mu kucinjishiwa nakabili. Na licetekela ukuti ifwe twaliba aba cinjishiwa nakabili ukupitila muli Mupashi wa Mushilo, tekutipitila mu menshi. Ine ndabomfya i Shina lyakwa Yesu Kristu mu lubatisho, kabili takwaba Amalembo yambi mu Baibele aya kutungilila . . . aya ku cilenga cena ukuba ica pusana. Tamwabamo nangu umo mu Baibele uyo uwa batishiwe mwi shina lyakwa “Taata, Mwana, Mupashi wa Mushilo.” Nde fwaya umo ukwisa noku nanga pa ncende pamo apo umuntu umo abatishiwe muli uyo musango. Nomba, nga cakuti tacaba mumalembo, lekeni ukucita ico!

Imwe muletila, “Cena tacipangapo ubupusano.”

<sup>104</sup> Cena cali citike kuli Paulo. Ena alibebele ukubatishiwa nakabili, mwi Shina lyakwa Yesu Kristu, kabili nomba

nokupokelela Mupashi wa Mushilo. Kabili Paulo atiile, “Nga malaika afuma ku Muulu,” Galatiya 1:8, “aisa, nokufundisha i Mbila imbi,” ukucila pali iyo afundile, “lekeni ena atipwe.”

<sup>105</sup> Mwamona, ulo lutambi. Ine nalandile ku muntu umukalamba tapapitile inshita ikalamba. Atile, “Munyina Branham, Ine teti. Ine ninjishiba ukuti Ico nacilungama,” ena atile, “Ine cinshi ico ningacita palwa Ico?”

Ine natile, “Cinakile Ico!”

Ena atile, “Mulandunshi, Ine—Ine nalikwata umucinshi uukalamba pakati ka bantu besu.”

<sup>106</sup> Ine natile, “Lelo Nde fwaya umucinshi na Lesa, eico nakila i Cebo Cakwe. Ufwile wasenda ubusalo bobo, bushe iwe ulebombela Lesa nangu umuntu?”

<sup>107</sup> Lelo bena babula akabungwe kabo, babikamo fyonse ifyaku landa muli fyena, nokukonka ukufika ku mpela. Umuku wa kubalilapo ukubomba nimu chalichi ca Romani Katolika. Ico cili icalungama. Ine ndefwaya umo uwakuti anange ine icintu cimbi icapusanako. Ine ndabelenga ilyashi, pamo, namwishiba. Eico ibukisheni, ulo lubatisho lwa Katolika, kabili na onse uwabatishiwa muli uyo musango abatishiwa mwisenge lyabu Katolika. Ine nala cishinikisha ico ilyo ubushiku tabula pita, nga cakuti Shikulu atemwa. Ico nacilungama. Uyo wine emulandu iwe ufwile wabwelela.

<sup>108</sup> Te bu Yesu Epela. Nomba, mwaliba abantu abengi abasuma mu chalichi cabu Yesu Epela. Abengi abantu abasuma muli ba Assemblies of God, ba Church of God, Methodisti, Baptisti, Presbyterian, kabili ba Katolika. Lelo tapabapo nangu cimo i Chalichi, nangu cimo pali fyonse. Mwaliba cila umo umo uusangwa mu Chalichi. Lelo te cilya cilonganino bena bakwata ukuti ecapanga i Chalichi cabo, nga fintu abantu besha ukucipanga muli uyo musango. Cena cilubo. Lelo panonofye ilyo ifwe twalafika pa mpela nalampela Ilembo limo mu kashita akanono.

<sup>109</sup> Ee, ukuba uwakalabana pe sonde, iwe ufwile uku fyalwafye ifyo fine, kabili ukufyalwa kwa munshila iya kutulenga ukuba abamano ngefyo Ine naciba nsosele. Mwamona? Kabili tulaba abacenjela, abamano, amano yesu eyatupela ico. Lelo ibukisheni kulya kulya ukufyalwa, intendekelo ine ine iya ico, yaba iyapusana. Yena ya pano pesonde kabili iya pusanako ku Cebo ca kwa Lesa, yabuwele wele kuli Lesa naku butantiko Bwakwe, iyakukana ishiba ubutantiko bwakwa Lesa. Nga cikanaba ifyo, Nikodemas ngalishibe ifingi ukucila Yesu ifyo aishibe palwa Ico. Mwamona? “Bushe uli kafundisha mu Israeli?” Mwamona? Mwamona uko icilonganino cenu cileya, uko abakalamba bamano benu abo aba kumana capamo nokupanga ubutantiko bwabo, kabili nokwikala?

<sup>110</sup> Lekeni ine imyebe ici. Inshita yonse Lesa atuma u Lubuuto pe sonde, pa cintu conse ukulola ku Malembo, bena balenda nayo bwino apo pene. Kabili lilya line ulya muntu aya, bena balapaangamo akabungwe ukufuma muli cilya. Kabili palya pene ba campanya pamo, Nde fwaya ukwipusha onse uwaishiba ilyashi lya kale (bonse abali pano nomba, nangu cili pa matepu) ukwisa nokunanga. Panshita yonse ulya muntu aampenye pamo ichalichi, palya penefye cawwile kabili tacaimine. Cena cilaba icapusana na Lesa. Cena cilapusana na Malembo. Eico Nda cikana. Icintu conse icikana Lesa, nga Lesa ali muli ine, ninshi na Ine nkana ico Lesa akana. U mulwani Wakwe mulwani wandi. Chalichi Cakwe ni Chalichi candi. U Mweo Wakwe Mweo wandi. Ena apele u Mweo Wakwe, Ena ukuti abe ine ukuti Ine ukupitila mukusenamina Kwakwe ningaba nga Ena. Mwamona? Ifwe twacinjenye ififulo. Ena aba umubembu nga ine no kumfwila ine, mucifulo candi, pakuti Ine ningaba umwana wakwa Lesa ngefyo Ena ali.

<sup>111</sup> Nomba mwamona uko icilonganino cenu cifikile kale? (Ifwe tatutampile.) Aba mano mu mano ya mwisonde lelo abafwa umwabela ubutantiko bwakwa Lesa! Nomba natuloleshe ku numa, iminineni pano panshita inono.

<sup>112</sup> Adamu ali uwapusanako ku butantiko bwakwa Lesa, pantu ena tanakile i Cebo. Aeseshe ukuipangila umwine icifimbo, bukapepa. Cena califilike, kabili cena caba lyonse icafilika, ico umuntu esha ukucita. Nimrod ali lufyenye. Korah alifwile. Cinshi ico bena baleesha ukucita? Ukupanga akabungwe.

<sup>113</sup> Kabili panuma ya ico, lintu mukushalikisha ba ampene abene, Yesu abasangile, nabafwa! Atille, “Imwe mwali kwata amenso lelo imwe tamumona. Imwe mwalikwata amatwi lelo imwe tamumfwa.” Mwamona? Atille, “Imwe muli mpofu, muletungulula impofu. Impofu nga yatungulula impofu inankwe, bushe shonse shibili tashiwila mu cilindi?” Ena atilile, “Iwe niwe kafundisha wamu Israeli, kabili ulekana no kukutuluka ifyo ukufyalwa cipya cipya kwaba? Lintu, nga ca kuti iwe walifumineko ku ntambi, kabili nokwikatilila ku Cebo, iwe ngawalishibe ukuti Ine naleisa mukupela abantu ukufyalwa cipya cipya. Iwe ngawali shibe ubushiku Bwandi. Nga iwe wali mwishibe Mose, iwe nga walinjishibe Ine. Mose alandile palwa Ine kabili ena atilile Ine ndi nokwisa, kabili Ine ndi pano! Kabili Ine nganakana ifintu ifyo Mose na ba kasesema balandile ukuti Ine ndi nokuficita, lyena mwincetekela Ine. Nga Na kana ukucita imilimo yakwa Lesa, lyena mwi nctetekela Ine. Lelo imwe nga mwakana uku nctetekela Ine, ukuba u Muntu, kabili imwe ngamwakana uku Nctetekela pantu Ine ndi Muntu kabili ndecita ne milimo yakwa Lesa, cetekelenu imilimo pantu ilapela ubunte palwa fintu Ine ndecita.” Mwamona?

<sup>114</sup> Lelo nomba, ngefyo cili lelo, nga Ena aikele pano pe sonde ileelo, ba Assemblies of God nga balikwata umo, ba Oneness



nga balikwata umo, na bonse nga balikwata Yesu. Mucituntulu, ifilonganino fyabo nga fyalitontapo. Mwamona? Nga cakuti tacili, ninshi bena tebo. Kupatulula bu munyina.

<sup>115</sup> Nde ibukisha umulumendo uwitwa “Davidi Munono.” Ena mwaume, alyupa nomba, Nde elenganya alikwata ulupwa. Nde ibukisha lintu atampile mukubalilapo. Ine naile ku St. Louis. Na lyumfwa palwa balumendo abanono bakashimikila, ukuti aiminina palya nokulanda, “Yesu, umulumendo munono, uwafyalilwe mu mulimba. Mayo, nge fyakonkelepo pali ifyo?” Lelo teulya mulumendo umunono. Ena afulile ikoti lyakwe, abula isambilisho no kushimikila. Bushe ena ali ninani? Ena ukuti ali wa muli ba Yesu Epela. Wishi wakwe, ni Mista Walker, nao uwa muli ba Yesu Epela. Mulandunshi, ba Assemblies balicikene ukusumina ico. Bena bafwaile ukubaletela Davidi munono. Mulandunshi, nabonse abashala baba letele Davidi umunono. Kabili inshita imo umulumendo munono akwete ukulongana kwi samba lya Florida, alinjitile ukuyako noku mwafwilisha. Kabili Munyina Moore na Ine twabelengele amabula yabili ayali pantanshi ye pepala, tepali cimbi kanofye Davidi munono, ichalichi conse calikwete Davidi munono. Oh, ubusuma! Mulandunshi, nge bumba lya bakalamba ilyakwa Lesa lyali mwene icabupe muli ulya umulumendo munono, ena nga alipyangile ama kana yamweo ukuyaleta mu Bufumu, mwamona; kumweba mpaka ena alabako intambi palwa muntu kabili neci ifyaba nge fyo. Lesa alikwete ica bupe mu mweo wakwe, ico cibomfyeni!

<sup>116</sup> Lintu ubundapishi bwa Mupashi wa Mushilo bwalangishiwe mukubalilapo, umuntu onse alikwete imyumfwile mu maboko yabo kabili bale nunsha nama lwele. Kabili, oh, owe! Mulandunshi? Bena balecita ico, utubungwe twabo twena twali kunuma. Mwamona, imwe mwalikwata utubungwe utwaba ku ntanshi yabutantiko bwakwa Lesa, mutontokanya ukuti efyo cifwile caba. Lelo Lesa alikwata i Chalichi Cakwe icitwalililapo, umusango umo wine, u Mubili ushifwa. Iwe tekuilunda kuli Ico, wafyalilwa muli Wena.

<sup>117</sup> Uwamano mu mano ye sonde, lelo uwafwa mu butantiko bwakwa Lesa. Njeba, nomba. Njeba, nomba. Iwe kuti wabeba nokushinikisha kuli bena ukuti nabalufyanya, ukupitila mu Cebo cakwa Lesa no bulayo, kabili bena teti ba cimone ico. Ine kuti naikalako kabili nokubalanga i Cebo no kukulangisha ukuti icilonganino calufyanya. Ine kuti nakulangisha ukuti amasambilisho yantu imwe mwakwata ileelo yaliluba, mwamona, aya amasambilisho yamu chalichi. Ukulangisha ukuti yalilubana, kabili bena bonse bali nokutiila, “Cisuma, ifwe batufundisha ukucetekela *ici*.” Mwa mona, kwi tontonyanyo lyandi, cena—cena cacabe cabe, nga cakuti nawishiba ico Ine ndelandapo, aba baleya mukufwa. Ee, ico cili icalungama. Bena

tabamona. Yesu atiile, “Imwe, imwe—imwe teti mumone, pantu nga mwaisa kuli Ine muli nokuba no Mweo.”

<sup>118</sup> Kwali Nikodemas, umuntu uwacindikwa, umuntu umukalamba, bishopu mu chalichi cakwe, umuntu waishibikwa, uwatemwikwe ku muntu onse, kabili aile kuli Yesu kabili taishibepo nangu cimo palwa Mweo ukucila—ukucila taishibe nangu cimo. Ena aali wakukanaishiba apakalamba palwa Cena lintu Yesu amukalipile palwa ico, lelo ena ali uwacishinka nganshi pa kuya. Abashalako bonse teti baye nako. Bena baiminine akatalamukila pamo naba shimapepo bakalamba kabili naba Bishop *Wakuti-na-wakuti* kabili *Wakuti-na-wakuti*. Mwamona? Bena baiminine akatalamukila pamo nabo, ukucila ukutwala intambi sha bakalamba ukucila ukumfwa ku Cebo cakwa Lesa.

<sup>119</sup> Nomba, imwe kuti mwa beba, teti bomfwe nako kuli ico. Imwe kuti bwino bwino...Kuti mwacingililamo...Nde fwaya imipushe icintu cimo. Ine nshile pilibula aba aba bukapepa bwacilamo. Nomba, mweba bwananyina mulekutika kuli tepu, Ine nshilepilibula aba bukapepa bwacilamo. Bushe kuti mwaingililamo imwe ine ukuya palya, kabili—kabili nokukaka icifundo pa cimuti kuti canjipusha ukuti, “Cinshi ico wendela mu calo umusango untu iwe wendelamo nga fintu ucita? Ine nalikwata umweo, Ine ndi cifundo pa cimuti ici”? Ena kuti ashininkisha ukuti alikwata umweo, lelo ni ulya wamusango walubana. Nga ena alefwaya ukulaenda ukushinguluka, inshila fye imo iyo ena engalaendelamo ukushinguluka, ukumona, ukusonda, ukwikata, ukunusha kabili nokumfwa, nga ena kuti alanda no kasosa kuli ine nokwipusha ukuti, inshila imo, ena iyo afwile afyalilwamo niyo ine intu Na fyalilwamo. Amen. Ena teti acikutuluke ico ica nshila imbi. Lelo nga cakuti ena afyalilwa munshila imo ine iyo Na fyalilwamo, ninshi ena kuti aishiba ifintu ifyo Na ishiba. Amen. Oh, owe! Ee, mukwai. Iwe teti webe icifundo pa cimuti ifyo twendauka kabili nokuba abakalabana, cena cifwile capokelela umusango wa mweo wesu pa kukutuluka ico. Cimo cine no Mupashi! Icintu cimo cine ecaba pamo no Mupashi, ngatefyo iwe tekuti ucikutuluke Cena. Takuli icakukabila icakwasha ukwelenganya Cena ifyo conse caba, nombaline isa kuli Ena mukubalilapo. Pantu, “Kano umuntu afyalwa cipya cipya, ena teti amone Ubufumu,” Ena atile, ico, “cikutuluke Ici.” Ufwile wafyalwa cipya cipya paku cishiba Cena.

<sup>120</sup> “Cisuma,” iwe watila, “Na lifyalwa cipya cipya.” Kabili ule kana i Cebo? Kuti waba shani? Umweo obe wine eulepela icakulangisha ca ico, ibumba lyobe ilyo uyampanyako nalyo, abantu bamisango imo ine. Mwamona? Lolelani mpaka tufike pe samba lya fintu mukashita akanono, mwamona.

<sup>121</sup> Fishila ukupitila mu Mupashi. Kuti iwe waeba shani abantu ifintu fya Mupashi ku bantu abo aba shafyalwa ku Mupashi? Iwe

ufwile wafyalwa ku Mupashi pa kukutuluka ifintu fya Mupashi. I. . . Yesu atile, “Umwela upupa ukuya uko wena utemenwe, iwe teti uwipushe uko wena ufumine nangu uko wena uleya.” Mwamona? Efyo na onse uwafyalwa ku Mupashi, bena teti ba kwebe iwe. Umuntu uyo wafyalwa ku Mupashi tasenda po netontonkanyo, ena alekela Lesa ukula mutontonkanishishako.

<sup>122</sup> Bushe imwe muletonkanya Ine kuti na iminina pa cintamba pano, natontonkanyapo kabili no kweba umwaume kunuma kulya, “Ishina lyakwe ni *John Doe* kabili afuma *kwakuti-na-kwakuti* kucende yakuti, ena acita *ici*. Kabili alyupile uwanakashi umbi kulya afuma, imyaka amakumi yabili iyapitapo, kabili alikwata abana muli uyu mwanakashi. Ena afwile abwekeshamo *ici* cintu uko acifumishe, kabili nokucita *cilya*,” bushe imwe muletonkanya, ukusenda itontonkanyo, Ine kuti nacita ico? Tamwaba amano yamusango uyo muli uku kufyalwa pano pe sonde ukwa ifyo. Kwena kwali cila pali ico. Cena cifwile ukufuma mu Muulu. Nomba lintu imwe mwafyalwa ku Mupashi, mu Muulu, u Mweo uyo uwali muli Ena Uyo uwacitile fyonse ifyo fintu atiile, “Imilimo intu Ine ncita, naiwe uka icita pamo.”

<sup>123</sup> Ukufyalwa kobe kufwile kwa cinja. Iwe walibepekwa. Limbi wa lilandile mu ndimi, kuti wa litolweke pamulu na panshi, kuti wa libilikishepo, limbi kuti walicita fyonse *ifi*, *cilya*, na *cimbi*, limbi kuti wa—waliba membala wa nakila. Efyali na Nikodemas, mwamona, lelo ena abulishe ukufyalwa. Kabili lintu wakana i Cebo, waesha uku Cibika pa ncende pambi kabili wacitapo ne cintu cimo kuli Cena, kabili noku Cisalanganya mu musango uyu wine, nomba. . . Yesu atile, “Ifi fishibilo fili nokubakonka abo aba cetekela. Kabiyeni imwe bonse mwisonde kabili nokubila i Mbila nsuma ku cibumbwa conse.” Epo fye i Mbila nsuma ileshimikilwa ifi fishibilo fili nokukonka. Njeba, iwe icifulo uko Ena uko aci pokolwele ukufuma ku chalici. Nangeni Amalembo umo Ena atiile, apo atiile, “Panshita fye iyi iitali.” Ena atiile, “Kwi sonde lyonse kabili naku cibumbwa conse!”

<sup>124</sup> Ee, iwe ufwile ukupokelela umusango wa Mweo uyu Ena akwete, pakuti waikala u Mweo Wakwe. Kabili lintu wa mona u Mweo Wakwe, nomba uli nokwishiba i Cebo Cakwe. Ico nacilungama. “Lintu Ena,” ica kwimininako ishina, te tontonkanyo, te cakutunganya, te ca myumfwile, lelo “lintu Ena, Mupashi wa Mushilo, aisa, Ena ali nokusenda ifi fintu ifyo Na mwebele, kabili nokufisokolola fyena kuli imwe, kabili akamilangisha imwe ifintu ifyo fili nokwisa.” Uko ekufyalwa. Uku shininkisha ukuti Ico Cebo. Kabili lintu umuntu atila ena nakwata Mupashi wa Mushilo, kabili akana i Cebo cakwa Lesa kabili noku cibika Cena ku ncende kumbi uko, nga kuti Mupashi wa Mushilo Akana shani i Cebo Cakwe? Nomba nangeni akabungwe mu Cebo. Mwaumfwa imwe bonse. Mwamona? Cisuma.

125 Kuti mwatontonkanya shimakwebo... Nomba pano epali ukumona apo ichalichi cesu cafika mukuba ku numa. Kuti mwatontonkanyapo imwe pali shimakwebo uyo uwatampa amakwebo kuno, yena...yena icine makwebo aya leila kofye pamulu, kabili afwile apokelela ubwafwilisho bwangu bwangu, kabili aya kwibumba ilya bantu abafwa, ifitumbi, nokulanda ukutila, “Bushe kuti mwaisa noku mombela?” Bena teti babe aba cibweshwa kuli ena.

126 Uyo wine emulandu utubungwe tatwimina nakabili. Mwamona? Ibumba lya bafwa aba shacetekela ukula longana palwabo capamo nga Nimrodi, nga Korah, ngo pita ukupulanya munkulo. Kuti caba...Ena tabomfeshe ico, tatalile abomfya utubungwe. Ena teti acicite ico. Cena kale califuma mubufwayo bwa kwa Lesa, cena cali pulapo pali ico. Cena teti kube uku cisanga califuma mukufwailisha.

127 Kuti waya shani ku muntu ushenda, umutwe wabulebe, ukuboko no lukasa, wamweba ukuti ulefwaya aku butukileko ulubilo lwaku makasa, ubutuke ulu lubilo no kutekanya, ubike lubali...Mwamona? Kuti acita shani lintu uyu muntu tasela nokusela, ena ali kwata ubulebe? Iwe ufwile wafumyapo ubulebe pali ena, mukubalilapo, elyo nomba enga butuka.

128 Ifyo efyo utubungwe tulekabila, ubundapishi bwa Mupashi wa Mushilo. Oh, owe! Nde subila ukuti Nshi sangile... ukumfwika kasusha. Mwamona, Ine nshile susha, lelo umusumali nga tawingile wena ulafuma bwangu ukwabula ubwafya. Mwamona? Uyu emulandu Mupashi wa Mushilo teti abomfye icilonganino. Palya pene ilyo cati... .

129 Ibukisha, Ni nsetekela ukuti Martin Luther alikwete Mupashi wa Mushilo. Mukupwililika. Limbi te mucu pandwa Cena cili ileelo, pantu Wena tawapelwe. Ifwe twalipita muli ifi, mwebantu ba mwi hema, pano pa cipampa cafita. Lelo acetekela muli Lesa, “kabili onse uyo wacetekela aba no Mweo wa Muyayaya.” Ine nshatontonkenye ukuti kwaliba umuntu uwacetekela ico nga ine, mpaka luno lucelo, Ine naumfwile Charles Fuller lintu Na letentenmukila panshi. Ena alicetekela, pamo, ukuti ukufyalwa cipya cipya ekufyalwa na Mupashi wa Mushilo. Ukufyalwa cipya cipya ekufyalwa. Mupashi wa Mushilo elubatisho. Mwamona? Cisuma.

130 Nomba twasanga ukuti uyu muntu afwile afyalwa cipya cipya pakuti aba uwa kalabana. Cisuma, ukufyalwa ku mubili, nomba naukwata amano ya mwi sonde. Kabili amano ya mwi sonde yanakila kafundisha waku mubili. Nacilungama. Ico cili bwino bwino fye ico umuntu takwatila ukufyalwa cipya cipya, kabili mwebe i Cebo cakwa Lesa, bena kuti banakilapo bishopu wabo, shimapepo nangula akabungwe kabo, mucifulo ca Cebo ca Mweo. Mulandunshi? Ta caishiba icintu cimbi kano ico cine. “Mulandunshi, na mwishiba, ubushiku bumo kuti Naba

shimapepo.” Mulandunshi, Nikodemasi ali ni kafundisha. Ico cali cililepo pali shimapepo, ico cali cililepo pali—pali—pali kakumba, ico cali cililepo, uyu ewali kafundisha mu Israeli. Mwamona? Ee, kabili aali umuntu umukalamba, ena aali muli ili bumba kabili taishibe ukucilapo palwa kwa Lesa kabili taishibepo nangu cimo. Mwamona? Fyonse ifyo aishibe lyashifye ilyakale.

<sup>131</sup> Busuma nshi bwaba muli Lesa wamulyashi lya kale nga cakuti Ena taba cimo cine ileelo? Busuma nshi bwaba muli Lesa wakwa Mose nga cakuti Taba Lesa umo wine ileelo? Busuma nshi bwaba muli Lesa uyo uwinga pususha umuntu pa capindama nga cakuti teti apususha umuntu umo uuli mumibele imo ine ileelo? Ngefyo Ine lyonse nsosa, “Busuma nshi cicita ukupela aka cuni imbuto shisuma nama vitamini, uku kalenga kakwata amapindo ayakosa kabili nama sako aya suma, kabili no kukabika muli kasalanga?” Ine nshi cumfwikisha. Esha ukumweba pali Lesa wamaka kabili nefintu fimbi, kabili nokumuleka ekale mukabungwe ako akasha cetekela nefintu fya musango uyo. Mwamona? Fyonse nafifuma. Uyo wine emulandu fifilikilwa, cena califwa. Teti iwe ucibomfye. Lesa tatala acibomfyapo.

<sup>132</sup> Tontonkanyafye, Mupashi wa Mushilo tatala acicita, panshita ili yonse, ukubomfya akabungwe, tamwaba mu Malembo nangu mulyashi lya kale. Nga cakuti umuntu onse pali iyi tepu, nangu uulipo, ngakuti anangisha apo Mupashi wa Mushilo abulile akabungwe kabili abulile ulutampulo pa calo, isa unjebe. Ndefwaya unjebe ibuuku lya lyashi lyakale cafuma mo. Na mwishiba tacaba mu Malembo, eico Nde fwaya unjebe mwibuuku lya lyashi lya kale ca cafuma mo. Lesa tatala abomfyapo icintu icaba ngefyo. Ena abomfya umuntu umo lyonse.

<sup>133</sup> Cisuma, ukufyalwa ku Mupashi. Nomba, ukufyalwa ku mubili, no kukwata amano ya mwisonde, amano yali nokunakila kafundisha wakumubili. Uku fyalwa ku Mupashi kucetekela nokunakila ama fundisho yamu Baibele, ukupitila muli Mupashi wa Mushilo. Kabili no muntu uyo uwafyalwa ku Mupashi ali nokunakila i Cebo cakwa Lesa temulandu nefyo ulutambi lonse lwingamweba. Cena cabafye ifyo fine. Imwe mwalifyalwa nakabili, uyo wine emulandu mumwena. Ukuba mukabungwe, bikamo ukusubila kobe konse muli ico . . .

<sup>134</sup> Nomba, Ine nshilelanda ukuti abantu mu tubungwe tabafyalwa cipya cipya. Nomba, Na labwelela kuli ico munshita iinono, Shikulu nga atemwa. Mucituntulu, bena efyo baba, lelo baba cila umo umo. Tekabungwe ukufyalwa cipya cipya; cila umo umo mulya eufyalwa cipya cipya. Lelo akabungwe eka mufumyako kuli Lesa, ifyo efyo kena kacita: kalakupatulula. Cisuma. Temulandu no mubili, icilonganino cifunda bu mubili lyonse caba ica pusanako ku bufwayo bwakwa Lesa.

<sup>135</sup> Uku *fyalwa cipya cipya* cilepilibula “ukufyalwa ukufuma mu Muulu.” *Kabili* cile pilibula “ukufuma mu Muulu.” Nde mona na mwishiba ico, mwamona. Uku *fyalwa cipya cipya* kabili cilepilibula “ukufyalwa ukufuma mu Muulu.” Nomba, mwala mona, cena kuti mwa cisambilila nga mulefwaya, amashiwi yabomfeshiwa. Mwamona, cilepilibula “ukufyalwa akufuma ku Muulu.” Pantu, imwe mwafyalwa *pano*, nomba ukufyalwa cipya cipya ufwiye ukufyalwa ukufuma pamulu *Pano*, pakufyalwa cipya cipya. Ninshi bulya Ubufumu bwali sumbukapo ukucila ubu bufumu, uku cilishapo pali ubu bufumu, mpaka ubu bufumu bwaba bubwele wele kuli Bulya, kabili Ubo bwaba buwele wele kuli ubu.

<sup>136</sup> Ngefyo Ine lyonse nsosa mukubwekeshapo, ine no mukashi wandi pano tapapitile inshita twaile mukushita ifya kubomfya, imyeshi inono iyapitapo, kabili twamwene umwanakashi uwafwele siketi. Kabili cali icintu cakupapusha cintu tatwa talile atumonapo panshita ntali.

<sup>137</sup> Cisuma, luno lucelo, Ine nshilelanda ici muli bukapapa bwa cilishapo, Ine nalyumfwile kuli umo uwa muka bungwe aka ishikikwa akakalamba. Kabili umwana wandi umwanakashi na Ine twaleumfwa ku cilimba lintu twaleya mu mukubika ichalichi kuli shikulu. Kabili no lwimbo baimbile, kwati ulwapalako kulubiye, kuli *Lwakuti-na-lwakuti*, kumo uko kwimba ukusuma ukwaumfwika kuli ine kwati bana mayo baleikata umupu wabo mpaka ifinso fyabo fyaba makumbi makumbi, kabili elyo batontokaya ukuti uko ekwimba. Uko kufyenenkesha. Ine nalitemwa ukwimba ukusuma kwa kale ukwimba ukwa Pentecosti, ukwa kuti kulefuma mu mutima. Teti usende akalwimbo mu mbeketi ya malasha, lelo ninshi uleimba ulepanga icongo icisuma kuli Shikulu. Nde tontontokanya ukuti ubo nibu mupashi. Na ilitemwa ico. Lelo uku ukwikata kwamupu mpaka waba uwamakumbi makumbi pacinso, kabili wasendwa kabili wabwela, uyo. . .Iwe tawishibe no kwishiba wemwine ico uleimbapo. Ni mumusango nshi ulecetekela umuntu umbi ukwishiba? Ifyo efyo cili ico. Yesu atile, “Tulanda ifintu ifyo twaishiba.” Ico cili icalungama. Ico cili icalungama. Ico tufwiye ukucita ukwimba ico twaishiba mumitima yesu, nefyo ifwe tuleumfwa.

<sup>138</sup> Kabili ilyo bapwile ukwimba, umwana umwanakashi wandi ala kanshiwa mufya nyimbo, kabili atile, “Munyina,” ena atile, “ati uko kwaciba ukwimba icine cine ukusuma.”

<sup>139</sup> Ine natile, “Ee, lelo nibanga ukufuma muli lilya ibumba lya ba kemba iya bantu amakumi yasano ule tontontokanya ukuti bacilanunka fwaka mu kupema kwabo? Nibanga muli lilya ibumba lya ba kemba uletontontokanya, ubushiku bwa pitile ubwa pa Cibelushi ubushiku, abashanwinemo ubwalwa panono? Banakashi banga muli balya bakwata imishishi ya putulwa? Nibanga abapentele, lintu kakumba wabo mu

chalichi atile inshiku ishinono shapitapo, ‘Les a pangile isonde ukuba ilya waminako lintu Ena apangile penti?’” Lintu, ifwe twalishiba ukuti kwaliko umwanakashi umo mu Baibele uwapentele icinso cakwe, kabili Les a mulishishe kumbwa. Kabili ifwe, umuntu onse uyo uwaishiba icintu conse palwa chalichi kabili na pa basenshi, alishiba ukuti, penti mibele yabasenshi, eflyo cabafye lyonse. Kabili, libe, abanakashi balacita ico. Kabili umwaume akulapepa, ukulakolwa, ukutwalilipo-fye. Kabili aiminina palya nokulaimba, amashiwi mumusango uyo. Ifwe twalaisafikako kuli ico muma miniti yanono pano pene. Cisuma. Ukuba mukutontonkanya kwamu kabungwe, lintu, kukaba ukulengwa isoni pa Bupingushi, mumatontonkanyo yandi.

<sup>140</sup> Ukufyalwa ku Mupashi, kuba uwacetekela kabili nokuisunga wemwine mu Mupashi, kabili nokukutuluka nokucetekela no mutima obe ukuti Yesu ni Kristu kabili Ici e Cebo Cakwe, ukuti takuli amashiwi yambi ayenga lundwako kuli Cena nangu ukufumishiwako kuli Cena ukwabula ishina lyobe ukufumishiwamo mwi Buuku iya Mweo. Ico cali ca maka cimo. Nga walundako icintu cimo kuli Cena, mu lutambi lwenu, nangu wa fumyako icintu cimo kuli Cena, cisuma, Kristu atile, Palwakwe, “Ishina lyobe lili noku futwamo mwi Buuku lya Mweo.” Nomba, sanga akabungwe, icilonganino mu Baibele. Iwe uli nokubutuka kuli cena! Cisuma. Temulandu nomubili, ififundwa mucilonganino fya lipusana ku fyamu Baibele. Ee. *Ukufyalwa cipya cipya* cilepilibula “Ukufyalwa ukupya ukufuma mu Muulu; ukufyalwa ukufuma mu Muulu.” Ninshi ifwe twaba abakalabana mu fintu fya mu Muulu. Oh, owe! Pantu Ni Ena umwine eulebombela mu Cebo Cakwe ukupitila muli iwe, we musambo Wakwe, ku Mwangashi.

<sup>141</sup> Uyo e mulandu Yesu atile, “Ine nga Nshi citile imilimo yakwa Taata Wandu, mwi nctetekela Ine.” Oh, icine cine! Ena atile, “Takwaba umuntu uwanina ukuya mu Muulu kano Ena uyo uwaikile ukufuma mu Muulu.” Mu lolesheni Ena ilyo abombele pali Nikodemas pano, lintu Nikodemas. . . Na mwishiba bena batontonkenye ukuti, Ena ukuba u Muntu, teti Abe Les a. Kabili Ena atile, kabili ifi eflyo Asosele, “Takuli umuntu uwaninine ukuya mu Muulu kano Ena uyo uwaikile ukufuma mu Muulu, uyo wine u Mwana wa muntu ali nomba mu Muulu.” Ico cali cililemo kuli ena. Nga Ena kuti acita shani, u Mwana wa muntu, ukwikila ukufuma mu Muulu, ukwikila *ukufuma* mu Muulu, e umo wine uyo uwanine ukuya *ku* Muulu, kabili e Umo wine uwiminine pano pamulu waino ing’anda, alelanda na Nikodemas, nomba ali *mu* Muulu? Cisuma, ena ali nokumona ukuti aali ni Les a. Ena eu sangwa konse konse, konse konse! Mwamona? Lelo ena, muntambi shakwe, taishibe ico. Ena takwete amano yabu-mupashi. Yali amano yabu mubili, kabili tacumfwile ico.

Ena atile, “Bushe abantu batila Ine ne Mwana wa muntu nine nani?”

“Bamo batila, cisuma, ‘Ena Mwana wa kwa Davidi.’”

<sup>142</sup> Ena atile, “Nomba mulandunshi Davidi mu Mupashi amwitila Ena ‘Shikulu,’ ukutila, ‘Ati Shikulu atile kuli Shikulu wandi, “Ikala Iwe kukuboko kwa kulyo Kwandi, panka Ine nenge abalwani Bobe ica kunyantapo amakasa”?” Icakuti Ena ali fyonse fibili u Mushila kabili u Mwana wakwa Davidi; Ena aliko ilyo Davidi talabako, Ena ali ni Davidi, kabili ali panuma ya kwa Davidi. Mwamona? “Ena e Mushila kabili u Mwana wakwa Davidi,” Baibele efyo yasosa ifyo, bonse babili Mushila no Mwana wakwa Davidi. Kuti aba shani Ena u Mwana Wakwe nomba? Kuti aba shani Ena Shikulu Wakwe? Baibele yatila, “Ukufuma pali nomba taba mwipwishepo icintu Ena nangu cimo.” Nde mona ukuti cali icintu icisuma, pamo. Ee, mukwai. Cisuma.

<sup>143</sup> Ukufyalwa cipya cipya ukufuma mu Muulu. Ninshi ifwe twaba abakalabana, abakalabana mu fintu fya mu Muulu, kabili, pantu u Mweo Wakwe uli muli ifwe, ico e Cebo Cakwe ukulangisha i Cebo palwa Ciko. Mupashi uyo uuli muli iwe e Cebo icalangwa u Mubili muli iwe. Mupashi wangwa i Cebo, kabili waba uwa kalabana muku langisha i Cebo.

<sup>144</sup> Nomba, Mupashi taba uwa kalabana mu cilonganino conse. Tawaba uwakabila muku panga akabungwe, pantu u Mupashi pa Lwauko wali pusana naka bungwe. Utubungwe tulolesha kufintu ifya mwi sonde, amano ya mwi sonde, kabili balapanga ama tempele ayakalamba noku wamya ifintu, kabili utukalamba u twa waminishiwa utubungwe, bakashimikila aba waminishiwa, kabili nefyaba ngefyo mumusango uyo, kabili aba pamulu mu musumba. Uko, u Mupashi ule esha ukufwaya imitima ya cishinka uko u Mupashi uli uwakabila ukusokolola kabili noku shininkisha ico i Cebo ca kwa Lesa ukuba ica cishinka. Nga kuti caba shani iwe, kuti caba shani u Mupashi ukubombela mu kabungwe lintu kena kalekana, kalebula amasambilisho mucifulo ca Cebo? Teti cibombe ico. Eico, mwamona, cena califwa. Lesa taya kuncende camusango uyo kukufwaya Abakwe, i—i bumba ilya bantu aba kumubombela Ena, pantu bena balifwa kale. Bena taba cetekela mu Cebo, nangu teti basangwemo mulya. Mwamona? Nomba, ifwe twaba abakalabana mufintu ifya mu Muulu. Nomba, u Mupashi waposa amano ku Cebo. Nomba, ico nacilungama, pantu u Mupashi wapela i Cebo u Mweo. Mwamona? “Amalembo yalepaya; u Mupashi upela u Mweo.”

<sup>145</sup> Nomba, Ine nacilaisa ileelo, ndelolesha pa fimuti ifikalamba ifisuma mulya mu mpanga, impili ishikalamba, isha fitulukila, ifya katapa katapa ukubikwa muli shena. Na citila, “Na mwishiba ifyo ici cili?” Na citila, “Ifwe twacikwatafye imfwa,



kabili Lesa nabikapo ibumba ilya maluba Yakwe, ukutambika fyonse pampili. Aya maluba yapa cililo. Umweo naubwelela kulukungu. Lesa nashika imbuto Shakwe ukufuma mumaluba kabili nefintu, ukushika uku fibwekesha, kaili Ena nalemya amabumba yamaluba Yakwe. Ena alelolekesha palya pamushili pantu cililo cama luba. Lelo lintu akasuba kabalika kabili, ulubuto luli nokuba no mweo kabili.” Ameni. Cisuma.

<sup>146</sup> U Mupashi uli uwakabila ukulangisha i Cebo. Kabili nga iwe wapokelela ulutambi mucifulo ca Cebo... Nomba, iwe watila, “Cisuma, ifwe twacetekela muli Ici conse, lelo, Munyina Branham, Ine ninjishiba ifwe tatucetekele *Ici*.” Nomba palya pene epo iwe ufwiwe walekela.

<sup>147</sup> Kashimikila waba shilika anjebele ine panshita imo ukuti ena... ukuti ka—ka kasomo atile, nangu Ine nincetekela ali ni meja, atile, “Kashimikila waba shilika, kabiye kulya, kuli kasomo uulefwa. Ena naba mulasa-imfuti.”

<sup>148</sup> Ena aile kulya, kabili na kasomo ale pulukutafye. Ba mutwele mwi tenti lya Red Cross, kabili ena atile, “Kasomo.”

<sup>149</sup> Aloleshe ukupusha amenso mufi bulungwa fya mulopa, kabili ena atile, “Ee, mukwai.” Kabili ena tile, “Iwe niwe kashimikila waba shilika.”

“Ee.” Ena atile, “Iwe ulefwa, kasomo.”

Ena atile, “Ine ninjishiba ico.”

Ena atile, “Bushe iwe uli mwina Kristu?”

Ena atile, “Ine nali.”

<sup>150</sup> Atile, “Nikwisa eko iwe wamushile Ena, kasomo?” Ena atile, “Iwe uli noku musunga Ena palya pene apo wamushile Ena.” Nacilungama.

Kasomo atile, “Ine nshi letontonkanya.”

<sup>151</sup> Kashimikila waba shilika atile, “Iwe ibukisha, taukwete ama miniti ayengi, munshila ule pulukutilamo.” Akanwa katampa ukwisuka, umulopa ulefuma mukanwa na mumatwi kabili nempolopolo shamu mfuti nashilambalala pali ena. Atile, “Iwe cawama waangufyanya, bapwapwa bobo baleisulila.”

<sup>152</sup> Kabili kasomo atampa ukutontonkanya ukufwailisha, nalambalala palya ilyo ena alepulukuta. Uku mwentula kwaisa panciso cakwe atila, “Ine naishiba nomba.”

Atile, “Nikwisa uko wa Mushile? Palya pene epo tampila nomba line.”

<sup>153</sup> Ena atile, ““Nomba Na lalako nokusendama.”” Apopene apo a Mushile, apopene apo a Musanga.

<sup>154</sup> Lintu akabungwe kenu kafundisha icintu icapusana ku Cebo, iwe ninshi wamusha Ena apopene. Bwelela palya pene, pantu Ena ali uwakalabana mukulangishiwa kabili

namukulenga i Cebo ukuba icine. Ifyo efyo Yesu ali, lyonse ukulacita ubufwayo bwakwa Wishi. Mwamona? Cisuma.

<sup>155</sup> Eico, mwamona, akabungwe kakwa Nikodemas ukukutuluka tacapilibwile icintu nangu cimo kuli Lesa. Nomba, te mulandu nga cakuti ena ali umukankala, ngefyo ifwe twita, muka bungwe, umukalamba wamu Israeli, ukusambilila kwakwe konse nokukutuluka tafya pilibwile ico [Munyina Branham alisha iminwe yakwe—Kale.] lintu aiminine kucinso cakwa Kristu, kwali ukumukalipila ena. Nomba, Nde elenganya abantu bonse batila, “Taata wamushilo, Nikodemas. Taata wamushilo, Nikodemas. Twa kontamina kuli imwe, mukwai.” Lelo lintu Yesu, ena aiminine ku cinso ca kwa Lesa, Ena alimukalipile pakukana ishiba kwakwe. Eico, imwe mwamona eko conse ico ciletungulula nangu cileya, cilabeniko ico! Iseni, natuleya kuli Lesa. Ico nacilungama. Cisuma.

<sup>156</sup> Nangu uku kutuluka ukwa kwa Korah takwapilibwele nangu cimo, nangu ukwa kwa Adamu, cila umo alikene i Mbila yakwa Lesa iya langishiwa. Nomba natukutike nokumfwikisha nomba, ifwe twalaingila mu menshi ayashika mukashita akanono. Mwamona, cila umo pakati kabo, umulandu bena baingilile mubwafya, Nikodemas, Korah, Nimrodi, kabili nefyaba nefyo, ni pamulandu wakuti bena taba ishibe inkombe yakwa Lesa iyo iyali ne Cebo ica langishiwa ica bulya bushiku. Nomba, onsefye alishiba ico. Nomba, ifwe twakokola pali ico panshita ntali. Lelo Lesa nga asobela kabili atila icintu cimo cili noku citika, umuntu ena kupanga utubungwe, noku bika no muntu bwino bwino fye. Bena bali cetekele ukuti kuli nokwisa Mesiya. Oh, bena aba Yuda, oh, owe, cituntulu! Lelo lintu Yesu aishile munshila Ena aishile, bena batile, “Uyo teti abe Ena.” Bena bafililwe ukutuluka ku Cebo. Nomba, Yesu taishile uwapusanako ku Cebo (bushe efyo aishile Ena?), lelo Ena aishile uwapusanako kuku pilibula kwa Cebo ukwa kabungwe. Mose taishile uwa pusanako ku Cebo, ena aishile uwalungatana bwino bwino ne Cebo; lelo Korah alifililwe uku cimona ici. Kabili nokukonkafye monse efyo caba muli iyo ine inshila.

<sup>157</sup> Nomba lolesheni. Iyi i Mbila iya bushiku buno teti ibefye icintu cimbi ukulalanda “ifwe twapokelela Icine kabili ifwe twapokelela *ici, cilya*,” cena cifwile casobelwa kalibela mu Cebo Cakwe! Kabili nomba panuma i Cebo naciletwa, cifwile caba bwino-bwino icalangishiwa ne Cebo.

<sup>158</sup> Yesu ali uwalangishiwa bwino-bwino na Lesa, ukupitila mu Cebo. Ena atile, “Imwe amu mwishiba Mose nga mwalishiba ubushiku Bwandi.” Cisuma bakasesema balandile palwa Ena, cisuma bonse ba kasesema balandile efyo Ena aali. Kabili libe cena cali bapofwishe, bafililwe uku cikutuluka ici. Mwamona? Lelo Yesu ali . . . Kabili Nshi . . .

159 Nde fwaya ukulanda ici pakubika pali tepu, kabili nakuli imwe, pamo. Mwamona, inkombe ne Mbila yabushiku bumu!

160 Nomba, nga iwe waya, kuli ba Seventh-day Adventist, “Ifwe twalimukwata ena, iwe akusunga Isabata!” Iwe nanga ine ico mu Malembo. Misisi Eddie Baker atile ali cikwete ici. Cila ngishe kuli ine. Inte shakwa Yehova shitila bali cikwata ici. Cila ngisheni kuli ine. Mwamona? Ba Methodist batila bali cikwata ici. Cilangisheni ici kuli ine. Ba Baptist batila bali cikwata ici. Cila ngisheni kuli ine. Nangisheni utubungwe utuli tonse. Nde shininkisha kuli imwe ukutula, bonse, baba kunse yabufwayo bwakwa Lesa. Bonse baba cila umu abapusana, ukulafundisha intambi sha bantu mucifulo ca Cebo ca kwa Lesa. Nshi shibe umu pakati kabo uyo uwinga pokelela ifintu icine cine ifyalembwa mu Baibele mu musango cabelamo Ici. Ico nacilungama. Lelo lintu umuntu umu aisapo kabili atila, “Ine nalikwata i Mbila iya bushiku bunu,” ena afwile amonwa bwino bwino mukubalilapo kabili nokulandila kalibela ukwisa.

161 Lintu Yohani Kabatisha aendele kulya bena batile, “Bushe e iwe Kristu?”

Ena atile, “Ine nshili.”

Atile, “Iwe—iwe—iwe eiwe Eliya?”

Ena atile, “Ine nshili”.

Ena atile, “Niwe nani?”

162 Ena alilangishe umwine, ukuti ena alikwete i Mbila iya ora. Ena atile, “Ine ndi shiwi lya umu uulebilikisha mu matolololo, nge fyasosa kasesema Esaya. Nomba, nga cakuti ukufyalwa kwandi no mweo tafya ampene ne co, mwi—mwi mpokelela ine.”

163 Lintu Yesu aishile, cali icintu cimo cine, icintu cimo cine. Inkombe ne Mbila, fifwile fyaba i Mbila iya sobelwa na Lesa. Kabili nomba Lesa, ukulanda ukupitila muli iyi nkombe, yalangisha ukuti ico e Cine. Bushe imwe mwacumfwa ico? Bushe mwa cikutuluka ico? Cikutulukeni ico! Cena cifwile mukubalipo caba EFYA SOSA SHIKULU, ica sobelwa. Kabili nomba inkombe ne Mbila, fifwile fyaba ifya ampana bwino bwino nefyo Lesa asosa ukuti efili noku citika pali ilya nshita.

164 Uyo e musango Mose abelelemo. Uyo wine e mulandu aponene ku cinso cakwe ku cinso ca kwa Lesa, kabili nokutula, “Lesa, Nimwe mwa ntumine.”

Ena atile, “Ipatule wemwine ukufuma kuli lilya ibumba.”

165 Mwamona ico Nde pilibula? Lyonse caba icintu ico icipilibula amatontonyanyo yamuntu, yena ukubafumya bena mubufwayo bwakwa Lesa. Nomba ibukisheni, ukusobelwa kalibela ne Cebo Cakwe kabili ica langishiwa bwino bwino ne Cebo Cakwe. Nomba, Yesu atile “Nga Nakana ukubomba imilimo iya...kwa Lesa nomba Ine mwincetekela. Mwamona, nga Na pusa...Ukulanda cimbi, ninani pali imwe uwinga

nsusha Ine palubembu? Ninani pali imwe nanga Ine ukuti Nsha cetetekela?”

<sup>166</sup> Nikodemus atile, “Ifwe twalishiba ukuti Iwe uli... Kafundisha, Wa fuma kuli Lesa, pantu tapali nangu umo uwinga cita ifi fintu kano Lesa aba na ena.” Mwamona? Eico cena calangisha ukutila Ena ali uwacetekela.

<sup>167</sup> Nomba, ifwe fwe baishiba ilyashi ilyakale ilya chalichi. Nomba fwaleni ifisote fyenu ifya kutontonkanya. Inshita tailati ipwe, mwamona, eco kutikeni no kumfwikisha nomba kabili Na laesha ukwangufyanya ngefyo Ni ngacita. Nde—Nde fwaya...Kutikeni bwino bwino kuli iyi tepu. Nomba, onse uwa belengapo ilyashi ilya kale ilya chalichi, alishiba ukuti inshita yakubalilapo iyo ubwina Kristu bwa ampanishiwe, cali cilonganano ca ba Katolika ba ci Roma. Nomba, nga cakuti kwalibako inshita shimbi elyo ico tacilacitika, Nde fwaya umuntu umo ukuleta ilyashi lyakale noku nangisha. Ndi cibusa wapacifuba cakwa Paul Boyd, ni umo pali abo abaishibisha ilyashi lyakale. Ine nali mukwata mukusambilila kwandi kulya, *I Cilonganano Cafumineko icya Nicene Council, Yaba Nicene Abapatili*, na fyonse ifya mushilo alemba palwa chalichi, ifyo Ine naishibapo. Pa myaka amakumi yatatu-na itatu Ine naba uwa ku ya sambilila, nokulolesha pali yena. Takwatala akubapo akabungwe. Ichalichi ca Katolika e nyina wa tubungwe. Ifwe twalishiba ukuti e cine. Ichalichi tacatalile acampana pamo, acikwata icilonganano, mpaka ichalichi ca Katolika. Kabili ishiwi *katolika* cipilibula “icisangwa isonde lyonse.” Kabili balipanga bukapepa ubwa chalichi-ca calo, nokucilenga ukuba bu kateeka monse mu Roma, kabili cena cali—cali cimfishe incende ishingiri mwi sonde pali ilya nshita. Cena cali ichalichi ca calo, nabonse abo aba lekana ukunakila cena baleipaiwa. I Cisaka ca Nicaea, panshiku ikumi na shisano kwali ubulwi ubwaku sumya umulopa, lintu bakasesema abenebene abakwa Lesa lintu baiminine pali ifyo...

<sup>168</sup> Ichalichi ca Katolika, umulandu ico catampile pakubala, mulandunshi, ifwe bonse twalishiba ico, Ine ico nalicifundisha pano. Ni mumusango nshi, icine cine, Aquila na Priscilla ebali ba kakumba, Aquila ewali kakumba wa—wa chalichi caci Roma. Lintu Mupashi wa Mushilo aponene pa Pentecosti, Wena waponene pa ba Yuda monse mucalo ca pesamba lya muulu. Lelo inshiku ishinono panuma yaico, Petelo alikwete icimonwa pamutenge wang’anda ukuti engaya kuli Cornelious’, umwina Roma, umuntu umulungami, kabili apepele no Mupashi wa Mushilo waponene pali ena. Panuma yakashita ba shimu cindikwa batampile ukupokelela Wena. Aquila na Priscilla baile mu—mu Roma kabili bena ba ampene, nangu, taba ampene, lelo babikile mumutande ichalichi ca ci Roma ica kubalilapo. Kabili, lintu bena bacitile ico, bena balikwete aba—aba bwananina nenkashi.

169 Kabili Claudiusi, mukuteeka kwakwe, afumishe kwisenge abaYuda bonse ukufuma ku Roma. Kabili iyo eyali inshita ilyo chalichi ca Katolika caci Roma catile Petelo ali mu Roma. Nangisheni Ilembo limo Petulo alipo mu Roma, nangu ilyashi lya kale lyonse ilitila ena emo ali. Ena talimo, umwabela i Cebo cakwa Lesa, kabili ico Eco Ine nacetekela. Kabili kuti caba shani Petelo, umu Yuda, ukuti atungilila utulubi kabili nefintu fimbi ifyo bena bakwete, ifyakupepa utulubi nefintu? Nipesa . . . Mwamona? Kutu aba shani ena uwakulwisha ukufundisha kwakwe apa? Buwelewele. Takuli ico ukucila pafyo ba Protestanti baba pamo. Loleleni, twalaisa fika kuli co panuma yakashita, mukuya kwanshita, Shikulu nga atemwa. Moneni. Moneni nomba, ifwe twasanganga ukuti inshita ilya ine ilyo ichalichi catila ukuti Petelo ali mu Roma, ilyashi lyakale lyatila ukuti Claudiusi (na Baibele nayo yalisosele) alyebele aba Yuda bonse ukufuma mu Roma.

170 Kabili Paulo apitile mu Efeso nokwisa kululamba lwabela pa muulu palya, asanga aba sambu, kabili palya ali pamuulu palya aletandalila Aquila na Priscilla. Panuma yakuya kwabo, elyo nomba ababwananyina ba ci Roma muli ici ichalichi batampie ukupanga amano yabo, elyo balundileko ukupepa utulubi. Kabili ilya nshita Constantino, uwo nyina ali umwina Kristu mwine mwine asubiile ukuti umulumendo wakwe engaba, lelo ena ali uwafikansa fya calo. Kabili ena amwene ukuti pepi na yonse Roma, nangula iciputulwa icikalamba icaciko, umwali ibumba lya balanda, bena balipokelele kale ipusukilo ukupitila muli Kristu. Kabili bena batampie ukwishibikwa, pantu bena baleikisha Venus nokuninikapo Maria, kabili baleikisha Jupiter nokuninikapo Petelo, kabili nefyaba ngefyo na—na abasambu, kabili bwali bukapepa ubwaishibikwa icine cine. Kabili bena bali ababulamba. Bena, balya abena Kristu kuti bafwa!

171 Kabili ne chalichi ca Katolika catile, “Ifwe twali aba kutendeka.” Ico cena e cine bwino bwino, chalichi ya Katolika yatampie pa Bushiku bwa Pentecosti. Lelo apa epali icalengele ukuti cena cifume: cena calyampene kabili no kutungamo (ukufuma mu Cebo) amasambilisho. Kabili ica kusambilisha ica nombaline, imwe mwe bantu mwebacilile imyaka yakufyalwa ikumi kuti mwaibukisha amasambililo yanomba: uku sansabika Maria, mupepi ne myaka ikumi iyapitapo. Nalimbi isambilisho lyalundwako mu chalichi. Mucifulo ca Malembo, ma sambilisho! Kabili bali nokukupeela ukwiluka ino ine inshita, bena “tabasakamana ifyo Amalembo yasosa, fintu ichalichi lyasosa.”

Bena, ulya shimapepo anjebele ine atile, “Lesi aba mu chalichi Cakwe.”

Ine natile, “Lesi aba mu Cebo Cakwe.”

172 Ena atile, “Cisuma, ilya Baibele yabafye ilyashi lyakale ya chalichi ca Katolika wakubalilapo.”

<sup>173</sup> Ine natile, “Ninshi Ine ndi Katolika wakubalilapo.” Natile, “Ico cilelenga ine ukuba Katolika uwacilapo ukucila iwe, weuli shimapepo.” Mwamona? Ine natile, “Ngefyo cili, ninshi Ine naba ico.” Ine natile, “Iwe wamona, Na cetekela bwino bwino mufyo abatunwa bafundishe. Iwe wacetekela mufyo abantu batungamo muli cena.” Kabili uyo wine emusango bwino bwino cena cabelamo. Mucituntulu, eflyo cali. Eflyo caba filya fine, bwino bwino muli iyo nshila.

<sup>174</sup> Nomba moneneni, ilyashi lyakale, nomba bena batendeka ukulundamo amasambilisho, isambililo, kabili lintu Paulo aishile fikako, ifwe twalishiba, umwabela ilyashi lyakale, ukuti ena tailetandalila ichalichi icakubalilapo, pantu ena tasuminisheko ku kupepa utulubi. Kabili ena atandalile ichalichi cabubili ico bashimpile, ichalichi ca bubili ica Roma.

<sup>175</sup> Kabili lintu Icisaka ca Nicea caishile, uko Constantino amwene itontonkanyo ifya kwampanya pamo ubufumu bwakwe. Ico icintu cimo cine ico Ahabu acitile pamo na Yesebele, ukuupila kulya. Mwamona? Kabili lintu ena akwete akashita akakwampanya abantu bakwe nokupanga icalo icikalamba icamaka ukufuma muli ico, ena atontonkenye ukuti bali nokukwata bukapepa bwabo, eico ena abapangile icalo-cabukapepa bwamu chalichi. Kabili lintu bena bakwete Icisaka ca Nicaea, kabili naya amepusho yalishile nga cakuti kwaba Lesa umo, nangu batatu; ngacakuti kuti babatisha mwi Shina lyakwa Yesu Kristu, nangu Taata, Umwana no Mupashi wa Mushilo; yonse aya amepusho yambi yaletetele uku—ukuilangisha mulya mwine. Kabili, ilyo cena cacitilwe, bamo muli bakasesema wakale balifuminemo ukwabula nangu cimo lelo bakwete imikupo yampanga iyafimbwa ukubashinguluka, kabili nokulalya ifya misalu misalu. Cishinka! Lelo bashi mucindikwa abakalamba ninshi balitulukusha no kwingila mu chalichi, nokubesalila na mano yesonde. Lelo bena bakwete EFYA SOSA SHIKULU. Ena ali mubu senshi bwafita pa myaka ikana limo.

<sup>176</sup> Lelo aishile fuma nakabili, ukwisa balula. Ico nacilungama. Tekuti ucipaye Cilya. “Ine nka bwekeshapo, eflyasosa Shikulu, yonse iyi imyaka ifi fintu fyalya.”

<sup>177</sup> Fyena ifilonganino fyalundileko amasambilisho. Kabili nokucita ici, ukulundako amasambililo, enshila imo iyo chalichi icili conse, enshila imo iyo icilonganino icili conse cinga fuma ku Cebo cakwa Lesa, ku lundako amasambilisho mucifulo ca Malembo ya mushilo, kwesha ukupanga intambi shenu nangu isambilisho lya chalichi cenu, nangu cena nacipusanako na Malembo. Nomba nimumusango nshi iwe winga sushisha icalichi ca Katolika, lintu iwe ulecita cimo cine cintu bacitile? Bushe muleumfwa? Cisuma. Lintu, nomba tontonkanya fye, Amalembo teti yafilwe! Amasambilisho bufi, mukubalilapo. Kabili lintu iwe wapokelela icilonganino, ninshi kale naukwata

amasambilisho, pantu cintu cimo icilundilweko. Cena tacili mu Malembo. Cena tacaba mu Malembo.

<sup>178</sup> Takwaba icintu caba nga akabungwe. Yesu tatalile sosa ukuti, “Ine na milashika ukuya mwi sonde lyonse, pangeni akabungwe.” Iyo, mukwai, takwaba icintu icaifyo! Ukucita icaba ifi, kukana Amalembo aya mushilo. Lintu ici cacitilwe, calicinjishiwe ukufuma kuli “Chalichi mu kufyalwa” ukuya kuli “chalichi mumasambilisho na mumasambililo.” Te *chalichi*, lekeni nombe ubwelelo; muncende! Imwe mufyalilwa mu Chalichi, lelo muya mpanya muncende. Cena tacili ichalichi caba Baptisti, ichalichi caba Methodist, ichalichi caba Pentecosti. Yena nincende yaba Baptisti, incende yaba Pentecosti, kabili nincende yaba Methodist, muyampanya kuli bena. Teti muyampanye kwi Chalichi. Takwaba icintu camusango ifi. Imwe mufyalwa muli Cena. Nikodemus alyebelwe ifyo. Eico imwe mwamona apo muli? Oh, owe!

<sup>179</sup> E mulandu wine Ine nkanina ico. Tekukana abantu ababa muli co; mibombeleyo Ine nkana. Pantu bena teti. . . Umo pali bena abakalamba nangu icintu cimbi icibiye, umo pa bama chalichi ashimikila icintu cimo ico icishaba mu Baibele ico cili icapusana kuli lilya isambililo, kulya uku suminishanya kuntu bakwata mulya mu chalichi, ena kumutamfya fye filya fine. Ee, mukwai. Bamo pali bena ababipisha icakuti teti baleke noku puputulwa ukwisa mu chalichi cimbi kano nga caba umu uwa pa bantu babo. Mulandunshi,abela ifyo. . .

<sup>180</sup> Umuntu umu panshita imo ali nokupela kashimikila. . . Muno mwine muli cino calo, kashimikila uwacikalamba uwaiminine kuno kwine pamusebo, alelanda nokulomba ukuti abantu balapile, kabili nokutila, “Iseni, mupokelele Kristu, isushiwenimo no Mupashi wa Mushilo,” ne fintu ifyaba nge fyo. Kabili umu uwa mukabungwe kaba Pentecosti aisa nokupela umuntu dolla imo muminwe yakwe, kabili aile mukulapila pantu ena acitile ubucende ukulola ku chalichi cakwe. Landeni palwa ba Katolika! Ico nacilungama. Kabili na mwishiba ico Nde landapo, pamo; nangu ici chalichi cilacita, nangu cibe ifyo. Cisuma.

<sup>181</sup> Cita ici, ku kukana Amalembo, lintu ici cacitwa, cena ninshi nacinja apopene ninshi iwe walundapo amasambilisho nokuya yampanya kukabungwe, iwe ninshi apo penefye naupokelela isambilisho lyobe, pantu ico tacili ca mu Malembo, cena cintu ica lundwako. Kabili isambililo cintu cimo icalundwako, “cena cilesenda incende ya,” cena cilesenda incende iyakufyalwa. Lintu iwe wapokelela icilonganino, iwe ninshi naulundako amasambilisho. Cisuma. Lintu ici cacitwa, nomba cena nacipilibuka ukufuma mu “Chalichi ukupitila mukufyalwa” ukuya “muncende ukupitila mumasambilisho nangu amasambililo.” Pantu, mwamona, cena lisambilisho palwa ciko, ico icishili mu Malembo.

<sup>182</sup> Nomba, Yesu tasosele ukuti, “Kabiyeni mwi sonde lyonse nokupanga ifilonganino, kabiyeni noku kolonganika abantu bonse.” Ena atile, “Kabiyeni nokupanga abasambi.” Imwe mwacetekela ico? [Ulukuta lwatila “Ameni.”—Kale.] Ameni. Eico, mwa mona, bonse capamo namufuma.

<sup>183</sup> Kutikeni, lolesheni pano. Na twisalile pacintu cimo na cimbi pano, twingishemo icintu cimo ica ikatisha pali ino nshita. Nibanga abakwata amashiwi yabomfeshiwa mu lulimi lwaci Greeki, *The Emphatic Diaglott* ukufuma mwi buku lyakale, mucu Greeki? Cisuma. Belengeni ico, buleni onse kasambilila untu imwe mulefwaya. Engile mu cikulwa caku sungilamo ama buuku nokubula amashiwi ya mululimi, ululi lwa ci Greeki. Abelenge Ukusokolola 17, kabili lintu mwabelenga palya, iya Lembwa na King James pano ilesosa ukuti, kabili lintu, “Ena ansendele ine ukuya mu Mupashi; kabili Ine namwene umwanakashi naikala pa ciswango icafwele insalu yakashika, umwaiswile ama—amashina aya miponto.” Nomba, ifyo efyo King James yasosele. Lelo ukupilibula kwa cine kwa sosa ukuti:

*...nasendelwe ine ukuya mu mupashi... kabili Ine namwene umwanakashi... eiswilemo amashina ya miponto...*

<sup>184</sup> Palibapo ubupusano ubukalamba pakati ka “amashina aya kuponta” na “mashina ya miponto.” Nomba lolesheni. Ifwe bonse tukutuluke nokwishiba kabili ukuti ukuti ico chalichi ca ci Roma icikele pampili cine lubali, ukutungulula amaka yonse aya mwi sonde. Kabili ena aitulwe “cilende,” kabili ena ali “nyina waba cilende.” Cinshi? Bushe cilende ninani? Bushe kuti aba umwaume? Cena cifwile ukuba uwanakashi. Eico nga cakutula mwanakashi, ico cifwile ukuba li chalichi; ena ali nyina wabu cilende, cimo cine nga fintu ena ali. Kabili lolesheni, loleni, “Mukati kakwe!” Lekeneni cingile. “Mukati kakwe mwali amashina ya miponto.” Cali cinshi ico? Nomba, bakapyunga pano kabili napali tepu, lekeni imwe mwikale umutende. Bushe ayo amashiina yamiponto niyesa? Methodisti, Baptisit, Presbyterian, Lutherani, Pentecosti, nefyaba ifyo. Amashina ya miponto, pantu twena tubungwe, ukucita bucilende kuli Lesa, pamo ngefyo ena ali.

<sup>185</sup> Kabili na bonse, muli yalya mabumba, abantu batila, “Mulandushi, ena aba Methodisti, kabili alacita *ici*. Ena ni Pentecosti, kabili alacita *ici*. Ena Prebyteriani, kabili alacita *ici*”. Bena balacita fye fyonse pali kalenda, imwe ishizeni ico. Kabili cili cinshi ico? Yena mashina ayo ayafwile ukuba nga-Kristu kabili nokulaitwa ukupitila mwishina lya bwina Kristu, ayo yena mashina yami ponto! Ifyo tafili ama chalichi. Fyena bala fibepesha ukufita “chalichi.” Shena ni ncende! Nomba imwe mwamona umulandu Ine ico nkanina akabungwe? Tebantu iyo, mibombele yakabungwe, mwamona, amashina, amashina yamiponto (loleni) ya ncende, mukubepa



yaletwa ama chalichi. Methodisti chalichi, Baptisti chalichi, Presbyterian chalichi, Pentecosti chalichi, Lutherani chalichi, United Brethren chalichi, tamwaba icintu camusango uyo. Ico tacaba mu malembo.

<sup>186</sup> Kwabafye i Chalichi cimo epela, kabili iwe teti uyampanyeko kuli Ico. Iwe ufyalwa muli Cena. Iwe walimwenwa libela kuli Ico. U Mubili uushifwa uwakwa Yesu Kristu . . . u Mubili uushifwa, ukucila, uwakwa Yesu Kristu pano pe sonde, pamo ne Cebo ukuba icasokololwa. Abana abaume na banakashi aba kwa Lesa, bena tababa nangu kuli cimo ica ico. “Fumeni pakati kabo,” Ena atile. Ee.

<sup>187</sup> Loleni, mukwangufyanya nombamba. Ine nshilefwaya uku mitendusha, lelo nga kuti mwa mpelakofye amamititi yanono, Ine nala angufya bwangu nga efyo Ine ningacita, Lelo Ine ndefwaya uku shininkisha ukuti mwa cipokelela ico, pakutilla imwe ta mucipanishe ico. Mwamona?

<sup>188</sup> Ibukisheni, nyina Roma, asangilwe muli ena, uwaisulamo amashina ya miponto, nyina waba cilende. Nombamba, nga bena niba cilende, bushe cilende ninani? Iuule ninani? Cintu cimo cine nga cilende. Ena mwanakashi uyo uwikala uushaba wacishinka ku mulapo wacupo. Kabili ichalichi conse ico icilanda ukutilla Chalichi ca kwa Kristu, kabili cilakana i Cebo cakwa Lesa, cena caliba icishili ca cishinka kumulapo wacupo! Nombamba cena cilacita ubucende mukulundapo amasambilisho bucilende nesonde naku mano yaciko, mucifulo cakupokelela Kristu namaka ya kubuka Kwakwe amaka ya Mupashi wa Mushilo. Kabili cena caba nyina waba cilende abo abacita icintu cimo cine. Impoto taita iketulo “uwa amafuta,” na mwishiba; mwamona, nangu mutanda muli cimo naitika wa dozen uwacintu cimbi. Bamba muli aba bantu bakonkamofye ukulaseka ba Katolika, kabili ukuba mucintu cimo icapalana nefyo fine palwabo. Ena ali ni nyina walubatisho lwa bufi ulwa mumenshi. Ena ninyina wakushininkisha kwabufi ukwa Mupashi wa Mushilo, kabili naimwe mwakonka ukwendela pamo nankwe. Nombamba natumone.

<sup>189</sup> “Bushe ico cacine, Muniyina Branham?” Ikatilileni umutende wenu pakashita akanono.

<sup>190</sup> Mwamona, ena ninyina wamashina ya miponto, uwa ncende isho abantu baikumanishako, kabili nokuleta umusebanya, ukwikala mumusango onse, ukufwala utuputula, abemba muma choir, abapeepa fwaka, balelya nomulalilo, umusango onse uwafyatapa ifya mwisonde, kabili cena cipunwisho ku bashila cetekela. Bushe Timote talandile palwaico pali Mupashi wa Mushilo? Loleni. Mwamona ena Roma, enyina wa onsefyo pakati kabo. Mwamona? Imwe mwacitile bwino mukabungwe kenu pamo nga efyo na ena acitile ukubikamo amasambilisho mu cifulo ca Cebo, Pantu ibumba lyabantu elyacibikile cena

pamo, bushimapepo naba bishopo kabili nefyaba ngefyo batile ukuti cifwile caba muli *uyuwine* musango, kabili nico cine eca citike ku Roma. Kabili naiwe waesha ukucita, kakumba wandi munyina, pokelela umwisulo wa Cebo ca kwa Lesa, kabili, lolesha uko uli nokuya, ukufumafye pa mwinshi! Nomba ifwe tulinokumona nga Lesa akwebela ukucita ico nangu tefyo, muma miniti ayanono. Mwamona? Cisuma.

<sup>191</sup> Mwamona, ena ninyina wa muntu onse, pantu ena ewali uwakubalilapo uku fumyamo ifya lembelwe mu Malembo kabili nokulundamo amasambilisho, pantu ena akene bakasesema abasubilwe abo abakwete umweo washinikishiwa, pamo ne Cebo. Palwa mano yabo, abantu abacenjela, ba Shamfumu wa ci Roma nefyaba ngefyo, abo abapokelele ubwina Kristu, lelo balefwaya. . . ukucipokelela ico mumusango wabo. Mwamona? Ico e cacishinka. Bena bafwaya ico mumusango wabo.

<sup>192</sup> Namani alefwaya ukufumyapo ifibashi fyakwe mumenshi yamucalo cakwe, ena talefwaya amenshi ya matipa aya Yolodani. Lelo nga cakutila ena alifumishepo ifibashi fyakwe ena alinokwenda mulya mwine mumatipa bwino bwino fye ngefyo kasesema amwebele. Mwamona, Lesa tacindika umuntu.

<sup>193</sup> Moneni, ena ewali icilonganano cakubalipo. Lolesheni pa bana bakwe abanakashi nabo bacitile icintu cimo cine, balundileko amasambililo nama sambilisho mucifulo ca Cebo. Winjeba ine; nanga umo uushafuma muli Ico. Nanga ine kakumba umo uyo uuli nokupokelela Icine icakuti iwe tabakatumfwe palwa ico, kano iwe waishibikwa icakuti, iwe na wishiba, bena bafwile bakwikatila pamulandu wakwishibikwa kobe nangula icintu cimo. Ico cili icalungama.

<sup>194</sup> Nomba lolesheni mu Kusokolola 18 pama miniti fye ayanono, versi yalankonkapo, na chapitala yankonkapo, panuma ya Kusokolola 17 ali pitulukamo kabili—kabili alelangisha icankama cakwa uyu Missi Babylon. Chapitala ya 17 iya Kusokolola ilondolola ukuti ena chalichi icaikala pa mpili cine lubali, u Musumba wa Vatican, uyo uyo uuteka isha mfumu shonse isha pesonde (ico cilifye bwino bwino cili icalungama), kabili ba Kateka pamo, nefyaba ngefyo. Uh-huh. Eico, lelo ena alimulya, naikatilila ubunonshi ubwa mucalo cakwe mumaboko yakwe. Ico cili icalungama. “Ni nani uwinga panga ubulwani na ena?” Ico nacilungama. Ifwe bonse twalishiba ico. Lelo iwe kuti waba shani mucintu cimo ico ica apana na ena? Nomba moneni muli chapitala 18, uyo wine chapitala uukonkelepo panuma yankama shakwe nashi londololwa. “Aikala mwitempele lya kwa Lesa.” Nomba, pano ica. . .

<sup>195</sup> Zella Braitman, bushe uli muno munshita ino iya bushiku, Zella? Ena ico aletele, cili mumuputule mulya nomba, *Our Sunday Visitor*, ipepala ilya ba Katolika. Kabili ne pepala lyabu Katolika lyalepela ubwasuko kuli kapyunga. Atile, “Bushe iwe

wacitila, shimapepo, uyu uwacitile ica... Mu mpendwa yaci Roma mulya mu Vatican, nangu pa mulu wa pacipuna cakwa Papa, calilembwa, ‘Vicarivs Filii Dei’, ico icilepilibula, ukuti”, mu diocese ya Katolika mulya, “ukuti ukuti muli ina—ina inambala yaciswango iciCinkunka?”

<sup>196</sup> “Mulandunshi,” ena atile, “icine cine, efyo cili. Ico bwino bwino, cilelangisha imyanda mutanda nama kumi mutanda-na mutanda. Ico cilifye bwino-bwino.” Kabili na diocese yaci Roma yalisumina ico ukuti efyo caba, ati efyo cicita. Nomba apa epali ubwasuko bwabo, ukucenjela, ukwisulamo amano, atile, “Lelo, iwe nawishiba, ishina lyobe mululumi lumo kuti walanda icintu cimo cine.”

<sup>197</sup> Uyu muntu atile, “Ilyandi, lyabafye kwati cimo cine mundimi shimbi.” Ena alilanda ilyo. Atila, “Mwamona, Ine ndi mupepi ne myanda amakumi mutanda na mutanda, pamo.” Atile, “Kwaliba imyanda yabo.” Atile, “Inshita yonse icintu conse caima ninshi, umo umuntu nakwata imyanda na mutanda namakumi.” Kabili atile, “Shimapepo bushe nawishiba mu lulimi luno ishina lyobe kuti lyalanda ukuti mukanyakristu?” Atile, “Mulandunshi iwe u lolesha pa fintu ifyaba ifyo?” Lolesha pa mano.

<sup>198</sup> Lelo, Mupashi wa Mushilo alishiba bwino. Lola. Efyo cifwile ukuba, ishina lyandi kuti limbi lyalanda amakana mutanda na makumi mutanda na mutanda, lelo Ine nshile kwanisha ifyashalako fimbi kuli ico. Ine nshikala pampili cine lubali. Ine shilanda *ifi* fintu. Ine nshili kafinala, iwe wamona. Ico cili icalungama. Uyo umo eo Ena alelandapo. Eico amano yobe aya mwisonde tayalepilibula icintu nangu cimo, mukwai, ico nacilungama, Mukubapo ukwa Mupashi wa Mushilo. Ine nshile kumanisha ifyashalako kuli ico, lelo ena alekumanisha. “Aikala mwitempele lyakwa Lesa, ukuilangisha umwine ukuti ni Lesa, kabili aikala pa mpili cine lubali.” Ine nshikele pa mpili cine lubali, nga cena calanda amakana mutanda nama kumi mutanda-na mutanda. Ine nshilekumanisha ifyashalako ifya ico, lelo ena alacita. Mwamona, efyo caba. Mwamona? Eico shintililafye pali Mupashi wa Mushilo, “Mwisendapo itontonkanyo paco mwala sosa, pantu teiwe weulanda ico; ena ni Taata.”

<sup>199</sup> Nomba kuti amano yobe noku Fyalwa kupya ifya fuma ku Muulu fya pashanishiwa pano ne fintu fya mwi sonde, aba—aba abamalele abakalamba balabamo muli ico? Mulandu nshi, bena bareshiba konse akanono aka bucenjeshi napashoka ponse. Ni mumusango nshi Mose ali nokwimininamo lintu ena akonkele Amafunde yakwa Lesa, ukuposa panshi inkonto yakwe nayena yasanguka insoka, kabili apa paisa aba malele nabo bacita icintu cimo cine? Lelo Mose aiminine shilili, ukwishiba ukutila ena akonkele i Cebo cakwa Lesa, kabili insoka yakwe yaminine insoka shonse ishahala. Mwamona? Eico lintu iwe

wanakila kabili wakwata...Cinshi ico acitile ena lintu aba tungulwile ukubatwala ku calo cabulayo, kabili palya pali Bemba Wakashika uku bacilinganya, lelo inshila yakwa Lesa yaile nokupita muli yena. Ameni. Atile, “Iminineni shilili, noku mona Ubukata bwakwa Lesa!”

<sup>200</sup> Lintu cili munshila yaku bomba, iya kukonka i Cebo, iminina palya kabili lolesha cena calaisuka. Ameni. Ine ndi ne myaka amakumi yasano-naitatu mukufyalwa, naliba uwa ku Mu bombela pa myaka amakumi yatatu-na itatu, kuti Na fwaya ukuti nakweta imyaka ama milioni ikumi ayakuti na Mu bombela. Ine nshatala mumonapo Ena ukumilwa na nomba, Lintu i Cebo Cakwe casungwa. Ico nacilingama.

<sup>201</sup> Nomba lolesheni, panuma yalubembu lwakwe, nefyankama fyakwe fyalisangilwe. Ifwe twalikwete ico panshita ntali, ifwe twaliishiba ico.

<sup>202</sup> Nomba chapitala yakonkapo, lolesheni mu Kusokolola 18. Lekeni Mpilibwile kuli yena nomba line. Cifwile ukuba icintu icisuma cena taca tusendele inshita lelo ma miniti fye ayanono ukucilapo, kabili cena kuti capilibula icintu cimo kuli imwe. Nde subila calacita ico.

<sup>203</sup> Nomba ifwe tulemona pano, mu chapitala 17 ne versi 5:

*...pampumi yakwe pali ishina nalilembwa,  
ICANKAMA, BABYLON UMUKALAMBA NYINA  
WABA CILENDE, ICAMU SELU CA PE SONDE.*

Kabili loleni.

*Kabili Ine namwene umwanakashi (ichalichi) nakolwa umulopa wabashila, kabili nomulopa waba mufwila Yesu...lintu Ine namumwene, Ine nalisungwike ukusunguka kukalamba.*

<sup>204</sup> Mwamona, ukumona ena ali icintu icikalamba ica yemba. Kabili ena aali nyina waba cilende, bukapepa bwa bu cilende, ifilonganino, bwino bwino ifyo ena acitile, mwamona, pantu bena babikilemo amasambilisho pamo ngefyo ena acitile. Nomba lolesheni, lolesheni, mu Kusokolola nomba, umo nimu chapitala 17, nokupelela ukufika pa versi 18. Nomba moneni.

*...Panuma yaifi fintu, (panuma yaca nkama cakwe ca sokolweke), Panuma yaifi fintu Ine namwene malaika umbi aikala panshi ukufuma mu muulu, nakwata na maka aya kalamba;...*

<sup>205</sup> Nomba, kwaishile inkombe imbi yaikila panshi, chapitala yakonkapo, icankama cakwe calisokolwelwe. Nomba, ici nomba ukusokololwa ukwa cankama kabili ne cankama cabana bakwe. Mwamona, ifwe nomba twakutuluka bwino bwino ico ica mulengele ena cilende: pantu acitile ubucende ukukana i Cebo cakwa Lesa. Kabili ecalengele ena apange akabungwe. Ena akene ukwikala mu chalichi camu Baibele kabili nokupelelela

ico. Kabili takuli akabungwe konse ako akashi senda i Cebo conse ica ciko Cena (umusango Cena calembelwamo) ukuti caba ichalichi camu Baibele. Kabili takwaba nangu cimo muli iyo nshila, ico Ine naishibapo, tapaba icintu nangu cimo. Eico palya, mwamona, lintufye ena apanga ifintu ifyo ena acita, (fyonse fibili ukupitila mu Malembo na mu cakushininkisha) ena apo pene alafwa, ena apokelela amasambilisho. Nomba lolesheni, nomba ico ecacitike.

<sup>206</sup> Lesa atumine, mu chapitala 18, malaika mukalamba, panuma yacilya icankama caishibikwa, malaika mukalamba, nangu, inkombe. Lolesheni pano.

*. . . panuma yaifi fintu Ine namwene malaika umbi aikila ukwisa panshi ukufuma ku muulu, na maka ayakalamba; kabili ne sonde lyali butishiwe ku bukata bwakwe.*

*Kabili ena abilikishe. . . neshiwi ilikalamba, . . . Babylon (uwacimfulunganya) umukalamba alepona, . . . kabili na sanguka umwakwikala ifiwa, . . . icaikatila imi pashi shakowela, kabili ni kasalanga wa conse icabusaka kabili nolupato. . . icalamba kabili neconi ica lupato.*

*Kabili ifyalo fyonse fyalinwa umwangashi wa cipyu ca bulale lale bwakwe, kabili ne shamfumu sha pano pe sonde. . . ukucita ubulale lale pamo nankwe, kabili naba makwebo bape sonde naba kwata ifyuma ukupitila mu bwingi bwafya mapopa yakwe.*

<sup>207</sup> Lolesheni, palya penefye panuma yafya nkama fyakwe fyaishibikwa, untu ena aali, nefintu ena aali, nabo abana abanakashi bakwe baali, icankama nacilengwa ukwishibikwa, nomba Lesa atumine malaika, inkombe ku (cinshi?) kwita ukubikilisha, “Fumeni muli ena!” I Mbila ya nshita!

*. . . Fumeni muli ena, mwebantu bandi, ukuti mwiba abakukumako ku fiko fyakwe. . .*

Ena ala mutipa. Moneni.

<sup>208</sup> Fumeni muli ena! Lesa natuma abengi. . . malaika mukalamba, nangu, inkombe. Kabili no Lubuuto lwakwe taluli mulusoso, Lwena nalusalangana ponse pe sonde. Fumeni muli ena! Cinshi? Ena, nabankashi yakwe, pamo. Kuku buusha isonde, kabili nokwita abantu Bakwe ukufuma muli ena. Nomba, na mwishiba ukuti ico e Cine. Inkombe yatumine ukufuma mu Muulu, ukwita abantu bakwa Lesa ukufuma mu Babylon. Kabili no Lubuuto lwakwe lwa butiishe pe sonde, Mupashi wa Mushilo mukalamba.

<sup>209</sup> Moneni, Baibele yatila, “Ena ni kasalanga, kabili, alikata ifyalupato, ifyuni fyakowela.” Teba kapumpe, nomba, iyo, iyo, iyo, iyo. Makubi, “ifyakowela, ifyuni ifyalupato,” ena kasalanga

uwa isulamo fyena. Ena ni kasalanga uwa isushiwamo fyena, onse kasalanga alisula. Pamo nafinshi? “Amashina yamiponto,” ica pusanako na Malembo. Timote Wacibili 3 atile, Mupashi wa Mushilo alesosa, “Munshiku shakushalikisha bena bakafuma ku Cicetekelo kabili nokukutika ku mipashi iibebeleka.” Kabili cena catila, Mupashi wa Mushilo asosele: “Ukuti munshiku shakulekelesha bena bakaba aba isansabika, abaumfwa ama tontonkanyo yapa mulu.” Abalupato: “Apalwe Lesa, imwe mwaba kulubali lwesu, nangu tamwakwata ishina lyenu mwi buuku lyesu, imwe mwaliluba.” Hmm. Abalupato! Abakowela! Hmm. Ine ndesubila Nshi lemicena, Nde subila Nde cita icisuma. Ifyalupato, ifyakowela ifyuni, ena afibikile muli kasalanga.

<sup>210</sup> Ibukisheni, Lesa ni Kapumpe. Ena Umwine aita Kapumpe. Kabili Ena aitile Yakobo kapumpe. Kabili ifwe tuli abana bakwa kwa kapumpe Abakwe. Ameni. Ena aitile bakasesema Bakwe “bakapumpe.” Kabili uyu malaika aikile ukwisa mukusokolola kabili namukwita bafume!

<sup>211</sup> Pamo ngembila yandi iinono pali *Ngafintu Kapumpe Asapulula Icisansala Cakwe*. Ulya kapumpe umunono alekonka ulya nankoko umukalamba ukushinguluka icitele inshita yonse, alelilalila ukushinguluka, lelo ena talelya ifyakulya fintu akwete, ubwangelishi, abanakashi abapenta-ifinso, umushishi waputulwa, kabili notuputula. Ena teti acite filya. Lelo ena taishibe ukucita ifintu fimbi kano ukulila kwa kwa nankoko ulya umukalamba. Lelo ubushiku bumo nyina kapumpe amusangile. Ena abilikishe, ukumwita ukufuma, atile, “Wemwana, tauli umo uwa abo. Fuma pakati kakwe!”

Atile, “Mayo, cinshi Na lacita?”

<sup>212</sup> Atile, “Kampaula amapindo yobe kabili tampako.” Ukutoloka kwaku balilapo, ena aile yuma mucimuti palya pene pakati kakabungwe. Atile, “Wemwana, ufwile ukupupukako ukuya pamuulu ukucilapo pantu ninshi Nsha kwikate. Ufwile wafumya amakasa yobe pamushili.” Ena alemutwala mukupupuka. Ena asangile ukutila kuti apupuka. Ena aishile mwita ukuti afume. Ico cili bwino.

<sup>213</sup> Lelo uyu Nyina Babylon aliikatwa umwine mwi bumba lya nkoko, utwana utwasambika, utwapenta, utwaputula imishishi, utuita utwine “abena Kristu.” Ena alikwata kasalanga umwaisulamo twena. Mwe bakashimikila mwe beminina kucintamba nokuleka banamayo baleya ifyo fine, insoni pali imwe, mufwaya ukutila ifilonganino fyenu fisule. Lesa akafwaya ico kumaboko yenu. Fumeni muli ico! “I mpanga shandi shilomfwa Ishiwi Lyandi.” Kasalanga uwaisulamo abalupato, abamataki, aba matontonkanyo yapa muulu, abatemwa ukwangala ukucila ukutemwa Lesa, abatemwa ukuba nge sonde kucila ukuba nga Kristu. Lintu iwe wamona umwanakashi nakalaso iingi nasuba, ico cilangisha ukuti

mukati kakwe tamwaba nangu cimo. Ena wabufi mukati. Ico cilifye bwino bwino icalungama. Nga umwanakashi. . . Ine nalimumwene ubushiku bwapitapo, nemishishi iya katapakatapa, ico nacilungama, nefya katapa katapa nabasuba mumenso yabo.

<sup>214</sup> Nomba, nga iwe—nga—nga iwe tawakwete imishishi, kabili—kabili iwe ulakabila ukufwala imishishi, ico kuti caba icalungama, lelo, ufwale umo uwakuti ulemoneka kwati wa buntu. Kabili nga iwe taukewte amaala, kabili—kabili iwe walefwaya ukusendako amaala yakuminwe, taufwile waya senda kwati ya fipapa fya cilemba, fwaya—fwaya ayacine. Iwe nga taukwete fimo pali ifi fintu, cena ninshi nacilungama. Iwe nga taukwete ameno, fwaya yamo nga cakutila bakupangilako yamo, yasende. Lelo wisokola ameno ayo Lesa—akupela pantu pamulandufye wakuti yena yaba ayashaikala bwino panono, kabili yena yasuma ameno, ukuyasendako yamo. Wilabikamo amalangi mu mishishi nangu ifintu fimbi, kabili nokumoneka kwati cintu cimo icafuma mwitipa kuncende imo. Wila. . . Nga taukwete amalangi nomba ulefwaya ukukwata ko amalangi, ico cilifye icisuma, Ine ndeingililamo. Kabili taufwile ukuipanga kwati ni Yesebele, ngo butala kuncende imo ubo balepenta.

<sup>215</sup> Kabili imwe mwe ba bwananyina bwa ku Pentecosti, ukuleka abanakashi baleputula imishishi, lintu Baibele yasosa ukutila bukata bwakwe! Kabili cena tacaseeka kuli ena ukupepa ne mishishi yakwe muli uyo musango. Kabili mwamuleka aisa naku cimtamba noku lashimikila Imbila nsuma, ukwimba mwi bumba lya bakemba, ukufunda kwi sukulu lya pa Mulungu. Fyansoni pali imwe! Imwe mulekabila ukuba abansoni palwenu. Umulandu Ine nkanina akabungwe? Bushe Imwe muletonkanya Ine kuti natungilila icintu caba ifyo? Ine nalishiba umulandu ucitila ico, munyina. Iwe walishiba bwino, lelo iwe ngakuti wafunda ukuleka ico, bena bali nokukwalula ukuba icisaka, kabili bali noku kufumya kwisenge iwe. Apalwe Lesa paku shipa kobe nga cakutila wacita ici. Ico nacilungama. Lesa ali noku kucindika.

<sup>216</sup> Cinshi ico uyu malaika asosele? “Fuma muli ena!” Ee, mukwai. Uyu malaika aishile pe sonde kabili ena aishile mukuleta u Lubuuto, kabili ena aishile mukuleta u Lubuuto ukushinguluka icalo. Ena ali ni malaika wamaka. Kabili ena aishile mukutanda i Mbila iya “Fuma muli Babyroni! Wi ikata kufintu fya kowela ifyakwe fyonse!”

<sup>217</sup> Buleni kasalanga onse uwaisulamo ifyo. Atile, “Ena ni kasalanaga wafyuni ifyalupato.” Ee, ena alikwata kasalanga uwaisulamo ifyo nomba, Akabungwe ka ma Chalichi yamu Mucalo, nangu incende. Alikwata ibumba lyonse ilyabikwa muli kasalanga nomba, bonse balesa ca pamo. Ena asanguka kasalanga, cisuma, uwa isulamo ifyuni fyalupato. Ico nacilungama. Esha ukulanda kuli umo uwa mulyabo panshita

imo, ceshe ici, mulumendo, abacenjela mu mano ye sonde, lelo tabaishiba ukucilapo pa lwa kwa Lesa ukucila akalulu eflyo kacita kunsapato sha menshi makasa. Ico nacilungama. Cibe, ifyo eflyo cilifye, mwamona, naconse eco baishiba mano ayo bengabika muli *ici* kabili nokucita *cilya* mulya. Lelo lintu cena caisa mukumwi shiba Ena? Huh! Ee, aiketwe muli kusalanga yakwe namasambilisho yakwe. Ama chalichi yaba fumamo yatampile cimo cine, e yaisaba abana abanakashi bakwe pantu icy ukupitila mukukana i Cebo cakwa Lesa. Ico ena alacita. Ena alakana i Cebo. Kabili lintu wapokelela icintu cimbi mucifulo ca Cebo, iwe wa Ci kana palobe. Kabili lintu waikumanisha kuli cimo pali fyo, iwe naukana pamo i Cebo. Lesa ta kufwaya muli uyo musango, namu Malembo tamwaba ici fulo caico.

218 Moneni, uyu ni malaika wa Lubuuto, ibukisheni, ni malaika munkulo ya chalichi kuli Laodekaya. Yena ni nkombe yamu Laodekaya, ico ena wakulekelesha, pantu chapitala inkokelepofye nimu 19, iyo iyili Nabwinga uuleisa. Kabili ici caba, mu Malembo, malaika wakulekelesha uyu waishile mukuleta u Lubuuto ilyo Nabwinga talaisa kumanya Kristu. Iyo yali ni Nkulo iya Chalichi ca Laodekeya, nomba. Ninani uwali inkombe mu Chalichi ca Nkulo ya Laodekeya? Ukubeta bena ukufuma mu Babyloni! Loleni! Ifilonganino nafikatwa muli kasalanga wakwe pamo nakwe, pamo namasambilisho yakwe, ukukana i Cebo nokupokelela amasambilisho. Ulya ni malaika wa Lubuuto ku chalichi caku Laodekeya ico ica kene Kristu kabili ne Cebo Cakwe uku konka amasambilisho, kabili ba Mubikile kunse. Kabili Ena aiminine pa mwinshi, alekonkonsha, ukweshu ukwingila mukati. [Munyina Branham akonkonsha pa cintamba—Kale.] Mwamona? Inkulo ya chalichi yakene Kristu, na Kristu e Cebo, kabili yali Cikene, kabili Ena ali kunse. E nkulo fye imo iya chalichi iyo twakwata iyo Kristu ali kunse, alekonkonsha, ukweshu ukwingila mukati. [Munyina Branham akonkonsha pa cintamba.] Kabili neyi i Mbila yakwa malaika inkombe yafumine kuli Lesa, ya lelenda i Mbila yakwe pe sonde, ati “Fumeni mu Babylon! Fumeni mutubungwe!” Mupashi wa Mushilo ileelo, ukulangishiwa kwakwa Mupashi wa Mushilo ni ulya malaika uule esha ukubwekesha abantu ku Cebo, pantu Mupashi wa Mushilo ali nokushinikishafye i Cebo. Cena teti cishininkishe amasambilisho, tamwaba umweo muli fyena. Ena e Mweo. Moneni, i Nkulo yama Chalichi iya Laodekeya yali Mu kene, kabili ba Mu bikile kunse.

219 Moneni, uyu malaika e nkombe yakulekelesha ilyo ukwisa kwa kwa Kristu takulacitika mu chapitala 19 wa Kusokolola. Ishiwi lya nkombe! Nga cakutila ifwe twamona, lintu Ena apele Ishiwi lyakwe pe sonde, kwaliko Ishiwi limbi ilya lesosa mu Muulu, mu versi lya 4, ngo lefwaya ukubelenga ico, cisuma, versi lya 4, chapitala 19. Iyi kombe pe sonde yali iya lemenena kuli Lesa, lintu ena alandile ici pe sonde, Lesa abwekeshepo cimo



cine ukufuma mu Muulu. Cili cinshi mu versi 4 ukupilibula? Cilepilibula cinshi? Ishiwi lyakwa Lesa lile sosa ku bantu Bakwe abo abamwenwa kalibela, lilesosa, “Fumeni muli ena!” Bwino bwino fye ifyo Ishiwi lyali! Ena alikwata abantu abaya mulya, bonse ukupitila muli Babylon. “Fumeni muli ena, ukutila imwe mwiba abakumako ku membu shakwe,” ee, mukwai, ukufuma muli ilyo isambilisho nama sambililo, ukwisa ku Cebo ica panga u Mupashi kabili u Mweo. Amenii.

<sup>220</sup> Moneni, chapitala 19 iikonkelepo, “Panuma yaifi fintu.” Bushe mwacimona muno chapitala 19, “Panuma yaifi fintu”? Lolesheni cinshi? Panuma ya cinshi? Panuma ya Mbila ya “Fumeni mukati kakwe!” “Panuma ya ifi fintu,” moneni, “kubilikisha kwa kwa ba Nabwinga abashila, pamo na Shibwinga, ukuya ku Bwinga bwa mwana wa Mpanga.” Ifyo tuli abapalamina ifwe nomba, munyina? Ukwita kwa kulekelesha nikwisa? “Fumeni muli Babyroni!”

<sup>221</sup> Nomba, mweba bwananyina bandi, uyo e mulandu wine Ine nkanina ico. Cena tacaba mu malembo. Cena tacili icalungama. Cena cali shininkishiwa ukuba ica bufi. Lesa tabamo muli ico, Ena talimo, Ena tatala bamo. Nomba, Ine nshilesosa ukutila abantu muli utu utubungwe, umo emo ichalichi cifuma. Lelo, ilyo waposha inshita muli iyo imibombele, iwe waba ulubali lwa ico.

<sup>222</sup> Ine nga Njikala mu United States, Ndi mwina America. Apofye Ndi mwikashi nangu membala wamuli iyi United States, Ndi lubali lwaiko. Nga Ine naya ku Gelemanii kabili nokukana bu membala bwa muno, nangu ubwikashi bwandi, Ine ninshi nabula ubwikashi bwa mu Gelemanii, Ine nshili kabili umwina America, Ine ndi wamu Gelemanii. Kabili Ine nga naya ku Japan, nangu konsefye, ku Russia, Ine naba umwikashi wakulya.

<sup>223</sup> Kabili lintu iwe waikumaniisha ku bwikashi bwa kulya . . . imibombele, kabili nokuba umwikashi wailya mibombele iwe ninshi ulelangisha uyo untu waba. Kabili mulishino nshiku shakushalikisha, Lesa aleita abantu ukufuma muli ici. Baibele efyo yasosa ifyo, “Fumeni muli ena, pakutila imwe tamukumineko kuli ena, kabili Ine ndi no kumipokelela. Mwi ikatako ku fya kowela fyakwe fyonse, mwamona, kabili Ndi noku mipokelela. Kabili imwe muli nokuba abana abaume nabana abanakashi kuli Ine, kabili Ine ndi nokuba Lesa kuli imwe.” Mwamona?

<sup>224</sup> Uyo wine e mulandu Nandila ukukana ichalichi ne—ne ncende. Ine teti inciite ati ichalichi. Kwabafye i Chalichi cimo, ico Chalichi ica Mubili wakwa Kristu. Lelo ishi ncende isho ishita “chalichi,” Baibele yandi ile njeba ukuti yena mashina yamiponto, yonse pamo, utubungwe tonse. Finshi ifyo twena tupontela? *Ukuponta* kuba “uwapusanako kuli ico,” nangu “ukulanda ukukana.” Lintu Lesa atila, “Isa nokufyalwa,”

kabili bena batila “Isa nokuyampanya.” Mwamona? Lintu ukubatishiwa ukwa Mupashi kwafumishiwa mubufi babula akamukate aka bufi mucilonganino ca chalichi ca Katolika, ukuiposha kwa maboko mu chalichi caba Protestanti, kabili nefyaku mfwa umfwa mu chalichi caba Pentesoti, mucifulo ca uyu Muntu Kristu uuleisa pamo na cilya ici kulwa ca pyramidi ico eco twakwete.

<sup>225</sup> “Lundako ku cicetekelo cobe, amaka,” kabili na fimbipo, fyonse ifi fili muli Petelo Wacimo, chapitala 1. . . Petelo Wacibili, Nde cetekela, chapitala 1, uko conse calundwa ku cicetekelo cobe, ifintu fyonse ifi, bu lesa, nokupwilika, na bu mushilo, nafyonse, kabili nomba elyo wakakatikwa no Mupashi wa Mushilo.

<sup>226</sup> Lelo, cili kwatifye muntu umo bena. . . abantu balalanda ukukwata ici cintu bena tabakwete, pantu bena balifundishiwa mu bufi. Ba Methodisti balakwata imyumfwile yakusekesha, intu babelesha, kabili noku isunkanyako panono, nangu—nangu ukushana mu Mupashi. Ba Pentecosti bena balandila mundimi nangu—nangu ukucita ifintu mu myumfwile. Ine nalicetekela ifyo fintu icine, cine, lelo ifyo fintu ukwabula ifi fimbi tafyawama.

<sup>227</sup> Ngefyo Ine nalandile ubushiku bumbi, cili kwati ni peakoko. . . nangu iconi cafita cileesha ukubika amasako ya peakoko palicena, nangu mwankole aleesha ukubomfya amasako yankunda. Yena tayatala ayamena napo palya, ayengishemofye umwine. Yena yali limbwa, yena filonganino. Lelo lintu Lesa abika icintu conse mulya, caba ica cifyalilwa. Iwe waipanga we mwine watila, “Ine nayampenye ku chalichi ubu bushiku bwafumineko. Ine teti nje nakabili, Ine teti nwe nakabili, Ine teti ncite *ici*. Na li yampanya kuchalichi.” Mwamona, iwe uleesha ukubika amasako ya peakoko mu mubili obe uwabu mwankole. Ico nacilungama. Mwamona? Mwamona? Iwe ufwile wafyalwa cipya cipya! Iwe ufwile wa pokela Kristu. Kabili lintu iwe wapokelela Kristu, iwe teti upokelela Kristu ukwabula ukupokelela i Cebo Cakwe, pantu Ena e Cebo. Kabili lintu iwe wakwata imibele yabulesa, kabili nokukana Ico, Ine ndesunguka. Mwamona? Kabili iwe kuti waba mutubungwe tonse eto ulefwaya nokukwatafye imibele yabulesa, kabili ucili taukwete Ici.

<sup>228</sup> Nomba, mwaumfwa ico, bacibusa. Apo epali icintutulu conse. Lesa amipale imwe. Lesa amwafwe imwe. Ine nshilanda ici ukuba icapusanako. Ine ndelondola palwandi. Buuno ubu bushiku bwa kwibukisha abashilika, Ine nshile lembe icakumfwana icakuleta umutende naimwe ba kapyunga, teifyo iyo, Ine ndetonkankanya imwe ukwisa nokwisa lembeshanya naine; teine, lelo na Lesa, i Cebo. Ico nacilungama. Ico nacilungama. Landa ico Baibele ilanda, landa Ico mumusango Cena Ca landilwamo. Pantu Baibele itila “Uyo

ukafumyako nangu ukulundako kuli cena.” Kabili imwe mwamona, utubungwe tatwaba mu malembo, kabili lintu iwe wapokelela isambilisho lyakubalilapo iwe kuti cakuwaminafye wabwekelamo, pantu ico ninshi nawabuka umushilwa palya pene. Lintu iwe wabwela mukufyalwa cipya cipya ninshi iwe uli nokwendela mu Malembo.

229 Kabili iwe waya mucilonganino, bena batila, “Ine ninjishiba ifwe tatwacetekela muli *Ici*. Ba bishopu besu mu chalichi cesu balatufundisha ukutila nifwe ama chalichi yakale. Ifwe tatufunda . . .” Ine nshile sakamana ifyo tabafunda. Nga Baibele ifundisha ico muli Mupashi wa Mushilo muli imwe Ena ali noku milisha pa Cebo. Te mulandu nefyo umuntu engaba uwacanjela nefyo engesha uku Ci londolola bwino, bena teti bacilondolole bwino. Umu senshi kuti abula Baibele nokulondola Lesa bwino ukucila iwe.

230 Eico, takwaba umuntu nangu umo uwingabila Imbila nsuma kano ena aba, nga Mose, kulya kunuma, pa mucanga wa mushilo uko ena na Lesa beka baiminine, kano umuntu nga afyalwa cipya cipya kabili aiminina palya icinso necinso na Lesa, kabili aishiba. Takuli umusenshi, takuli uwakwishiba amano, takuli nokulondola, takuli kasambilila mwisonde awinga senda Ico ukufumya kuli ime. Iwe walikulya lintu ico cacitike! Ee, mukwai. Iwe walishibe icacitike.

231 Nomba iwe watila, “Ine nalikwete umusango wakupitamo, kabili Ine nalikwata umupashi pali ine.” Kabili nga ico cakana i Cebo munshila yonse, iwe naukwatera umupashi walubana. Iwe watila, “Ine—Ine teti nje kufyamusango Ngoyo. Ine njishiba, lelo ichalichi cesu . . .” Uh-uh, apo pali umupashi walubana. Apo epali icakwishibikilwako cobe. Kaini, iwe walikwata icishibilo. Ee, mukwai.

232 Efa atwishike i Cebo icinono; te fyonse ifyo Lesa asosele, califye Cebo icinono, kabili caletele ukulwala ukukalipa kwa mutima kabili imfwa, kabili ulubembu, kabili no bulwi, kabili fyonse ifya shala, imanda shonse, imyotoka shabalwele ishibilikisha, ifi patala fyonse fyakulilwa abalwele. Ukutwishika kwakwe ukunono ukwa Cebo cinono icakwa Lesa, kwalengele fyonse ifi. Kabili ena afumishiwe, lintu ici tacili noku citika. Nimu musango nshi iwe wali nokwingililamo, ukutwishika i Cebo cimo ica Ico? Watila “Ine nalishiba Cena cilanda *Ico*, lelo Cena . . .” Ici cilepilibula fye Ico!

233 Nomba lolesheni. Lesa ali nokupingula isonde ne cintu cimo. Iwe teti ukwate ubupingushi kano naukwatera mukubalilapo amafunde. Kufwile kwabako icintu cimo, iwe ufwile watoba icintu cimo pakutila wa pingulwa. Mwamona? Kabili lyena teti kube ubupingushi, ukwalungama, ukwabula ukukupela ukukandwa. Nomba, mwamona, iwe teti ukwate amafunde aya sosa ukuti “nalakulipilisha ama dollar-yasano pakwa sha

ilaiti lyakashika,” kabili ifunde ilyakonkapo lyatila “iyo, ena mulekeni aye ukwabula ukulipila”. Mwamona, iwe teti ucite ico. Eico teti pabe amafunde yabili ayengabapo panshita imo. Kabili takwaba ifunde limo, Lesa umo, i Buuku limo, Kristu umo. Ifyo fine. Ici Cetekelo cimo, isubilo limo. Ifyo fine. Iyo ni Baibele, Kristu.

<sup>234</sup> Moneni nomba, muli ici, nga cakuti kwabako icintu cimo icakulundako kuli Ici, cena cififwile calundwa nomuntu. Cena teti cibe ukucila apo . . .

<sup>235</sup> Kabili nga cakuti Lesa ali nokupingula icalo ukupitila mu chalichi, nga fintu ba Katolika basosa, nomba ci chalichi ca ba Katolika nshi ico Ena akapingwilako? Kwaliba ayengi ayaifyo; kwaliba imo Roma; cimo, ici Greeki; kabili, oh, yonse yaba imisango iya pusana pusana. Ci chalichi ca ba Katolika nshi Ena akapingwilako? Nangu, limbi Ena ali noku ci pingula ukupitila muli bu Lutheran? Ukuba, nomba, kabili limbi Ena nokucipingula ukupitila muli bu Prebyterian? Mwamona? Cinshi Ena alinokucita? Ena tali noku cipingula ukupitila mu chalichi. Ena ali noku cipingula ukupitila mu Cebo Cakwe. Cisuma, nomba, Ena tatala . . .

<sup>236</sup> Mwamona, Ena teti asunge ibumba lya bantu, nge cimonwa cakwa nkashi abushiku bumbi Mupashi wa Mushilo apongolwelemo, Ena aile ukupitila muli ilya imbokoshi. Cituntulu, takwaba nangu cimo icikatilila Ico. Cena caba nacilaumo. Cena cipelwa ukuwamya ichalichi, lelo ico teti ci Ci katilile. Takuli akabungwe akenga cikatilila Cena. Ifyo fine. Ico teti cicite ici. Imwe mwalikwata fyonse mulya, kabili teti mucite ici. Akabungwe teti kacicite cena. Lelo nicila umo uyo uwakwata Mupashi wa Mushilo. Nomba moneni.

<sup>237</sup> Nomba nga Lesa ali nokupingula icalo ukupitila mu Cebo Cakwe, ninshi Ena icine cine ali ciloleshapo Ici noku cisunga Cena mumibele. Nangu, nga cakuti Cena muli ifingi ifyasankanamo, nimumusango nshi Ena ali nokuletelamo ubupingushi? Mwamona? Cena cilifye ukuba icintu cimo. Kabili Ena talandilepo ati, “Onse uyo ukupitila mu chalichi.” Ena atile, “Onse uukafumyako Ishiwi limo kuli Ici, nangu ukulundako ishiwi kuli Cena cimo cine cikafumishiwako (icipandwe cakwe) ukufuma mwi Buuku lya Mweo.” Eico, kuli ine, ni Lesa, i Cebo Cakwe kabili no bu pingushi. Nomba, nga Ine napingula kabili nokupokelela i Cebo, kabili namona ukuti Kristu afwilile ine, nomba Ine ndino kwipusha palwa Mweo Wakwe ukwingila kabili noku ntungulula. Kabili nga cakuti u Mweo Wakwe e Cebo, kabili Ewa lembele ne Cebo, ni mumusango nshi u Mweo Wakwe wingaba muli ine, kabili ine ndesosa ukuti nalikwata Mupashi wa Mushilo, kabili ndelundako nesambilisho mucifulo ca Cebo? Cena teti cibombe. Ni mumusangonshi Ine ningalundako icilonganino lintu Ena alakana ico, kabili alishininkisha ico, kabili nokucilanga ico

ukupitila mu lyashi lyakale, ukuti inshita yonse bapanga icilonganino bena balafwa, kumupashi? Oh, bena balalenga ba membala ukufula, mucituntulu. Ico naciliungama. Bena balenga ba membala ukufula. Lelo, kumupashi tabaya nangu kumo. Nangeni, njebeni muli lilya iyashi lyakale konse uko ichalichi ilya . . . Panuma cena ca ampanishiwe, cena cafwilile palya penefye, Mupashi wa Mushilo ali cishile cena. Tapalipo ifisungusho nakabili ne fishibilo, kaili ena ailefye palya pene mu cimfulunganya.

238 Ico bwino bwinofye ecacitike kuma chalichi yaba Pentecosti besu. Bena bacitile cimo cine eco nyinabo acitile. Pakutendeka, bena balifumine, abantu abakene ifilonganino. Nomba, imwe bamo mwe babwananyina mwebalekutika kuli iyi tepu, imwe bamo mwebantu abakote, namwishiba ukuti imyaka yapitapo, amakumi yane, amakumi yasano ayapitapo, nga cakuti bena balilandile kuli imwe palwa kabungwe, imwe nga mwatile ukuti miponto. Lelo imwe ilelo muli mulicilya icintu imwe mwalelontokanya ukuti kuponta. Imwe mwebanakashi mwebaputulapo imishishi nokupenta ifinso fyenu, nyinenwe alekana ico, uyo umusuma—umusuma pentecosti uwashila uwakale. Cinshi cacitika kuli imwe? Paulo atile, “Imwe mwali butwike bwino, cinshi camucilikile?” Mwamona? Kunuma kulya mwali abantungwa kuli ifyo fintu, lelo mulefwaya ukuba nga bonse abashala.

239 Bwino bwino fye eco na Samwelo alosele. Israeli alikwete Imfumu, kabili uyo ali ni Lesa. Kabili bena batile, “Samwelo, iwe uleya ulekota. Tufwaile Imfumu imbi, ifwe tulefwaya ukuba nga bashala mwisonde. Ifwe tulefwaya ukuba nge fyalo fimbini. Ifwe tulefwaya imfumu iya kututwala ku nkondo, ifwe tulefwaya imfumu iyo inga tulwila ubulwi bwesu.” Kabili ico taca sekesh Samwelo.

240 Ena atile, “Bushe Ine nalitala nsenda icintu icili conse ukufuma kuli imwe? Bushe Ine nalitala nsenda ulupiya ukufuma kuli imwe? Bushe Ine nalitala mipushapo palwa ng’ombe nangu icili conse? Bushe Ine nalitala mipushapo pa cintu icili conse?”

Bena batile, “Iyo. Imwe tamwatala amutwipushapo pacintu icili conse.”

241 Nangu ntile, “Bushe Ine nalitala nandapo icintu icili conse mwi Shina lyakwa Shikulu lelo cafilwa ukufikilishiwa?” Bushe ico nacilungama? Ena atile, “Ninshi tamufwile mwapokelela iyo imfumu, pantu cikesapilibula icimfulunganya kuli imwe.”

242 Nomba Nde fwaya ukumwipushako icintu cimo, mwe Hema ya Branham. Imwe muleipekanya ukuba ihema ikulu nomba. Ine limbi kuti nafumapo pa nshita. Ine limbi kuti nayako ku ncende kumo. Cintu cakosa ukusosa uko Shikulu akanjita ine; limbi ukuleka ukumoneka, limbi ukubwelela mu milimo, limbi Ena kuti anjita ine ukuya mu matololo. Ine nshishibe

uko Ena akanjitila ine mpaka Yesu akabwele.Nde fwaya ukumwipushako icintu cimo. Bushe Ine nalitala imwipushapo pacintu icili conse? [Ulukuta lwatila, “Iyo.”—Kale.] Bushe Ine nalita milombapo ulupiya? [“Iyo.”] Bushe Ine nalitala mwebapo icintu conse, pa makana ya fintu ifyo Ine namweba mwi Shina lya kwa Shikulu, lelo, tafyafikilishiwe? [“Ameni.”] Eico tamufwile ukuikumanisha ku cilonganino. Ico cilapililkana ne Cebo cakwa Lesa. Fumenimo muli ico nga cakuti imwe emo mwaba muli ico, kabili mube abapaatuka noku pokelela i Cebo ca kwa Shikulu.

Katukontamike imitwe yesu.

<sup>243</sup> Mwe Lesa Mukalamba uwa ba kasesema, Lesa uwakwa Abrahamu, Issaki, no wakwa Israeli, bikenimo amaka, Shikulu, kuli iyi i Mbila inono iyaputaulwa iyo iyaba pa mutima wandi inshita ntali, ukuti ingaya kuba bwananyina bandi. Abengi abali kunse kulya, Shikulu, baakwata imitontonkanishe iyapusanako pa lwa ine. Bena batontonkanya ukuti Ine mfwaya ukuba uwaibela. Bena batontonkanya ukuti Ine nde esha ukuba uwa-ishiba-fyonse. Bena baleeba abantu ukuti Ine ndabeepa abantu, sana sana pa masambilisho ayaba ngo *lubatisho lwa mu menshi* mwi Shina lya kwa Shikulu Yesu, kabili na pa *lubuto lwa nsoka, cilende umukalamba*, kabili nayengi aya pa ma tepu ayo umwabula icintu lelo Cine icishakoweshiwa. Kabili Ine nalibepusha ukuti, “Imwe bamo iseni nokunanga apo na bembuka Ine, nangu ukukana cetekela nangu ukukana pilibula bwino i Cebo.” Kabili takwaba nangu umu uwaisa. Ine ndempapata Imwe, Taata, lekeni aba bantu beshibe ukutila balepanya inshita. Bena bali nokulolela mpaka bakacelwe, nga cakuti tabali abalola. Lekeni bena, onse pali bena . . .

<sup>244</sup> Shikulu, Ine ndi uwa shininkisha pa lwa ici, umutima wandi kuti waba uwa tobeka nga cakuti ili Ilembo talyali ilituntulu kuli ine, lintu Imwe mwatile, “Bonse bantu Taata ampela Ine, balinokwisa. Impanga shandi shumfwa Ishiwi lyandi.” Nomba, Shikulu, Ine nde elenganya Ubufumu bulifye mucituntulu nga fintu Imwe mwasosele, Ine ninjishiba ukuti eflyo bwaba, bwaba kwati muntu uwabulile ubusumbu nokuya kuli bemba, aposa ubusumbu nokutinta fyonse ifya mitundu mitundu ifyalimo. Mwena mwali, ukwabula ukutwishika, isabi lilya ilya misango yonse, mwali ba fulwe, batandabube ba pa menshi, insoka, iifintu fyonse ifyo isumbu lya Mbila nsuma yaikete. Lelo mukushalikisha, mukuya kwanshita, isabi libutukisha lyai bwekele mu menshi nakabili, fulwe nao alifuminepo, insoka nayo yalililefye nokubwelela mu bwendo bwa mumatipa, nge mbwa filya ibwelela ku malushi nangu inkumba ukubwelela ku matipa yaiko. Lelo mwaliko isabi ilituntulu mulya, Shikulu. Kabili Ine ninkwata ici icitalaliko, icakwishiba ukuti nelyo fye isumbu talila poswa pali fyena fyali isabi nalilya line. Lyena lyalifyelwe, isabi lyamwenwa kalibela. Kabili ififine eflyaba ne

sumbu lya Mbila nsuma ilyo iliya mukwikata mumisonkano yakupuputulwa. Mwalishiba Imwe Abenu. Icintufye cimo Ine ndi uwashingamwapo, Taata, ukukonkafye nefyo Ine naishiba, kwikala uwa cishinka kuli ici i Cebo. Nimwe Bamo Mwe bapanga ubusalo pali cinshi na cinshi. Kabili Ine ninjishiba ukuti teti fulwe asanguke akasabi, ifyo fine no mwaume nangu umuntu, uwakwata amatwi ayakoma ku Mbila nsuma, ukuti engomfwa Icine. Pantu Taata amwenene kalibela ici, Naimwe mwaililaya ukuti bonse abo Ena a Mipela bali nokwisa.

<sup>245</sup> Taata mwe baba mu Muulu, Ine nde Mupapata ukutila umuntu onse uyo uwaumfwa iyi Imbila iinono, ukuti lulya u Lubuuto ebo ishimikilwemo, kabili nobupilibulo buntu nakwata Ine mu mutima wandi ukulola ku bantu banandi, abantu abo Imwe mwafwilile. . . Kabili nabaume, bambi abali kunse kulya, Shikulu, kwati ni mwibumba lya kwa Korah, abacine abaume, aba tungulwilwe mukuluba, ne ci futumwino ca mushilo mu maboko yabo, lelo balifwile. Mulandunshi, bena tabalekele necifutumwino ca mulilo ukuya pamo nabena; umwana mwaume wakwa Aaron, Eleazer, ewafikolongenye pamo. Kabili bena bapangilemo icilangisho ica ku cipailo ukufuma kuli yalya ama ketulo, inkwela, ukulangisha kabili ukuba ica kwibukisha ubushiku ubwa cintu cabipisha, ubo Korah aeseshe ukupanga ibumba lyaikolonganike pamo ukulwisha inkombe ya kwa Lesa. Cibe ukutali ukufuma kuli ifwe, Shikulu. Lekeneni Mupashi wa Mushilo lyonse aletucingilia.

<sup>246</sup> Twa Mutotela, Shikulu, ukuti ichalichi cesu icinono, aka kanono aka lufuba kamushilo. Imyaka iingi iyapitapo, amakumi yatatu ayapusanako, Ine nafukeme mucishiba ca menshi pano umwaiswile ifyani no mutonshi, kabili ifwe twabikile iyi ncende kuli Imwe, ici icikulwa cinono. Kabili kulya bushilya mulusoso lwe hema emwabikwa cilya cimonwa. Ico icaisa fikilishiwa filya fine fye. Cicili palya pene. Bena tabaka cilepule nokuciwisha panshi, Shikulu, bena balifye noku. . . cenacileya cilekota, kabili bena balinokucisunga ukupitila mukubikapo cimbi pamulu waciko. Lesa, fikilisheni ukuti iyi Mbila nsuma iya golide iyo iya lembwa mu mabula pano, yena Inga kana ukufuma muli cino ichalichi icinono mpaka Kristu akese. Lekeneni membala onse, membala onse uwa mu Mubili wakwa Kristu, abesa mukati muno ukupita mu calo kabili nokushinguluka isonde lyonse, lekeni onse pakati kabo apokelele u Lulbuto, Imbila nsuma kabili nokwenda muli Yena kabili nokupokelela Kristu.

<sup>247</sup> Kabili lekeni cena cibe icituntulu ukuti i Fyebo Fyakwe fingafikilishiwa, “Imilimo iyo Ine ncita, nabena bakacita pamo. Uyo onse uumfwa i Fyebo Fyandi, kabili nokucetekela Ena uwa Ntumine, ali no Mweo wa Muyayaya.” Kabili lintu u Mweo wa Muyayaya waisa umo, bena ninshi bafyalwa ukufuma mu Muulu, kabili imilimo ifuma kuli Lesa ilaisokolola iine palwaiko,

pantu Mweo umo wine uyo uwali muli Ena. Wena teti ucite icintu cimbi.

<sup>248</sup> Eico, Taata, mwileka cino chalichi ukutushisha ubwikashi bwa Muyayaya pa fyakupitana mu mubili, pa kabungwe, pa cintu icili conse kano Kristu Umwine eka ukwikala muli bena, ukushininkisha i Cebo Cakwe ukupitila muli bena kabili nobulayo Bwakwe. Leken, ukufuma ku mwana umunono uwacepeshamo muno munshita ino iya bushiku, mpaka naku muntu umukalamba pali bonse, bapokelele ici icakupitamo. Kabili lekeni umwaume onse nangu umwanakashi, umulumendo nangu umukashana, uuli nokumfwako kuli iyi tepu, lekeni cibe ifyo fine nabo pamo, Shikulu, kabili bapeni ukukutuluka pantu Ine nde eshafye ukubasoka nokubilikisha, pantu ino ora naipwa ukucila pafyo ifwe tutontonkanya.

<sup>249</sup> Kabili ifwe tulemona Babyroni, nyina waba cilende, kabili nabana bakwe abanakashi amaule ukulakumana bena capamo. Lesa, ifwe twailuka ukuti Amalembo yatila ukuti amankumba ayamenene mwi bala lya ng'ano yali nokukakwa mukubalilapo, mu myanshi. Kabili bena balikakwa mummyanshi, ukula ita abene amashina yamiponto aya sha shingamwa nokuba ayabo, tayashingamwa nokuba aye Chalichi, nangula; ya muncende, temu ma chalichi. Kwabafye imo muli yena, Taata, kabili iyo ine Imo eyo Imwe mwafwilile.

<sup>250</sup> Kabili Ine napepa, Taata, ilyo tulemona bena balekakwa pamo nomba pa mulilo wa bonaushi nomba line, Ine napepa, Shikulu, ukuti Mu leke ing'ano shikesule kabili nokufina. Cifikilisheni ici, Shikulu. Leken ifwe tukule kabili noku fumya u Lubuuto, kabili nokuba pamo nga Yesu, "Nga Ine nshicitile ifintu ifyo Lesa alefwaya Ine ukucita, ninshi Ine nshili no Mweo muli Ine. Lelo nga Lesa alanda kabili alangisha u Mweo Wakwe, ninshi ico cailandila palwa Ciko Icine." Cifikilisheni ici, Shikulu. Ine nabika iyi Imbila kuli Imwe, kabili ukuti Imwe mwingalolesha pali Yena, kabili nokuleta amakumi ya makana, Shikulu, nangu, bonse abana Benu abo mwamwenene kalibela ku Mbila nsuma. Muli Yesu Kristu, Uwaba i Cebo, Mwishina Lyakwe Ine napepa. Amen.

Nalitemwa . . . , Na . . .  
 Pantu . . . balilepo ukuntemwa  
 No kushite pusukilo lyandi  
 Pa Kalbale.

<sup>251</sup> Ine nala ipusha ilipusho. Bushe nibanga munshita ino iya bushiku muli ili bumba lilemoneka ku menso muno, muli cino ichalichi icisuma icikalamba ica bantu, nangu ing'anda ya bantu, ukucila, muno mucifulo cakupepelamo, abo abacetekela ne mitima yabo yonse, imyeo yenu yalingana pamo necilekabilwa (imwe) cakwa Lesa kabili na Baibele, kabili imwe mwcetekela ukuti, mukulolesha pa mweo wenu, kabili nokulolesha ifyo u



Mupashi uleenda muli imwe, ukuti wena ucetekela i Cebo conse mumusango Cena calembelwamo, kabili nokucisunga Ico? Bushe imwe mwali Cicetekela? Lesa amipale. Leken i Ena alesunga u Mupashi Wakwe pali imwe.

<sup>252</sup> Kabili kuli cibusa wandi pa tepu, Ine nga nacifwaisha sana alolesha muno mwibumba munshita ino iya bushiku, Nde elenganya ukutila amakumi pabula pacenti iya bantu bacimya amaboko, ukutila balicetekela kabili baliloleshe na muli Baibele, (tefilya mu chalichi batila) ifyo Baibele ilanda, (tefilya muncende batila) ifyo Baibele ilanda, kabili bena balamona no Mweo wakwa Kristu ulelangishiwa muli Ico.

<sup>253</sup> Imwe namwishiba, munshiku ishakale ilyo takulati kube ifya kusungulwilamo, ba—ba kafula baleuma golidi ne nondo. Nde elenganya mwalyumfwa palwa ici. Ilyo tailaya umwakusungulwila, baleyuma. Kabili golide eyafinishapo pa fintu, yena yalifina ukucila umutofwe. Kabili ico Ine nalicitako panono ifya kwimba imba, kabili kuti waitwala mu mucanga mukusuka mu fiswebebe, kabili nokuyakusa ukuboko kobe pamulu wa mucanga, kabili elyo, “fyew,” nokuputapo mumusango nga *uyo*, kabili ulukungu na fyonse fyala kuntika, amabwe, lelo golide yena yalifinisha icakuti yena ibafye palyapene. Kabili nomba ninshi waimya ilya golide, ilya ninshi naikunkuluka mufko ifingi icakuti ya senda ifingi. Kabili ukupita munkulo shampili shamililo elyo yale isa ilelundapo, naikwata umunyela kabili na fyonse, icela nolubwe lumbi ulwa sakanishiwamo pamo nayo. Ulya kooma alebula golidi yamumantikwa nokuyumaula kabili nokuipilibula, kabili nokuyumaula yena kabili nokuipilibula, mpaka ena auma nefiko fyonse ukufuma muli yena. Kabili namwishiba eflyo ena aleishiba ati ifiko fyonse fyafuma? Ena alemona icinso cakwe calangishiwa muli yena.

<sup>254</sup> Kabili uyo wine e musango Lesa acitilamo kwi Chalilchi. Ena alomaula isambililo lyonse, icilonganino conse, mamasambilisho yonse ayapangwa no muntu, mpaka Ena amona u Mweo Wakwe Umwine ukulangishiwa muli iwe. “Nga Ine nshile cita imilimo iyakwa Taata Wandi, Mwincetekela.” Mwamona? Nga cakuti ico icaiminikwa kwi Chalilchi, uyo u Mweo uwali muli Kristu taulelangishiwa muli iwe, wi iminina shilili Nga cakutila taukwete ukutekanya, amaka, ifintu fyonse ifi, kabili no kuiteka, kabili—kabili ifintu, kabili bu lesa, kabili nokutemwa kwa bumunyina, kabili nafyonse ifintu ifikabilwa kuli iwe. Temulandu nefyo iwe wacita, temunlandu nefyo iwe upundisha, ama chalilchi yanga ayo iwe waikuminkishako, masako yanga ayo iwe waibikapo, wila ci cita. Lolela mpaka muli bu cishinka, ukufuma mu mutima obe, iwe kuti waelela, mpaka mu mutima obe wakwata ukutemwa kwa ba bwananyina. Temulandu nga batinta ulupi lwa myefu yobe ukufuma kulubali lumo, kuti wa

pilibula isaya limbi nobusuma, mwamona, mpaka ayo maka, temulandu nefyo bena balelanda kuli iwe.

255 Lintu bena babikile icisalu ukushingulusha icinso Cakwe kabili noku numa Ena pa mutwe, atile, “Nomba, bena banjeba batila Niwe Kasesema.” Nomba baishile fwambulula icisalu ukufumya pali Ena, kabili naumo pali bena uwaikete icimuti, atile, “Niwisa umo pali ifwe akuma Iwe? Sesema kabili nokutweba, mufyo cifwile ukuba, elintu lyena ifwe twalacetekela ukuti Niwe Kasesema.” Ena tatalile esulapo akanwa Kakwe.

256 Lintu iwe waumfwa kasesema aima, uwakwata amasuko yonse ku longolo lonse wingemya, ibukisha, uyo te kasesema. Mubushiku bwaleelo bena bafwile baishiba ifili fyonse, lintu walakwata ukukalipa kwa meno kabili ne lintu iwe walakwata ukukalipa kwa mumala, na fyonse ifili ngefyo, kabili nokutweba iwe palwa ico. Iyo temibele yakwa Lesa wesu. Lolesheni bakasesema, lolesheni Yesu.

257 Lolesheni pali Paulo, lintu apuma umuntu nobupofu, nokuleka kafula ukumubutusha ena mu calo, “Ine ndeelenganya ena alilifishe amaka yakwe ayaku puma ubupofu.”

258 Yesu, Uyo uwaleimya abafwa, kabili casoselwe ukutila umushilika uwakolelwe amusakile amate pa menso pa Mwakwe, kabili ukukula ifikola nokumufwishila kabili nokumunukula umwefu pa cinso Cakwe, kabili ukumuma Ena pa mutwe, ne cisalu ishamushingulwiwe Ena, batile, “Sesema kabili nokutweba uwakuma pa mutwe Iwe.” Kabili taiswile akanwa Kakwe.

259 Wilolesha kuba bomfi ba longolo. Lelo ibukisha, bena balelandafye, dola yabufi isosafye ukutila ati kwaliba dola iituntulu kumo. Lintu iwe wamona akabungwe kalekula kabili kaletunguluka, ngefyo catila, “incenjeshi shili nokutunguluka mu kuboko kwakwe,” nomba ibukisha ukuti kwalibako icinono i Chalichi cakwa Lesa ku ncende imo, cine cine ca isushiwamo na Mupashi wa Mushilo, icacine, icilenina umutanto. Iwe wilalolesha pa kabungwe akakalamba.

260 Chalichi nshi icikalamba ico cilandwapo mu Baibele pe chalichi lya munkulo ya bena Efeso? Kabili lintu Pauo aile kululamba lwa pa muulu ulwa Efeso, kabili aisa naku chalichi cimo uko kwali abaume ikumi limo na babili muli cena. Ico nacilungama. Kabili bonse bali abantu abasuma, babilikishe kabili bakwete inshita iisuma, lelo, bali tabalati bapokelele u Mupashi wa Mushilo. Paulo atile, “Imwe tamwapokelela u Mupashi wa Mushilo ukutula apo mwa cetekela?”

Bena batile, “Mulandunshi, ifwe tatwaishiba ukuti kwaliba Mupashi wa Mushilo.”

261 Ena atile, “Nomba imwe mwa batishiwe shani?” Nga cakutila tacapangilepo ubulekano cinshi ena alandile kuli cilya ichalichi kulya?

262 Bena batile, “Ifwe twalipokelela kale ulubatisho ukupitila muli umu mubakalamba abo abaiminia pe sonde, Yohane Kabatisha, uyo uwa batishe Shikulu wesu. Bushe uku ukubatisha tekusuma sana?”

263 Ena atlie, “Iyo, mukwai. Imwe mufwile ukubatishiwa nakabili, pantu Ubufumu bwaliba ubwakakatikwa ku cintu conse.” Kabili ilyo baumfwile ici. . . Batile, “Yohane atubatishe ukulola kukulapila, tekwelela kwa membu, ukulanda ukuti imwe mufwile ukucetekela muli Ena uyo uuli nokwisa, ico ni, muli Yesu.” Kabili lintu baumfwile ifi, bena balibatishiwe cipya cipya mwi Shina lyakwa Yesu Kristu. Ico nacilungama. Bwino bwino fye. Bena bakonkele Amalembo.

264 Na mwishiba, mukubika mu lucelo, Mose asendele ukutantika uko ena amwene ku Muulu, kabili atanike itenti ukwimininako ico. Lintu Solomoni akulile itempele, ena (cinshi ico ena acitile?) akonkele ubutantiko buntu Mose, kwi tenti, ukusunga Amalembo ifyo yafwile ukuba.

265 Kabili lintu Lesa esa kwi Tempele Lyakwe munshiku shakulekelesha, ili Tempele, Mupashi wa Mushilo, “umubili euntu Mwampekanisha Ine,” Mupashi wa Mushilo aponene pa Bushiku bwa Pentecosti, imbila yali, “Lapileni, bonse pakati kenu, kabili noku batishiwa mwi Shina lyakwa Yesu Kristu mu kwelelwa kwa membu shenu, kabili muli nokupokelela icabupe ica Mupashi wa Mushilo. Pantu ubulayo buli kuli imwe kabili naku bana benu, nakuli bonse abali akatalamukila, nakubengi abo Shikulu Lesa wesu aketa.” Nga ulefwaya ukwita kapyunga obe dokota, Dokota Simioni Petelo alembele akakupokelapo umuti, aka kupokelapo umuti aka Muyayaya. Ico eciposha abalwele.

266 Lekeni bamo ba shing’anga babufi abaleesha, ukupitila mufilonganino, abo aba lelembapo munshila imbi, emulandu bena bakatila. . . Na mwishiba, nga imwe nga tamulundile u. . . mwalundamo ifyafulisha pakapepala kakupokelapo umuti, imwe limbi. . . mwafusha sumu, imwe limbi kuti mwaipaya umulwele wenu. Nga imwe tamubikilemo uulingile mulya, imwe. . . teya ku bwesha sumu, nga tamu citile, tawamubombele ifisuma umulwele. Shing’anga wenu alishiba bwino ifyakulemba akapepela kakupokelapo umuti.

267 Kabili Kristu, Mupashi wa Mushilo, e Kalemba waka Pepala aka kupokelapo umuti, kabili Ena alilemba Ico. Taufwile ukulundako kuli Ico nangu Ci fumyako kuli Ico, sendafye Umuti umusango ubelemo. Wena ni u Kaposha uwa malwele yonse. Lesa amipale. Mwa li Mutemwa? Ameni.

Nalimutemwa Ena, Na...[Tapali amashiwi  
pali tepu—Kale.]  
Pantu Ali ntemenwe  
No kushite pusukilo lyandi  
Pa Kalbale.

<sup>268</sup> Nomba lintu ifwe tulelung'winta, nomba pilibukeni  
nokuposhanya nabena mupalamano apo. Oh, ena mulebeshi  
nao, alepitafye.

Nali Mutemwa, Na...(...?...ico  
cawamisha.)  
Pantu Ali ntemenwe  
Kabili ashitile...ipusukilo

(Iseni pano pali ino nshila. Ee, natotela, munyinane.)

Nali Mutemwa, Nali Mutemwa  
Pantu Ali ntemenwe  
No kushite pusukilo lyandi  
Pa Kalbale.

Nali Mutemwa,

Lekeni twimbe nomba.

Nali Mutemwa,  
Pantu Ali ntemenwe  
No kushite pusukilo lyandi  
Pa Kalbale.

<sup>269</sup> Nomba natukonteke imitwe yesu, natwisale amenso yesu,  
twimye amaboko yesu nama shiwi yesu kuli Lesa nomba, ilyo  
Ine ndemibika kuli kakumba. Ifwe tuli nensansa ukuba naimwe  
kuno. Ifwe tatuli cilonganino. Tatwakwata amafunde kano  
ukutemwa, tatwakwata amasambililo kano Kristu, tatwakwata  
icitabo kano Baibele. Tatwakwata bu membala; tukwatafye  
isenge ukupitila mu Mulopa wakwa Yesu Kristu uyo uutuwanya  
ukufuma ku kukanacetekela.

<sup>270</sup> Cisuma, bonse capamo nomba.

Ine... , Ine... .

Lesa amipale. Mukabwele nokwisa tutandalila nakabili.

Pantu Ena antemenwe... .

Cisuma, ba kakumba. Bushe na muipekanya? Lesa amipele.

Kabili... .



*UMULANDU NKANINA BUKAPEPA BWA AMPANISHIWA PAMO* BEM62-1111E  
(Why I'm Against Organized Religion)

Iyi Mbila na Munyina William Marrion Branham yaletelwe intendekelo mu Cingeleshi pa Mulungu icungulo bushiku, Cinshikubili pabushiku bwapa 11, 1962 pa Branham Tabernacle ku Jeffersonville, Indiana, U.S.A., yafumishiwa muli tape iyambulwa kabili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2020 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)